

CUL 31/10/93
DU
760
A2
V1
V. 1016

WANTO

NIUSPEPA BILONG OL PAPUA NIUGINI STRET

Ernst & Young audited/
circulation 15,177

36 pes

Namba 1016

Wik i stat long Fonde Desemba 16, 1993.

40 toea

Sir Michael tok

PNG salim nau long ol ovasis lain

GODFRIED NIAKA i raitim


INSAIT long PNG, planti bisnis wok i stap nau long han bilong ol manmeri bilong ol arapela kantri.

Ol Papua Niugini yet i no ranim planti bikpela na liklik bisnis. Planti i stap na lukluk tasol na ol lain bilong ol arapela kantri i wok long kam na ranim bisnis bilong ol.

Sampela bilong ol dispela kain bisnis em ol haus kaikai, stua, sekenhan klos stua na pasin baim graun, wokim haus antap na rentim long ol arapela manmeri.

Papa bilong Papua Niugini, Sir Michael Somare i mekim dispela toktok long Trinde, Disemba 15.

Sir Michael i tok em i no amamas long lukim olsem planti manmeri long ol arapela kantri i wok i go moa long pes 3



Nek mas drai ya... Praitim Minista bilong Papua Niugini, Paia Wingti i opim pinis dispela wara saplai. Tasol i luk olsem em tu i nek drai, bikos hevi bilong wara long Mosbi i bikpela moa. Olsem na em i daunim het, opim maus na traim sampela kolwara.

LO TOK FAN EM BILONG WOK DIDIMAN TASOL

... na olgeta las toktok i stap long minista

DOMINIC KAKAS i raitim

RUREL egrikalsa divelopmen program em i bilong ol wok didiman projek long ol ples tasol.

Aninit long lo bilong Rurel Egrikalsa Divelopmen Program (RADP) em Nesenel Eksekutiv Kaunsil i bin oraitim long tok orait namba 35/93: "ol lain husat i aplai long kisim mani em i bilong

ol smolholda wok didiman projek. Na dispela i karamapim ol kaikai na kes krop, ol projek bilong lukautim ol enimel, na ol liklik didiman bisnis em bai kamap na helpim komyuniti".

Planti toktok i bin kamap long rot em sampela mani bilong dispela program i bin

go long en. Ol ripot i kamap las wik na wik pastaim long en i soim olsem 47 man, meri na grup i bin kisim sampela man aninit long RADP. Na bungim olgeta mani ol i kisim em inap long K890,000 bilong K2.8 milien em gavman i bin givim long dispela ya.

Dispela em i bin

namba wan taim tu bilong gavman long givim mani na sapotim kain program olsem. Long 1994 baset, dispela program i no kamap.

Nau mipela i bilip olsem olgeta mani bilong dispela program long 1993 klostu bai pinis. Dipatmen bilong Egrikalsa na Laipstok i

autim tok olsem mani bilong dispela program i no pinis. Tasol ol tu i no inap tokaut klia long hamas em ol i yusim pinis.

Long dispela mani em ol man, meri na grup i kisim, 13 i bin go long ol memba bilong Nesenel Palamen. Na namel long ol, 10-pela em ol sinia gavman

minista.

Minista bilong Woks Albert Karo i bin kisim K25,000. Em i tok olsem dispela mani i bin go long baim 5-pela banana bot wantaim ol ensin bilong ol long ol pipel long ilek-tret bilong em.

Lo bilong RADP i tok olsem ol sios grup, grup bilong ol meri, ol

skul na ol arapela grup husat i no save kisim helpim mani long gavman i ken aplai long kisim mani long program. Na long aplai, ol i mas tokaut klia long wanem projek ol i laik kirapim wantaim ol dispela samting;

• as tingting na wok bilong dispela projek; i go moa long pes 2



COASTER BAS

EM NAU... NAMBAWAN PMV BAS LONG PAPUA NIUGINI NAU ILUK SMAT MOA!

TOYOTA

PORT MORESBY 229400 LAE 422322 RABAUL 921988 MADANG 822188
GOROKA 721844 MT HAGEN 521888 WEWAK 862255 KAVIENG 942132
KIMBE 935155 TABUBIL 589060 VANIMO 871254 PORGERA 579367
ALOTAU : WALTERS WORKSHOP PH 611174

Ela Motors
OLGETA HAP

EM4543 B

Ol ripot bilong Bogenvil ailan long dispela wik

Australia niusman kisim tok orait bilong go raitim stori GAVMAN i oraitim pinis wanpela nem niusman bilong Australia long go long Bogenvil.

Minista bilong Foren Afeas, John Kaputin na minista bilong Bogenvil Afeas, Michael Ogio i sapotim tasol wokabaut bilong dispela niusman, Cameron Forbes bilong go long Bogenvil na raitim wanem kain stori em i gat laik long en.

Mista Forbes em i wanpela nem ripota bilong wanpela niuspepa bilong Australia em

ol i kolim long The Australian.

Em i bin salim wanpela pas i kam long Mista Kaputin na askim em sapos em inap kam na go long Bogenvil na raitim stori long wanem samting em i lukim long ai bilong em stret. Ol dispela ripot bilong em bai sut long wanem samting ol lain sekyuriti fos i mekim nau na ol wok marimari long ailan i stap olsem wanem nau.

Insait long wanpela ripot i kam long opis bilong Praim Minista, Mista Kaputin na Mista Ogio i orait tasol long dispela raun bilong Mista

Forbes long go long Bogenvil.

"Dispela raun bilong Forbes bai givim klia ripot long wok bilong ol sekyuriti fos long Bogenvil na wanem samting ol i mekim long stretim dispela hevi. Na tu long ol pipel bilong Bogenvil i sindaun olsem wanem nau long ol kea senta aninit long lukaut na helpim bilong PNG gavman," ripot ya i tok.

Ripot i tok tu olsem tupela minista i sapotim askim bilong Mista Forbes bikos em i bin raitim sampela stori bipo long Bogenvil. Na ol dispela

stori i no bin wansait na i gat kaikai long en. Tupela minista i bilip olsem em bai wokim wankain sapos ol i oraitim wokabaut bilong em i go long Bogenvil ailan.

Bikpela bung bilong Papua Niugini na Australia Ministeriel Forum i oraitim tu wanpela raun em ol minista bilong Australia bai kam na go long Bogenvil long Nu Yia. Na sapos wanpela niusman i kam pas, em bai stretim gut tingting bilong ol minista ya long wanem kain wok gavman i mekim nau long ailan bilong Bogenvil.

Ogio daunim ripot bilong Krismas woa

PAPUA Niugini gavman i tok olsem ol toktok i kam long wanpela man husat i makim em yet olsem intanesenel politik mausman bilong Bogenvil Interim gavman i no tru.

Man ya i tok olsem ol PNG sekyuriti fos i redi long bagarapim Bogenvil long dispela krismas.

Moses Havini i bin tok long Nu Silan olsem ol PNG ami i redi long kirapim bikpela pait tru long ol ples long Bogenvil em ol BRA i holim yet. Na dispela pait bai kamap long Krismas.

Havini i tok olsem tupela Iroquois helikopta, na wanpela ami patrol bot i wok long kamap long ol hap bilong Bogenvil na wanpela draipela sip i wok long lusim ol ami ka na bensin.

Tasol minista bilong Stet na Bogenvil Afeas, Michael Ogio i tok em i kalap nogut tru long harim ol toktok bilong Mista Havini. Mista Ogio i laik save olsem wanem tru na Mista Havini husat i stap longwe tru i kisim ol dispela toktok.

"Mi yet mi stap long Bogenvil na mi no harim ol lukim wanpela kain samting olsem," Mista Ogio i tok.

"Olsem minista, mi mas namba wan man long kisim dispela toktok. Na mi laik save, olsem wanem tru na dispela man husat i stap long Nu Silan i wok long kisim ol dispela giaman toktok.



Bikman bung gen...Pastalm long bel Isl i kamap long alan, ol bikman i no save stap amamas olsem nau. Tasol nau ol bikman bilong Bogenvil allan i ken sindaun bung wantaim, tilim kaikai na gris namel long ol yet. Dispela i kamap bikos long bikpela wok bilong ol lain sekyuriti fos long hap.

Poto: Aloysius Sami.

Tupela haiskul sumatin tu bai go skul long Australia

ALOYSIUS SAMI i raitim

PLANTI sumatin bilong olgeta haiskul na komyuniti skul i makim las wik olsem taim bilong wokabaut i go long ples bilong stap wantaim ol papamama long Krismas.

Olsem na long Trinde wik i go pinis, ol Bod ov Gavana bilong skul wantaim ol tisa long Hutjena haiskul, ol papamama wantaim ol pikinini i bung na amamas long greduesen seremoni long Trinde, Desemba 8.

Moa long 100 papa-

mama bilong ol sumatin long Hutjena i bin kamap long dispela bung bilong lukim greduesen na ol pikinini i kisim prais na setifiket bilong ol long dispela taim.

Ol gret 10 sumatin i kisim setifiket bihainim 4-pela yia bilong ol long skul. Sampela bilong ol bai go long ol bikpela skul gen na ol arapela bai go bek long ples. Namba bilong ol gret 10 sumatin long dispela yia em 130.

Suprintenden bilong Edukesen, Aron Rigamu i tokim ol sumatin olsem dispela em i no

pinis bilong skul, tasol em i stat bilong narapela rot gen bilong skul na painim wok nabaut. Na ol sumatin husat bai go bek long ples i mas helpim long mekim ol wok kamap na helpim ol pipel long ples.

Em i tok, "Planti taim yumi save lusim skul, yumi mas go bek na wok long graun bilong yumi long kirapim ples. "Yupela mas yusim gut ol samting yupela i lainim long skul long laip bilong yupela long ples na ol narapela hap em yupela i stap

long en. Na long olgeta taim, yupela i mas tingim tu ol arapela husat i stap wantaim yupela long komyuniti."

Em i tokim ol sumatin husat bai go het yet long skul long wok hat moa na traim go insait long yunivesiti bilong pinisim olgeta skul. Na oltaim ol i mas mekim wok aninit long lo bilong skul.

Long dispela taim, em i autim tu nem bilong tupela sumatin bilong Not Solomons husat i kamap namba wan long provins. Tupela ya em Emma

Tsora bilong Hutjena haiskul na Adrian Rasin bilong Tarlema haiskul. Dispela tupela sumatin bai go skul long Australia.

Em i tok, "Dispela i soim olsem Not Solomons i gat planti save i stap maski kain kain hevi i bin kamap na bagarapim ol wok bilong skul long provins.

Mista Rigamu i tok tu olsem Edukesen Dipatmen i makim pinis sampela man bilong tok klia long ol papamama long sampela nupela senis nau i kamap long ol gret 7 na 8 bai stap long komyuniti skul na gret 9 i go inap long gret 12 bai stap long ol haiskul.

Ol lain husat i kamap tu long dispela taim em Edministreta bilong Not Solomons Sam Tulo, Siaman bilong Buka Interim Atoriti George Lessi na Kepten Butley bilong PNG Difens Fos.

Lo tok fan em bilong wok didiman tasol

i kam long pes 1

- husat ol lain bai kisim helpim long en;
- wanem hap projek bai stap na bikpela bilong em i olsem wanem;
- olgeta kos bilong projek na hamas sapot mani grup i gat long en;
- rot bilong lukautim na ranim dispela projek;
- rot bilong kisim ol samting i go i kam na husat ol lain bai givim han long ol wok; na
- wanem maket i stap bilong kisim ol kaikai samting na husat bai stap namel long dispela projek.

Olgeta ripot bilong ol dispela toktok i mas kam long didiman o ekstensen egrikalsa opisa husat i stap long dispela hap. Sapos nogat, orait, ripot i mas kam long wanpela grup husat i gat inap save long wok didiman.

Ol dispela projek husat i kisim tok orait bilong kisim helpim bilong program i mas;

- bihainim ol sektorel developmen polisi bilong nesenel gavman;
- kamapim inap helpim long olgeta pipel insait long komyuniti wantaim ol arapela pipel taim projek i wok;

PLIS RIPOT



MOSBI, NESENEL KAPITEL: Plis long dispela wik Mande i bin wokim wanpela gutpela wok tru long holim wanpela man husat i bin ranawe long kalabus.

Plis i bin hariap tru long holim bilong em pastaim long dispela man wantaim ol arapela i mekim sampela plen long stil.

Nem bilong dispela man em Philip Iramu husat i gat 25 krismas na em i bilong ples Kivori insait long Sentrel provins. Iramu i bin ranawe taim ol woda i bin kisim em i go long Mosbi haus sik long kisim marasin. Long dispela taim em i ranawe em i bin stap kalabus long 6-pela yia. Em i bin kalabus long sas bilong bagarapim meri.

Plis i bin kisim ripot long wanpela risev plisman olsem sampela lain i stilim ka na larim i stap long sait bilong rot long Korobosea. Ol plis i go long hap na askim ol lain i stap long hap long ol lain em ol i lukim i lusim dispela ka.

Ol i bin tokim ol plis ol sampela yangpela man i bin lusim ka long hap na kalap long narapela ka ken. Ol plis i bin kisim gut stori long ol man na kisim namba bilong ka na toksave long ol arapela plis ka long was long dispela ka.

Long dispela taim ol plis long Hohola i bin draiv i go long Korobesia long eskotim ol lain long Malaoro supamakot long kisim mani i go long beng. Taim ol i kamap long stoā ol i lukim dispela ka na holim ol lain i stap insait long ka.

Bihain long ol i holim ol pinis plis i bin painim Iramu na luksave long em olsem wanpela man husat i bin ranawe long kalabus. Taim ol i sekim em ol i bin painim ki bilong arapela ka.

KAVIENG, NU AILAN: Plis bai sasim draiva bilong wanpela ka em i bin kapsait na kilim wanpela yangpela mangi. Plis i bilip dispela draiva i no gat laisens na em i draivim ka na bungim birua.

Nem bilong man i dai em Eddie Kilala husat i gat 21 krismas na em i bilong Lossu. Kilala i bin stap tupela de long ples pastaim long birua i painim em. Pastaim em i bin stap long Rabaul.

Plis ripot i tok olsem draiva bilong ka Joseph Kunang i laik tanim kona tasol em i no stiaim gut na ka i kapsait. Ka i bin tantanim tripela taim na Kilala i kisim bagarap long dispela taim.

Ol i bin kisim Kilala wantaim draiva i go long Bol helt senta tasol Kilala i dai taim ol i kamap long haus sik. Draiva i kisim bagarap long het na nau em i stap long haus sik. Plis bai sasim em long draim wantaim no gat laisens taim em i pinis long haus sik.

TARI, SAUTEN HAILANS: Wanpela raskol grup long las wik Trinde i bin hensapim wanpela plis man long Tari plis stesin na larim ol arapela tripela kalabus man i go fri.

Provinsal plis komanda Joe Poma husat i bin go long Tari long wokim painim aut long dispela trabel i tok ol raskol i bin kamap long Trinde apinun samting olsem 2 klok apinun.

Long dispela taim ol arapela plis man i bin go aut long mekim wok long taun. Ol raskol man i go long plis stesin na hensapim plis man ya na lokim em long toilet.


Bihain ol i kisim wanpela bol kata na katim lok long plis sel na larim ol arapela kalabus i go fri. Long dispela taim stesin plis komanda, inspekta John Awa i bin stap long haus bilong em na harim nois na laik go painim aut wanem samting i kamap.

Ol raskol i lukim em i kam na sut long gan em i bin kisim sampela bagarap long dispela taim.

Plis i bilip olsem bikpela brata bilong wanpela kalabus husat ol i bin sasim em long pait i bin go pas long mekim dispela pasin. Long dispela taim 4-pela man i bin stap long plis sel. Wanpela bilong ol i bin kalabus long kilim man na narapela tupela long stil na narapela long pait.

Long dispela taim wanpela long ol man husat i stil i no bin laik long ranawe na em i stap bek long plis sel. Bihain long dispela trabel plis i bin sekim ples Piribu. Bikos dispela em i ples bilong ol dispela lain. Tasol ol i no bin painim ol. Plis i bin painim tasol wanpela bilong ol, tasol ol arapela nogat.

Ol yaupas na mauspas pikinini tu kisim presen



• Siaman bilong Spesel Edukesen Senta, Michael Mauwe i givim Krismas presen long wanpela pikinini meri bilong skul. Olgeta pikinini i bin kisim presen i kam long ol papamama bilong ol. Poto: Ivan Bayagau.

VERONICA HATUTASI i raitim

KLOSTU em i Krismas De na planti manmeri na pikinini i wok long amamasim dispela taim wantaim ol pati, givim presen long wanpela na narapela na ol kain kain gutpela samting bilong amamasim dispela taim bilong yia.

Ol skul insait long kantri tu i bin pas long las wik na ol sumatin wantaim ol tisa bilong ol i go malolo inap long pinis bilong mun Janueri long neks yia.

Spesel Edukesen Senta long Hohola em i wanpela skul bilong ol disebel pikinini. Ol dispela pikinini em ol yau na ai bilong ol i pas.

Long Fonde las wik, ol pikinini long dispela skul wantaim ol tisa na papamama bilong ol i bin wokim Krismas pati bilong ol long hap bilong skul long Hohola.

Ol lain bilong PNG Red Cross Sosaiti husat i ranim dispela skul wantaim ol bikman bilong Mosbi Laions Klub i bin kamap tu long skul.

Siaman bilong skul, Michael Mauwe i tok em i amamas tru long bikpela helpim na sapot em ol papamama wantaim ol arapela grup i bin givim

long mekim 1993 i kamap wanpela gutpela yia bilong ol lain long senta.

Gavman tu i luksave long gutpela wok dispela skul i mekim na em i redim wanpela skul progrem bilong ol disebel sumatin. Progrem ya bai redi long narapela yia.

Mista Mauwe i tok tu olsem maski gavman i no givim hap skel mani i go long Spesel Edukesen Senta long neks yia, skul bai askim yet long kisim sampela mani bilong helpim ol long ranim skul na kirapim ol skul projek. Wanpela projek em senta i laik kirapim em basketbal pilai graun bilong ol pikinini long yusim.

"Maski ol i gat sampela bagarap long bodi bilong ol, ol pikinini i mas kisim wankain helpim long skul, haus sik na marasin, wok na ol kain kain samting em ol arapela man i kisim long en. Na yumi mas redi long helpim ol long kisim ol dispela samting," Mista Mauwe i tok.

Dispela skul i bin stat long 1978 wantaim bikpela tingting bilong helpim ol disebel pikinini long kisim save bilong rit, rait na lainim ol arapela samting olsem ol arapela pikinini long kantri. Skul i gat han bilong en tu long Kupiani na Bereina insait long Sentrel provins.

Wakunai sot long ol haus slip

SAMTING olsem 200 pipel bilong Nagovis i stap nau long Wakunai kea senta aninit long lukaut bilong gavman na PNG Red Kros.

Ol i muvim dispela lain pipel bilong Saut Wes Bogenvil i go long Wakunai insait long Not Sentrel Bogenvil

long las Sande bikos ol i pret long ol BRA husat i wok long kilim dai nating ol man na tu bagarapim ol samting bilong ol.

Mekim na sindaun na stap bilong ol pipel long kea senta insait long Nagovis i no gut-

pela. Olgeta de ol i stap wantaim pret.

Long ol ripot Wantok i kisim i kam long Buka, ol pipel y

et i bin askim ol sekyuriti fos long surukim ol i go long Wakunai. Na ol i ken bel isis liklik na tu kisim helpim i kam long

tim Red Kros opis long Wakunai. Em i bin harim singaut bilong ol pipel bilong Nagovis na

go long Arawa. Na long Sande las wik, em i kisim ol dispela pipel i go long Wakunai na ol i stap nau.

Sir Michael tok long Yusim lokol kaikai long ol kea senta

GODFRIED NIAKA i raitim

RIJONAL memba bilong Is Sepik provins, Sir Michael Somare i askim nau Nesenel Disasta na Imejensi Sevis (NDES) long baim ol kaikai long ol lokol pipel long hap bilong Madang na Morobe provins. Na givim i go long ol pipel bilong dispela tupela hap husat i kisim bagarap long bikpela guria. Na long nau yet, i wok long stap long kea senta long Gusap long Ramu Suga eria.

Sir Michael i tok i no gutpela long lukim NDES i wok long spenim bikpela mani long baim ol kaikai olsem tinpis, rais, tinmit na ol arapela kaikai bilong lukautim ol pipel.

Em i tok planti taim ol meri namel long Madang na Morobe i save kisim ol gaden kaikai bilong ol olsem banana, taro, yam, kaukau, kumu na ol arapela i go long maket. Tasol planti taim ol i no save salim dispela olgeta kaikai ol i karim i go long maket. Na long apinun ol i

save kisim kisim dispela ol kaikai i go bek long haus.

Bikos long dispela, Sir Michael i tok NDES i ken yusim mani ol i wok long spenim long baim ol kaikai long stua long baim dispela ol kaikai dispela ol meri i kisim i go na salim long maket. Long wanem prais bilong dispela ol kaikai long gaden i no dia tumas.

"NDES i ken yusim mani long baim ol kaikai olsem kaukau, taro, banana na yam long ol liklik maket namel long Madang na Morobe provins. Na tu long ol maket long Kainantu," Sir Michael i tok.

Rijonol memba bilong Is Sepik i tok dispela em i wanpela gutpela rot long helpim ol meri husat i stap namel long Madang na Morobe provins. Bikos planti taim ol i save painim hat long salim ol gaden kaikai bilong ol long maket na kisim liklik mani.

"Watpo na mipela i

wok long spenim bikpela mak bilong mani i go long ol bisnis bilong ol ovasis manmeri long kisim kaikai. Na lukautim ol manmeri husat i stap nau long Gusap kea senta. Dispela mani NDES i wok long spenim long baim ol kaikai i ken go long ol meri namel long Madang na Morobe provins. Sapos NDES i yusim tingting gut na mekim samting," rijonol memba bilong Is Sepik i tok.

Em i tok wanpela arapela rot em long gavman i ken helpim ol long toktok wantaim ol papa graun long Gusap. Na ol papa graun i ken tok orait long ol manmeri i stap long kea senta long yusim sampela hap graun long wokim gaden na planim kaikai long lukautim ol yet. Na tu sapos gavman i gat sampela graun i stap long gusap eria, orait gavman i ken larim dispela lain i ken yusim dispela graun long wokim gaden na planim kaikai.

Ovasis bisnis pulap long PNG

i kam long pes 1

long kam insait long Papua Niugini. Na kirapim na ranim ol bisnis wok em ol pipel bilong PNG inap long mekim.

Olsem na Sir Michael i askim nau gavman long lukluk na stretim gen lo i toktok long banisim ol manmeri na ovasis kampani long kam na kirapim bisnis wok long Papua Niugini.

Em i tok gavman i mas lukluk gen long dispela lo na tantanim olsem bai ol pipel bilong PNG i go pas na ranim ol bisnis wok long kantri.

Bihainim dispela bel hevi, Sir Michael i tok em bai kamapim wanpela tingting. Na Palamen i ken paitim toktok long en.

Dispela tingting bai toktok long tambuim ol ovasis manmeri long kam insait long Papua Niugini na baim graun. Olsem bai ol inap wokim ol bikpela bisnis haus na haus bilong slip na salim.

"Watpo na ol ovasis manmeri bai kam long PNG na baim graun na kirapim bisnis antap long graun ol i baim. Dispela i no gutpela tumas.

"Sapos wanpela man o meri bilong PNG i go long Singapo, Australia, Saina o Indonesia, gavman bilong ol i no inap larim em long baim graun. Nogat tru. Na tu em bai painim hat long kirapim wok bisnis.

"Tasol taim ol ovasis lain i kam long dispela kantri, ol i painim isi.



WANTOK

NIUSPEPA BILONG OL PAPUA NIUGINI STRET

Balob pinisim 3 yia diploma progrem

Westap ol PNG bisnisman

Toktok bilong Sir Michael long ol ovasis manmeri i tekova long olgeta kain bisnis wok long kantri i no ken go lus nating.

Ol dispela toktok i tru. Long olgeta hap, ol Saina, ol Filipino, ol Malesia, ol Australia, ol Amerika na ol arapela kain lain olsem i banisim tru rot. Tasol ol lain waitman i no tumas, ol Asia manmeri i win tru.

Olsem na mipela mas askim nau: westap dispela Invesmen Promosen Atoriti em gavman i bin kirapim. Long dispela yia, em i bin tokaut long skelim na tilim kain wok em ol PNG man na m'eri inap mekim na ol arapela bilong ol waitman. Tasol nogat wanpela samting i kamap yet.

Long olgeta hap nau yu wokabaut, bai yu bungim ol kongkong i kirapim haus kaikai, liklik mekanik woksap, haus pasindia na ol kain kain liklik wok olsem.

Man ating yumi long PNG i no gat saveman. Em i no tru. PNG i gat inap save na i pulap nating i stap. Tasol long mekim ol dispela save i wok, gavman wantaim ol lida na olgeta saveman bilong wok didiman, wok politik na wok bisnis i mas kirapim bel bilong ol narapela long wok.

Narapela samting tu em long kain lo PNG i gat long ol dispela bisnis. Ating lo i mas kamap strong moa wantaim bikpela mekim save. Tasol long wankain taim, ol PNG tu i mas lukaut long gris bilong ol ovasis manmeri. Nogut yumi kalap nogut na ol yelopela skin manmeri.

SANANG ZAZORING i raitim

BALOB Tisa Koles nau i salim 90 namba wan lain sumatin husat i pinisim 3 yia diploma kos bilong ol olsem ol tisa.

Moa long 1,000 pipel i bin bung long lukim 28 greduesen bilong ol sumatin wantaim bikpela amamas long 3 Desemba, 1993.

"Yupela i stap lait bilong graun," em het tok bilong greduesen ol nupela

Bisop Isaac Gadebo bilong Mosbi Asdaiosis i makim angliken Sios na givim toktok long strongim ol nupela tisa insait long Lae

Bisop Gadebo i tokim ol sumatin olsem, "Yupela i gat bikpela de bilong amamas tude wantaim kalsa bilong yupela. Go long olgeta hap graun na skulim ol pikinini wanem samting yupela i kisim long hia. Yupela i stap lait bilong graun, olsem na yupela i go na givim lait bilong yupela long ol manmeri. Gutpela wok no inap kamap, sapos yupela i no gat gutpela save bilong wok."



• Ol bikpela lain tisa ya i bilas na sindaun gut tru i stap long taim bilong ol long greduet long Balob Tisa Koles long Lae insait long Morobe provins.

Em i tok, lait bilong yupela i no ken kamap insait long klasrum tasol. Yupela i mas lait long olgeta hap na ol pipel bai save olsem yupela i stap gutpela lain saveman, na i no saveman bilong mekim pasin nogut.

Bisop Gadebo i givim ol strongpela tok long go aut na mekim olgeta

wok bilong lainim ol pikinini na olgeta pipel.

Long dispela taim man i makim Luteran Sios (ELC-PNG), Bisop Ray Rasowe i tok senis i kamap pinis na dispela senis em setifiket i kam long diploma progrem bilong ol tisa long kisim. Em i strongim het tok bilong koles:

"Balob To Serve," em i min ol sumatin i pinis long Balob i mas go na lainim ol arapela pipel.

Bisop Rasowe i tok, "Yupela go na mekim wok bilong masta na Bikpela bilong yupela Jisas Kraus na kirapim olgeta komyuniti em yupela bai stap na wok long en. Wok tisa em i bikpela samting. God i

makim yupela pinis, yupela i go na karim kaikai."

Em i tokim, ol tu long go aut na larim lait bilong ol i lait long olgeta pipel na God i ken helpim ol olsem ol namba wan lain diploma tisa. Bisop Rasowe i tok, long nau i gat kain pasin nogut i stap. Olsem na yupela i mas sanap strong.

Ol papamama tu i kisim strongpela tok bilong helpim ol tisa long sanap strong na mekim gutpela wok.

Bisop David bilong Gutnius Luteran sios (GLC-PNG) tu i strongim ol nupela tisa olsem, "Yupela i stap lait bilong graun olsem na go na lait long ol pipel. Em i tok lait bilong yupela i mas stap 24 aua namel long olgeta pipel na dispela i ken helpim ol."

Tripela greduet wantaim basela bilong edukesen

TRIPLELA olpela studen bilong Balob Tisa Koles i kisim Basela bilong Edukesen digri long Fraide, 3 Desemba, 1993.

Dispela i bihainim tupela yia Edukesen stadi bilong ol long New England Yunivesiti insait long Australia.

Teng Waninga bilong Westen Hailans provins na greduet bilong Balob Tisa Koles long 1986, Jackson Biaro bilong Finsafen insait long Morobe provins na David Wanokato bilong Salamaua, Morobe provins olgeta i bin pinisim tupela yia stadi bilong ol long New England Yunivesiti long Australia.

Bihainim skolasip progrem bilong Papua Niugini gavman, ol i makim dispela triplea man bilong go

stadi long Australia namel long 1992 i kam pinis long 1993.

Tripela tisa wantaim i kisim posisen pinis long ol haikul insait long Morobe provins. Teng Waninga bai tis long Wau haikul, Jackson Biaro bai tis long Bugandi haikul na David Wanokato bai mekim wok tisa long Amba Demonstration skul insait long Lae yet.

Ol tripela tisa hia i tok, dispela em i bikpela em i samting long laip bilong ol na ol i lukluk long mekim wok bilong ol long narapela yia.

Makim New England Yunivesiti insait long Australia, Profesa Warren Halloway na John Maurer i bin kam stap wantaim long dispela greduesen na givim digri pepa bilong ol.

Sios wok long kamapim Kristen tisa

BALOB Tisa Koles i wok long trenim ol tisa wantaim pasin bilong Kristen na dispela pasin i ken stap strong long olgeta manmeri.

Het tisa bilong Balob Tisa Koles, Kaiane Towandong i mekim dispela tok long taim bilong greduesen bilong namba wan lain diploma tisa insait long Lae long 3 Desemba, 1993.

Towandong i tok, "Larim pasin bilong yupela i ken toktok bikpela. Pasin maus bilong yupela na larim pasin bilong yupela i ken tokim ol manmeri yupela wanem kain tisa."

Em i tok, dispela em i bikpela de tru bilong yumi wantaim ol diploma tisa. Long wanem, samting yumi wok hat na wet long en em i kamap ples klia.

Mista Towandong i tok, yupela i stap olsem ol spesel pipel. Long wanem, yupela i stap lait bilong graun. God em i gutpela olsem na yupela i ken kamapim dispela gutpela pasin namel long ol arapela pipel.

Em i tok, "Mi bilip olsem yupela inap long mekim gutpela wok bilong helpim ol manmeri yupela bai wok

wantaim."

Long dispela taim olgeta pipel i patim han na amamas taim Wesley Tauwaule i tok long olgeta diploma tisa i gat wok. Mista Tauwaule i tok, bihainim diploma progrem, ol gavman edukesen aoriti i tok long putim olgeta nupela sumatin insait long tising posisen pastaim long ol opela tisa.

Man i makim Goroka Tisa Koles, Dokta Mark Solon i tok, planti taim ol man i save askim long liklik save yumi gat. Tasol nau yumi amamas long lukim ol tisa i greduet wantaim bikpela save aninit long diploma progrem long tising ol pikinini na helpim ol pipel.

Dokta Solon i tok, ol tisa i stap ki manmeri insait long kain kain institusen. Em i tok long ol nupela tisa olsem, wok hat long tis na sanap strong wantaim pasin bilong Kristen bilip.

Em i tok, "Mi amamas long wok hat bilong papamama long helpim ol studen i pinisim dispela stadi. Save bilong ol bai helpim na kirapim Papua Niugini."

WANTOK

NIUSPEPA BILONG OL PAPUA NIUGINI STRET

P.O. Box 1982 BOROKO
Telepon Namba: 25 2500
Feks Namba: 25 2579

PE BILONG WANPELA YIA 52 NIUSPEPA

PLES	AIR
Mosbi	K30.00
Arapela PNG eria	K60.00
Australia na Nu Silan	K92.00
Asia pasifik na Japan	K123.00
Amerika na Yurop	K180.00





Kanage i gat tupela pikinini man. Na tupela wantaim i marit. Tupela wantaim tupela meri bilong tupela i save slip long wanpela haus tasol wantaim papamama bilong tupela. Wanpela taim Kanage i go dring wantaim ol poroman bilong em. Em i dring i go na spak nogut tru na wokabaut i go bek long haus. Taim em i go kamap long haus, em i singautim tupela pikinini man bilong em wantaim tupela meri bilong tupela i kam bung. Em nau Kanage i tokim ol olsem: Sori tupela pikinini bilong mi, mi laik toksave long yutupela olsem em i no gutpela long mipela olgeta i stap long wanpela haus tasol. Yutupela i marit pinis. Olsem na yutupela i mas wokim haus bilong yutupela yet nau. Bikos mi wantaim meri bilong mi na mama bilong yutupela i les long harim kain kain nais bilong guria yupela i save wokim long nait. Em samting bilong sem ya. Long wankain taim, em i no gutpela long yupela i harim kain kain nais mi wantaim lapun bilong mi i wokim. Yupela i no manki. Yupela i save olsem taim bikpela guria i kamap, haus i save mekim nais ya. Olsem em i moa gutpela long yupela i mas stap bilong yupela yet. Na mi wantaim mama i mas stap bilong mitupela yet. Tupela pikinini man bilong Kanage i harim olsem na sem pipia olgeta na kisim ol samting wantaim tupela meri bilong tupela na tekov i go long haus bilong ol tambu.

Andrew Luch Dhai
Angoram, WEWAK

Wanpela Sarere Kanage i go limlimbur long Boroko long Mosbi. Em nau em i go na sindaun malolo long Tabari Ples na hamaim wanpela buai bilong ol Mekeo i stap. Em hamaim dispela buai bilong ol Mekeo na buai ya i tanim bek na hamaim em gut wan stret. Mekim na bodi bilong em i pulap stret long tuhat. Tasol Kanage i no wari. I no longtaim na em i lukim wanpela yangpela meri Tobras i wokabaut i kam olsem long ples em i sindaun i stap. Kanage lukim meri ya i go na tingting bilong em i paul olgeta. Na em i pilim olsem em i laik waswas. I no long bikpela wara. Tasol em i pilim olsem em i laik waswas long wanpela tais wara. Kanage tingting i go nogat na kirap tokim meri ya olsem: "Sore, mi lukim yu na olgeta join long bodi bilong mi i lus ya. Na tu skin bilong mi i pulap long wara. I gat sampela kain sans we mi ken rausim wara i stap long skin bilong mi." Meri ya harim olsem na tanim na askim Kanage olsem: "Wanem kain wara i pulap long skin bilong yu?" Taim Kanage harim olsem, em lap wantaim na tokim meri Tobras ya: "Susa, yu gat ai tu o nogat. Yu no lukim wara i pulap long skin bilong mi."

Deirdog Yassafar
PS Kantri

moa tok pilai long pes 26

Ol mejistret kisim moa skul long wok

ALOYSIUS SEMI
i raitim

WANPELA wik kos bilong ol Viles Kot mejistret bilong ol hap long Wakunai na Tinputs i bin pinis long Fraide, Desemba 3.

Provinsal mejistret Jacob Toroken na Distrik Kot mejistret Patricia Tiveri i bin givim dispela kos. Na em i gutpela bikos em bai

helpim ol viles kot mejistret long kisim moa trening long wok bilong ol.

Dispela kos i bin pinis long Fraide, Desemba 3.

Man i makim Viles Kot Sekteriet bilong PNG, Joa Logoso i bin go na pasim dispela kos. Long wankain taim, em i makim tu Atoni Jenerel na ministra bilong

Jastis long dispela bung.

Narapela man husat i bin kamap tu long taim bilong kos em Andrew Sagumai, Viles Kot inspekta bilong Manus.

Mista Logoso i tok em i amamas long makim opis bilong Atoni Jenerel long wanem em i givim em bikpela tingting long traim na helpim wanem hap bilong viles kot em

inap. "Ol pipel bilong ples i nidim tru helpim bilong yumi olsem na yumi tu mas kisim moa trening bilong kisim moa save long pasin bilong skelim ol toktok," Mista Logoso i tok.

Em i tok tu olsem planti man husat i kisim wok mejistret i wok hat tru long traim lainim ol man, meri, na ol yangpela long bihainim lo na oda long ples.

"Mi amamas tru long dispela kain wok kamap. Yumi no ken givap long stretim ol hevi long ples," em i tok.

Mista Logoso i salim bikpela toktok i go long ol man i bin sindaun long kos olsem em i bikpela samting tru long tingim na no ken bihainim wansait pasin long skelim ol kot long ples.

Em i tok ol mejistret i mas wok strong long pinisim ol kain kain hevi long ples. Na ol i no ken larim ol man i sutim tok long ol mejistret olsem ol i

save bagarapim wok. Ol mejistret i mas sanap strong na mekim wok bilong ol.

Long wankain taim tu long pinis bilong dispela kos, eksekutiv opisa long opis bilong edministreta, James Togol i tokim ol mejistret olsem ol i gat bikpela wok tru long dispela kain taim bilong pait long Not Solomons provins. Bikos em i no isi long stretim ol hevi na ol pait i save kamap namel long ol ples long dispela kain taim.

Ol wok bilong redim dispela kos i no inap kamap sapos i no gat helpim i kam long opis bilong Divisen ov Interim Komyuniti Sevis em Patrick Heromate i go pas long em.

Dispela opis i bin katim liklik mani bilong ranim kos bilong ol mejistret long hap bilong Wakunai na Tinputs.

"Taim yu skelim tok tok bilong tupela man o meri, yu mas skelim tru olsem bai ol pipel i bilip long yu," Mista Logoso i tok.

Sentrel oraitim 1994 baset

SENTREL provinsal gavman i oraitim pinis 1994 baset, na dispela i bin kamap long Tunde. Tasol ol memba bilong oposisen i no bin amamas taim ol i oraitim baset na lusim asembli.

Lida bilong oposisen Vaita Navuru wantaim ol arapela memba bilong em i bin lusim asembli taim gavmen i go het na oraitim baset. Long dispela taim bilong baset kibung tu oposisen i bin lusim tripela memba bilong en. Ol dispela tripela memba em, Ivan Mara (Amazon Bay), Philip Fasi (Woitape) na Flex Taub Koma (Fane).

Oposisen lida, Vaita Navuru i tok gavman i no bin givim ol inap taim long lukluk long kopi bilong baset. Na tu gavman i no givim ol taim long toktok long baset.

Gavman i bin yusim namba ol i gat

long oraitim baset bihain long provinsal Fainens ministra, Gabe Lohia i autim long asembli.

Oposisen i no amamas na wokabaut i go ausait lusim asembli. Ol i tok olsem gavman i no bihainim lo taim ol i oraitim baset. Tasol Primia Paul Kipo i tok, oposisen i bin tingting tasol long stapim ol long pasim baset.

Em i tok gavman bilong em i stap 4-pela mun tasol na oposisen i no ken kros nating na stapim ol long oraitim baset. Em i tok oposisen i mas givim em sampela taim na sapos ol i lukim gavman bilong em i no wok gut ol i ken mekim ol kain pasin olsem. Nau yet gavman bilong Kipo i stap 4-pela mun bihain long provinsal ileksen na dispela i namba wan baset dispela gavman i kamapim.

Baruni haus lotu redi bihain long 10 yia

VERONICA HATUTASI
i raitim

OL pipel bilong ples Baruni klostu tasol long Mosbi i gat nupela haus lotu. Na dispela haus lotu i bilong ol lain memba bilong Yunait-ed Sios.

Long las wik Sarere, bikpela bung i bin kamap long Baruni bilong opim tru dispela haus lotu bilong ol.

Pikinini bilong wanpela bikman bilong ples, John Hariki i bin kisim bikpela ona olsem man bai opim haus lotu. Dispela i kamap bikos em yet i bin givim bikpela han long kirapim na sanapim dispela haus lotu long Baruni.

Siaman bilong kongrigesen long Baruni, Adira Gumasa yet i bin



• Pasto wantaim meri bilong em i sanap insait long nupela haus lotu em ol pipel i wokim. Foto Jack Ami

go pas long ol samting long dispela taim. Planti bikman bilong

Yunaited Sios yet i bin kamap long dispela bung. Namel long ol

em Bisop bilong Eben rizon, Reveren Nou Uru, Bisop bilong bikples, Reveren Walo Tamati, bos bilong Rarongo Tiolojikel Koles long Rabaul, Reveren Vasi Gadiki na tupela nesenel memba bilong Nesenel Palamen bilong Nesenel Kapitel Distrik, Bill Skate wantaim Robert Suckling.

Planti pipel bilong ol ples klostu long siti olsem Barakau, Vabukori, Poreporena, Elevala, Tatana na Porebada i bin kamap tu bilong amamasim dispela bikpela de wantaim ol brata na

susa bilong ol long Baruni. I bin gat ol singsing tumbuna, planti kaikai na ol arapela pilai long Sarere i go inap tulait i bruk long bikmoning long Sande.

Stori bilong dispela haus lotu i go bek inap long 10-pela yia. Na i kam inap nau, dispela haus lotu i sanap.

Long 1982, Yunaited Sios kongrigesen long Baruni i bin stat long sanapim haus lotu wantaim liklik mani ol i gat long en. Bihain ol pipel bilong Tatana, Poreporena, Paparapa, Lealea, Vabukori na Barakau.

Lapun laik lukim moa mani go long Is Sepik

SINGAUT i go nau long Is Sepik provinsal gavman na PNG nesenel gavman long putim sampela mani i go insait long kirapim bek ol projek insait long Is Sepik provins.

Dispela toktok i bin kam long olpela nesenel memba bilong Wosera Gawi, Mathias Yambunpe.

Mista Yambunpe i mekim dispela toktok taim em i salim Krismas na Nu Yia gritings bilong em i go long nesenel na provinsal gavman bilong

Is Sepik.

Na taim em i tok amamas long lidasip bilong Paias Wingti na Primia Alex Anisi, em i tok lukaut long tupela olsem ol i mas bringim bek dispela kantri na provins i go bek long mak bilong em long ol sevis na developmen.

Mista Yambunpe i tok olsem long lukluk bilong em, olgeta sevis na samting bilong developmen i wok long go daun long maunten. Sapos ol i no wokim wanpela samting long senisim dispela samting,

Papua Niugini bai painim hevi insait long kantri yet.

Em i givim tok lukaut bilong em tu long Primia bilong Is Sepik, Alex Anisi olsem em i mas stopim ol kain kain save tingting bilong em long kisim biknem long kirapim ol nupela developmen long provins.

Tasol Mista Yambunpe i laikim Mista Anisi i mas tok strong long nesenel gavman long givim mani long kirapim bek na ranim ol prospek long provins.

Ol projek em Bainyik Egrikalsa Koles, Wurimo pukpuk na bulmakau fam, Gavien raba skim na kirapim bek Marui pukpuk fam. Na tu kisim inap mani long kari-maut Is Sepik Turism Developmen Fisibiliti Stadi ripot bilong 1992.

Mista Yambunpe i singautim Mista Anisi long holim wanpela kibung bilong ol papa bilong Is Sepik provinsal gavman Konstitusenei plening komiti.

KRISMAS TRI

LONG olgeta hap bilong PNG tude i gat ol Kristen i stap. Ol yet i bin bringim dispela yia bilong Krismas Tri i kam. Na pasin bilong wokim wanpela liklik haus Betlehem bilong makim stori bilong makim stori bilong Krismas. Na wantaim liklik haus na ol liklik enimel, i gat sampela tri i stap.

Long planti relisen, ol tri ol i makim stori bilong laip. Baibel i stat wantaim stori bilong wanpela tri long gaden paradais. Bihain i gat tok long Jisas bai kamap long as bilong famili tri bilong Jesi. Long Nupela Testamen yumi gat stori bilong Sakias i stap long tri. Na wanpela taim Jisas i toknogutim wanpela diwai fik. Na long Gut Fraide, Jisas em i dai long tri bilong diwai kros.


Tri bilong Krismas wantaim ol lait bilong em, i gat narapela kain stori. Ol i tok olsem, Martin Luter i bin kirapim pasin bilong bilasim Krismas tri wantaim ol liklik kandel o lait. Ol i stori

olsem, long Krismas nait Luter i wokabaut i go bek long haus. Insait long bus we em i wokabaut, planti liklik yar tri i sanap i stap. Na Luter i lukim ol sta i lait moa na i luk olsem ol i sindaun long ol han bilong ol liklik yar. Luter i tok save long famili bilong em long dispela samting.

Orait, nau em i katim wanpela liklik yar tri na i bringim i kam insait long haus. Nau em i laitim sampela liklik kandel na i hangamapim ol long ol han bilong yar.

Long olgeta yia Luter i save mekim olsem. Bihain, wan wan Jeman famili i mekim wankain pasin. Isi isi na dispela pasin i kamap namel long ol Kristen bilong planti arapela kantri. Na em i bin kamap long PNG tu long dispela rot. Tude long ol taun na stesin bilong yumi i save gat dispela Krismas tri.

Tasol yumi no save laitim ol kandel tru na hangamap long tri. Nogat. Yumi save yusim ol liklik



FRANK MIHALIC i raitim

lektrik lait o kiau i luk olsem kandel yumi hangamapim ol nabaut long Krismas tri.

Orait, nau mi gat wanpela liklik stori long dispela. Wanpela Kristen man i bin wokabaut long strit bilong taun na em i sanap na i lukim wanpela Krismas tri i bilas wantaim ol dispela liklik lait. Tasol namel long ol dispela lain lait, em i lukim wanpela i no lait. Na long dispela ples we lam

i no lait, dispela hap tri i tudak. Pastaim dispela man i laik save bilong wanem dispela liklik kiau i no lait. Ating kiau ya i no sindaun gut insait long liklik holda bilong en. O ating kiau ya i paia pinis. O ating wanpela samting i bin katim waia bilong lektrik pawa o bilong bateri.

Man ya i lukim dispela kiau i aut pinis na em i ting: "Ating mi yet mi dispela lait i aut pinis, long wanem, mi no save bilip moa long God. Na sapos mi no bilip long God, bilong wanem na mi stap hia long graun? Long wanem, mi no inap givim liklik lait long ol manmeri nabaut."

Yumi yet inap long mekim dai lait bilong bilip bilong yumi. Na sapos yumi katim waia bilong bilip i pasim yumi wantaim God, orait, bai yumi tudak tasol.

Sampela taim lait bilong yumi i no lait bikos kiau i no sindaun gut long holda bilong en. Dispela i min: pasin bilong soim bilip bilong yumi i hot na i kol, i

op na i on ... Ating yumi lusim pasin bilong beten na bilong go long lotu long Sande. Long sampela taim yumi bilip; na long sampela taim yumi no kea na yumi tok maski long relisen.

Sampela taim kiau bilong bilip bilong yumi i paia pinis. Ating long taim yumi yangpela yet, papamama na ol wanples i bin putim hevi long yumi na i bin pulim yumi, na olsem yumi bin go long lotu. Yumi no laik; tasol yumi bin go. Na bihain yumi bin groap na lusim ples, yumi bin tromoim lotu olgeta. Kiau bilong bilip bilong yumi i paia pinis, long wanem, yumi bin go planti taim long lotu, tasol yumi no gat bilip. Yumi bin mekim nating.

Olsem tasol na olgeta liklik kiau long Krismas tri i no lait, em i gat askim long mi. Kiau bilong Kristen bilip bilong mi i lait, o em i aut pinis? Nogut mi wanpela ples tudak long Kristen Sios, i olsem wanpela tri i pulap long ol lait.

Ol yangpela tokaut long bilip

SANANG ZAZORING i raitim

SANDE 28 Novemba, 1993, em i bikpela de bilong ol pipel long Sen Filip kongrigesen insait long Bumayong kompaun, Lae.

Moa long 1,000 Kristen memba bilong Luteran Sios isbin bung long lukim konfemesen, baptais na ol lain i kisim Holi Komunio. Long dispela taim, 63 yangpela i bin tokaut long bilip bilong ol na tripela i bin kisim baptais. Na 246 Kristen memba i kisim kaikai bilong Bikpela.

Ol kain kain man i kamapim Bumayong kompaun. Planti em ol i bilong Nabak, Madang, Mindik, ol arapela hap bilong Morobe na hailans.

Pikinini bilong ol dispela lain i bin wok hat long kisim trening bilong save long Tok bilong God inap long 7-pela mun. Long dispela taim ol yet i autim bilip bilong ol long God.

Papua Niugini nau i stap insait long kain kain senis. Dispela ol senis tu i givim hevi long olgeta pipel. Bikpela hevi tru em i kisim ol yangpela manmeri. Long dispela senis, ol pipel bilong God bai sanap olsem wanem. Ol papamama tu bai mekim wanem olsem bai ol pikinini bilong ol i ken abrusim planti pasin nogut i wok long bungim ol.

Pasto Timothy Kising, saplen bilong Bumayong Luteran haiskul i

bin autim Tok bilong God em i sut long laip bilong ol yangpela long dispela taim. Em i bin autim Tok long wok bilong King Solomon

Man i mas pret long God, bilip tru na laikim God. Taim man i traim long apim biknem bilong em yet, God i save daunim dispela man. Long wanem, man i save brukim namba wan lo bilong God insait long Tenpela lo. Bilong wanem God i bin rausim satan long Heven i kam daun? Long wanem, em i traim long kamap wankain olsem God. God wanpela tasol i bikpela na olgeta manwantaim ol pipel long taim bilong God taim em i stap king. King Solomon i wari long ol pipel i mas bihainim laik bilong God.


Olgeta pasin bilong

yumi i mas litimapim nem bilong God. Long nau kain kain pasin bilong kisim spakbrus, dring na spak, raskol na stil wantaim pasin pamuk i bikpela tru: sios bilong God bai sanap we?


meri i mas stap aninit long God tasol.

God i wokim man long stap klostu wantaim em, bihainim maus na bilip long God. Tasol ol manmeri i mekim pasin pamuk, spak na arapela pasin bilong sin, long wanem, man i no pret long God. Ol yangpela i kisim strongpela singaut olsem, "Taim yupela i kisim konpemasio, bai yupela i pret, bilip, laikim na bihainim God?"

Man i save mekim pasin nogut na em i ting em i strongpela na bikpela man.



• Dispela em sampela bilong ol bikpela lain 63 yangpela man na meri husat i kisim konpemasio bilong ol long Bumayong kompaun long Lae insait long Morobe provins.



Bikpela helpim tru.... Sir Michael Somare i holim dispela wilsia em Boroko Roteri Klub (BRC) long Mosbi i givim i go long wanpela lek nogut man long Is Sepik provins.

Menyamyas salim ol evanjelis long wok

MENYAMYA evanjelis trening long dispela yia i salim gen narapela lain man long skruim wok bilong autim Gutnius bilong Bikpela Jisas Krai.

Ol 8-pela sumatin i pinisim 2 yia trening bilong ol na nau i redi long mekim dispela wok.

Menyamyas em i wanpela bilong ol 4-pela evanjelis trening senta insait long ELC-PNG. Na ol i gat wanpela mak tasol; em bilong trenim ol wokman long Tok bilong God, blesim ol na salim ol i go long olgeta hap bilong kantri na autim Tok bilong God.

Mak bilong Menyamyas evanjelis trening em i sut long trenim ol evanjelis na salim ol insait long Menyamyas yet, Aseki, Marawaka na Kaintiba, olgeta i stap anini long Anga wokmisiin eria.

Long mekim wok gut, Menyamyas evanjelis trening senta i kisim ol sumatin bilong Anga wokmisiin eria yet, Yabim; na Mumeng distrik tu. Bihainim program long dispela yia, tripela evanjelis bilong Marawaka i pinisim trening bilong ol.

I gat tupela tisa i go pas long trening progrem bilong evanjelis trening senta.

Namba wan mak na het tok bilong dispela evanjelis trening em: "Man i autim tok i strongim bilip bilong sios." 1 Korin 14:4.

Em i autim tok long wok bilong profet Ilaisa wantaim ol profet bilong Baal - 1 King 18. Em i lusim ol evanjelis wanpela askim olsem: "Yupela ting wanem, God bilong yupela inap?"


Long taim bilong gredusen, John Johnson, misineri bilong Marawaka i autim Tok bilong God long strongim ol nupela evanjelis.

Pasto Sere Muhujuc i save wok tu long supavaisim ol sumatin long skul wok bilong ol.

Pasto Sere Muhujuc, husat i wok wantaim tupela pasto, Pasto Yapiana na Pasto Kupuai Dan i tok, long 1994, ol bai kisim 23 studen long mekim trening bilong ol. Ol studen i laik go long dispela skul i mas go wantaim K60 skul fi.

Pasto Muhujuc i tok, ol studen i save planim kaikai bilong ol yet long skul. Tasol ol kongrigesen memba long Menyamyas stesin i save helpim ol wantaim kaikai na ol arapela samting olsem klos na mani.

Long skruim wok helpim bilong ol, Sen John kongrigesen i bin helpim ol sumatin husat i greduet long dispela yia wantaim samting bilong wok olsem naip na tamiok, Baibel na ol arapela samting.




4WD STRONGP

TEAM UP WITH TOYOTA

4 RUNNER

Dispela top Toyota 2.8 Diesel engine em i gat 5 pela dua na i smat tru...draiva na ol pasindia bai stap isi tasol na raun long dispela top 4WD ka. Ringim Ela Motors nau na yu yet i test draivim wanpela 4 Runner.



LAND CRUISER

Long taim hevi i kamap ol strongpela lain i kisim Toyota Land Cruiser... top stret long ol 4WD long Papua Niugini. I gat tu long Australia wantaim Turbo Diesel pawa na otametik trensmisen. Long taim yu kisim Toyota Land Cruiser bai yu givim baksait long ol narapela kar!

Ela Motors

PORT MORESBY 229400 • LAE 422322
RABAU 921988 • MADANG 822188
GOROKA 721844 • MT HAGEN 521888
WEWAK 862255 • KAVIENG 942132
KIMBE 935155 • TABUBIL 589060
VANIMO 871254
PORGERA 579367

Foapela hailans paia long karim spakbrus

GODFRIED NIAKA i raitim

LONG las wik 4-pela man-tupela bilong Isten Hailans, wanpela bilong Enga na arapela bilong Sauten Hailans provins i kamap long Goroka Distrik Kot long sas bilong karim mariwana.

Dispela 4-pela man ya em: (1) Mack Koifu, 19 krismas, bilong ples Para long Enga provins, (2) Seo Okeju, 21 krismas, bilong ples Korefeku long Isten Hailans

provins, (3) Sirisuwi Kurimo, 48 krismas, bilong ples Sara long Lufa distrik long Isten Hailans na (4) Auru Peter, 26 krismas, bilong ples Muru long hap bilong Kagua long Sauten Hailans provins.

Mista Koifu, Okeju na Kurimo i bin kamap long Goroka Distrik Kot long las wik Mande, Disemba 6.

Taim ol i kamap long kot, mejistret Gerad Vetunawa i painim olsem dispela tripela man i

bin i gat spakbrus mariwana wantaim ol taim ol plisman i holimpasim ol. Na kisim ol i go long plis stesin na sekim ol.

Mejistret Vetunawa i surukim kot bilong Koifu i go long Februeri 23 long narapela yia. Na askim Koifu long baim K150 long stap ausait na wetim kot bilong em long kamap. Tasol Koifu i no baim dispela mani. Em i stap nau long haus kalabus na wetim kot bilong em.

Long sait bilong Okeju las wik

em i bin namba tu taim bilong em long kamap long kot. Namba wan taim em i bin kamap long kot em long Disemba 2. Mejistret Vetunawa i surukim kot bilong em i go long Mas 7 long narapela yia. Na long wankain taim i no givim tok orait long Okeju long beil aut na wetim kot bilong em.

Na long sait bilong Sirisuwi Kurimo, Mejistret Vetunawa i surukim tu kot bilong em i go long Mas 1 long narapela yia. Majistret Vetunawa i tok no gat long Kurimo

long beil. Tasol i tok orait long em

Dispela long wanem kot i painim olsem long Disemba 6 long dispela yia, ol plisman i holimpasim em. Na taim ol i kisim em i go long plis stesen na sekim em, ol i painim olsem em i karim sampela spakbrus mariwana.

long stap ausait na wetim kot bilong em.

Orait long Tunde, Disemba 7, Mejistret Vetunawa i salim Auru Peter long 7-pela mun kalabus wantaim had leba.

Wau gat ol spesel plisman

ARI GUH DANDEE i raitim

LONG las wik Sarere, Disemba 11, 40 man-meri long Wau insait long Morobe provins i greduet olsem ol spesel konstabel plisman na meri. Pastaim long ol i greduet, ol i bin skul long tupela wik olgeta.

Long dispela 40 man-meri husat i greduet olsem ol spesel konstabel plisman na meri-9-pela em ol meri na 31 em ol man.


Bosman bilong plis long Wau, Jack Pope i tokaut olsem dispela spesel konstabel piis i kamap bihainim wanpela singaut i kam long ol manmeri long ol komyuniti insait long Wau. Bihain long wanpela wok sekap, Mista Pope i kisim tok orait i kam long bikbos bilong plis long Lae long go het wantaim dispela tingting.

Mista Pope i tok tingting bilong putim kamap spesel konstabel plis long Wau em long helpim ol plisman long daunim hevi bilong lo na oda. Na tu long hapim namba bilong ol plisman long Wau i go antap. Na ol i ken karim aut wok bilong ol.

Distrik menesa bilong Wau-Kepas Waninara, provinsal plis komanda bilong Lae-Paul Monoma na divisinal komanda-Tony Wagambie i bin stap long lukim greduesen seremoni bilong dispela 40 man-meri.

Dispela 40 spesel konstabel bai wok namel long plis na ol komyuniti long traim na daunim hevi bilong lo na oda.

Gutpela sipsip mas save long ol lain famili



□ ANTAP - LEPHAN - Yangpela Nancy Maryland Wafiwa em wanpela bilong 5-pela pikinini husat i bin kisim baptismo long Erima haus lotu long las Sarere. ANTAP - RAITHAN - Nancy wantaim God papa, Nicky na God mama, Pauline. bihain long baptismo. Ol foto: Alois Ramei.

JISAS i tok olgeta Gutpela Sipsip i mas save long famili bilong ol.

Bihainim dispela toktok long Baibel, Erima peris insait long Mosbi bai painim na bungim nau olgeta Katolik famili insait long peris bilong en.

Pater husat i go pas long dispela aidia i tokaut long lotu bilong las Sande olsem long yia 1994, em bai oge-naisim wantaim sampela memba bilong peris, na holim

lotu long wan wan strit o rot insait long peris.

As bilong dispela em long bungim wantaim, na tu bringim bek ol Katolik famili husat i bin lusim lotu long longpela taim.

Sampela Katolik memba bilong Erima peris i sapotim tru dispela aidia. Ol i tok Katolik sios i save lusim planti yangpela manmeri bilong em. Taim ol i go long ol komyuniti na haiskul em Katolik sios i ranim, ol yang-

pela i bihainim gut toktok bilong God papa olsem long Baibel.

Tasol taim ol i go long ol bikpela skul em nesenel gavman na ol arapela sios i papa long en, ol dispela yangpela i lus tingting olgeta long lotu. Mekim na planti bilong ol dispela yangpela i no marit tu long haus lotu, na pikinini bilong ol tu i no kisim baptismo.

Olsem na Erima peris bai wokhat nau long bringim bek

ol dispela lus sipsip i kam bek joinim famili bilong ol.

Baptais

Las wik Sarere 5-pela pikinini i bin kisim baptais long Erima peris insait long wanpela liklik lotu, em ol famili memba wantaim God Papa na God Mama i kamap. Dispela i bin wanpela gutpela de stret bilong ol papa na mama husat em pikinini bilong ol i kamap famili tru nau bilong God papa.

Spak draiva kilim tripela pikinini

TRIPLELA pikinini i dai pinis taim wanpela ka i bamim ol. Dispela birua i bin kamap long ples Bekut long hap bilong Solos long Buka.

Ripot i tok ol i bin waswas long wara i stap long sait bilong rot taim ka i bamim ol long las wik Sarere. I gat bilip tu olsem draiva bilong ka i bin spak na ronim ka long taim bilong birua.

Ol ripot i tok dispela man em pikinini bilong namba tu siaman bilong Buka Interim Atoriti. Na papa bilong em i save yusim dispela ka long wok na kisim i go i kam long ples.

Ol ripot i tok long Sarere moning, pikinini i bin kisim ka na i no save olsem rot i gat wara. Em i spit i kam na bamim stret ol dispela tripela pikinini.

Tupela bilong ol i dai stret taim ka i bamim ol, na narapela i go na dai long haus sik.

Ol ripot i tok dispela tupela pikinini i bin stap wantaim liklik anti bilong ol.



Tingim ol asples pipel...Dispela em ol wanpela lain kalsa grup bilong Wes Irian, na ol i save stap long tupela refuji kem long Is Awin na lowara long Kiunga insait long Westen provins. Las wik ol i bin kamap long Mosbi bihainim de em Yunaited Nesens i makim bilong tingim ol asples pipel. Ol i go raun pinis long Wewak, Madang na Lae bilong bungim sampela mani. Na ol i tokaut long pait strong yet long kamap independen kantri. Foto: Jack Ami.

Sentrel provins lida komplek long ol gavman opisa

WANPELA komyuniti lida bilong ples insait long Gabadi na Doa eria long Sentrel provins i no amamas long pasin bilong ol gavman opisa.

Em i mekim dispela toktok bikos no gat gutpela bekim i bin kamap long ol ripot bilong draipela san long provins. Na ol pipel tu i no kisim wanpela helpim liklik.

John Gaida i tok ol opisa bilong gavman i bin pasim ai stret long ol pipel bilong Sentrel provins. Olsem na ol i no helpim ol.

Em i tok insait long Sentrel provins, bikpela san i bin kukim planti ples na ol gaden kaikai tu i drai nabaut. Planti baret wara tu i drai. Olsem na ol lain pipel bilong ples i kisim taim stret.

Mista Gaida i tok ol lain husat i bungim bikpela hevi tru em ol Gailala na ol pipel insait long Kairiku Hiri ilektret.

Em i tok bihain long askim bilong ol i kamap long redio na niuspepa, no gat wanpela gavman opisa o politisen i bin givim liklik han long ol.

"Ol nesenel memba bilong Sentrel provins tu i no bin mekim wanpela samting long helpim mipela.



Nogat Mobil PMV Pawa Oil



Igat Mobil PMV Pawa Oil

- Increases engine life.
- Reduces maintenance costs.
- Available at Mobil Service Stations and Depots.

Mobil The No.1 Team



Fiji soldia dai long Lebanon

WANPELA soldia bilong Fiji i dai pinis na tripela wanlain bilong em i stap long hau sik wantaim bagarap bihain long ka bilong ol i ron abrusim rot long Saut Lebanon.

Mausman bilong Yunaited Nesens Interim Fos long Lebanon Timur Goksel i tok olsem birua ya i kamap long dispela wik Mande long taim foapela wantok yet i lusim ami hetkota long Qana naron long trak bilong ol i go olsem long nambis. Ren i bagarapim rot na foapela lain soldia bilong Fiji i painim birua wantaim trak bilong ol.

Ol i no autin yet nem bilong daiman wantaim tu tripela wantok bilong en. Bikos ol i mas toksave pastaim long ol famili bilong ol long Fiji. Ol sodia i stap nau long klinik bilong ol long Qana.

Orait, stat yet long taim Yunaited Nesen i putim samting olsem 5,800 ami bilong 10 pela kantri long wol i lukautim laip na sindaun bilong ol pipel long saut Lebanon. Na Fiji em i wanpela long ol kantri husat i gat sampela lain soldia bilong en i stap helpim ol lain soldia bilong Yunaited Nesen.

Stat yet long mun Mas bilong 1978, namba bilong ol soldia boi husat i dai pinis long Lebanon i stap olsem 194.

UNITED Nesen UN hetkwata long Jeneva i askim nau olgeta kantri long stapim ol pasin nogut em ol i save wokim long ol pipel. Ol i tok sampela kantri i no luksave long ol pipel na mekim nabaut long ol. Ol i mekim dispela singaut long makim Intanesenel De bilong Humen Raits.

Jenerel Seketeri bilong UN, Dokta Boutros Boutros-Ghali i tok sampela gutpela samting i wok long kamap. Olsem ol lain long Saut Afrika husat i stapim nau pasin bilong larim ol blakman long stap bilong ol na ol waitman long stap bilong ol yet. Tasol em i tok i gat ol arapela hap i stap yet em ol i laik lukim gutpela wok kamap.

Long dispela yia, UN hetkwata long Jeneva i bin kisim 300,000



*'Birua bilong bodi...'*Dispela liklik meri long poto antap i protes wantaim ol arapela manmeri ausait long opis bilong Isrel gavman long Gasa Strip, bikos ol i rausim papa bilong em long wok. Long lephan, yangpela meri Somali ya i wetim mama bilong em long kam bek na long raithan, wanpela strongpela mausmeri bilong Buma, Aung San Suu Kyi husat em ol plis i holim na kalabusim insait long haus bilong em inap long 5-pela yia.

humen raits komplon. Na Dokta Boutros-Ghali i tok dispela em i bikpela namba tru.

Bikos long las yia, ol i kisim tasol 43, 000 komplon. Na em i tok dispela em i liklik

namba winim ol samting em i wok long kamap long wan wan kantri.

Stat long 1984 i kam inap long 1993 ripot UN i kisim long ol lain i lus i go antap long 40 pesen. Ripot i soim 8,000 long 26 kantri na 35, 000 long 60 kantri.

Na long London, Seketeri Jenerel bilong Amnesti Intanesenel, i go moa long pes 11



*Sori long wanblut...'*Wanpela meri Palestain i putim klos bilong ol ami i kral i stap taim ol pren i kam bilong lukim na sore wantaim em. Dispela meri i kral bikos ol soldia bilong Isrel i bin kilim pikinini



*Hamis rebel dai...'*Ol man na meri na pikinini i kral wantaim na karim bodi bilong wanpela rebel paitman bilong ol lain Hamas. Ripot i tok ol soldia bilong Isrel i bin kilim em long Wes Benk.



*Rausim ol pasindia...'*Hellkopta ya i wok long tromol ol plis-man na palaman long bikmoning tru long wanpela haus long Suris. Ol i laik rausim ol pasindia man na meri na pikinini husat i



Fri kondom saplai...Dispela meri long ralthan em wanpela gavman helt woka bilong Vietnam. Na em i wok long givim ol fri kondom na hap pepa bilong sik AIDS long ol manmeri long hap. Dispela em long aplnun bilong de pastaim long Wol AIDS De.

Jackson sanap kot long bagarapim ol liklik mangi

MICHAEL Jackson em i wanpela topman bilong singsing long Amerika. Planti manmeri na pikinini long olgeta hap bilong wol na PNG i save long en. Na planti pipel i save laikim ol singsing na piksa bilong en long TV.

Long sampela mun i go pinis, ol toktok i bin kamap long Jackson i save bagarapim ol yangpela man em kris-mas bilong ol i stap

namel long 8 na 15 yia. Ol dispela toktok i stat long papa bilong wanpela yangpela mangi husat i tok Jackson i bin mekim pasin nogut long pikinini man bilong em wantaim 13 kris-mas. Papa bilong boi ya i laik kisim Jackson i go long kot long dispela samting.


Jackson na ol lain famili na poroman bilong em i tok ol dispela toktok i no tru. Tasol stat yet long dis-

pela kot bilong yangpela boi, planti toktok i kamap em i sutim tok long Jackson i wokim pasin nogut wantaim ol liklik mangi. Ripot i kamap long ol nius-pepa i tok sampela long ol mangi husat i tokaut nau long dispela samting olsem em i tru em ol lain yet em Jackson i mekim pasin nogut long ol.

Long las wik Fraide, wanpela ripot i tok long wanpela sista tru bilong Jackson em La Toya husat i tokaut olsem i tru brata bilong en i save mekim pasin nogut long ol liklik mangi. Em i tok brata bilong em i bin statim dispela kain pasin long 1981. Nau ol toktok i kamaut long ples klia, na em i ting brata bilong en i mas kisim helpim long stretim em.

Bihain tasol ol dispela toktok i kamap, Jackson i bin go long wanpela wol tua long singsing. Na em i lus. Nogat man i bin save we em i stap. Tasol bihain gen, ol ripot i bin tok em i wok long kisim marasin long sampela kain sik em i gat long kisim planti strongpela marasin.

Long las wik Fraide tasol, Jackson i go bek long Amerika long kliarim em yet long ol toktok i go egensim em.



Helpim i kam ■ ■ ■ Dispela roket ya, Endeavour i kirap lusim graun nau long Amerika bilong go long mun. Em i karim ol speapat bilong go stretim wanpela bikpela masin bilong glasim ol samting long mun. Dispela wok bai stap inap 11-pela de na ol bai stretim 11-pela hap bilong dispela masin tu.

i kam long pes 10
Pierre Sane i askim olgeta kantri long stapim ol hevi bilong humen raits. Em i tok dispela i save kamapim pait namel long ol pipel. Wanpela gutpela piksa em pait long Burundi em i save katim ol man. Na long Amerika em we ol i save kilim ol yangpela trabelman na long Saina em ol i save kukim ol man long paia.

Planti bilong ol dispela kantri i no save laik kisim nem nogut long taim ol i brukim lo. Sampela gavman long wol i save toktok long stapim tasol ol yet i go het na brukim lo bilong humen raits.

Human Raits Watch long Amerika i makim pinis sampela ples em ol i bilipi gat nem nogut tru long brukim human raits lo. Ol kain ples olsem Burma husat i brukim lo yet maski ol arapela kantri i krosim ol long kain pasin nogut bilong ol.



Laki bilong PM... Praim Minista bilong Ijip, Atef Sedk i bin laki tru taim abom i parlap long ka bilong em long Kairo. Em i no bin isim bagarap tasol wanpela liklik meri i bin dai ;na samting olsem 12-pela man i kisim bagarap. Wanpela rebel grup bilong ol Muslim i kisim evi bilong dispela.

Maski rausim ol skul pikinini long bas

Dia Edita,
Mi gat komplem long ol draiva bilong ol PMV bas long ol taun olsem Mosbi, Lae na sampela hap moa. Komplem bilong mi i sut i go long ol draiva husat i save rausim ol skul pikinini long bas.
Taim ol bas draiva i lukim planti manki i putim skul yunifom i wet long bas stop, ol bas i no save stop. Nogat. Ol save spid i go na lusim ol skul pikinini. Maski planti empti sit i stap yet long bas.
Long lukluk na save

bilong mi, i no bas we draiva i bilong Morobe, Sentrel o Rabaul i save mekim dispela. Em ol bas bilong ol Hagen tasol ya.
Dispela pasin i nogut olgeta. Mi no amamas liklik long en. Watpo tru yumi ol bikpela man i wokim nogut long ol pikinini? No ken tingim tasol mani na rausim ol. Bikos mani em i no olgeta samting bilong mekim man i amamas o stretim olgeta wari bilong man.
Ating yupela ol bas draiva i nogat pikinini. Na sapos yupela i gat

pikinini, bai yupela i pilim olsem wanem sapos ol narapela bas draiva i rausim pikinini bilong yupela long bas bilong ol?
Plis traim na helpim ol manki nau. Bikos long bihain taim ol bai kamap ol lidaman bilong yumi long kantri.
Mi wanpela papa husat i no gat pikinini, tasol mi laikim sampela papamama i sapatim mi long dispela samting.
Neghapa Furiki Mosbi

Transpot bod na trefik plis long Kimbe slip tumas

Dia Edita,
Mi laik autim wari bilong mi go long ol transpot bod na trefik plis bilong Wes Nu Briten provins.
Insait long Wes Nu Briten mi lukim ol plis na transpot bod i no mekim gut wok bilong ol. Kimbe em i wanpela liklik taun. Tasol ol plis i no save sekim ol PMV bas na ka.
Sapos yu go long Kimbe bai yu lukim ol PMV bas i ran na yu ting em ol gutpela PMV

bas. Tasol nogat ya. Insait bilong bas i bagarap olgeta.
Ol sit bilong bas i bagarap na ol papa bilong bas i no save stretim. Taim ol sit i bruk nabaut, ol papa bilong bas i save kisim ol hap plang na putim olsem sit bilong sindaun.
Mi laik save wanem kain wok tru ol transpot bod na plis long Kimbe i save wokim. Dispela em i wok bilong transpot bod long sekim ol

PMV. Sapos wanpela i no mekim gut wok o i gat ol bagarap ol i mas stapim ol long ranim na kisim pasindia.
Bikos laip bilong ol man em i bikpela samting. Sapos wanpela PMV i no gutpela na em i wok yet long kisim pasindia na em i go na bam o kapsait. Yupela ol plis bai go na krosim papa bilong PMV na kotim em. Tasol yupela inap stapim dispela hevi long kamap long-taim yet.
Wanpela taim mi bin kalap long wanpela bas na dispela bas i no gat gutpela sit. Ol i

sit i bagarap na papa bilong bas i kirap na putim ol hap plang. Ok, taim mipela i ran i go na plang i bruk. Na mi pundaun.
Dispela kain pasin i no gutpela na em bai wokim ol man i les long raun long bas.
Long Kimbe i gat wanpela man i save stretim ol sit bilong ka, karamap bilong matres, na ol arapela samting. Yupela i ken go long dispela man na em bai stretim sit bilong bas bilong yupela.
K. Mogori KIMBE.

Husat i laik salim pas i kam long Edita i mas raitim stret nem na salim i kam long dispela adres: Pas i go long Edita, Wantok Niuspela, P.O. Box 1982, Boroko, NCD.

Maket em ples bilong salim kaikai

Dia Edita
Mi wanpela asples man long Tabubil. Mi laik autim wari bilong mi long wanpela samting mi lukim long Tabubil maket em i no stret long ai bilong mi.
Yes, wari bilong mi i olsem planti taim mi lukim ol meri Hailans i salim ol klos, su na han beg long maket. Olgeta de long olgeta wik ol i save mekim dispela samting. Mi lukim dispela na mi no amamas. Bikos maket em i bilong kaikai olsem taro, kaukau, kumu, kokonas na tu ol arapela samting. Maket i no bilong salim ol klos, han beg na su. Ples bilong salim dispela ol samting em long stua.
Planti taim ol kaunsela bilong maket i save tokim dispela ol meri Hailans long no ken salim ol klos, su na han beg long maket. Tasol ol i no save harim tok bilong ol kaunsela bilong maket. Ol i go het yet long salim dispela tripela samting.
Mi no save sapos dispela ol meri Hailans i save long mining bilong maket. Ating ol i ting olsem maket na stau i wankain. Olsem na samting i sapos long stap long stua ol i salim long maket. Sapos dispela kain orait ol i mas kisim ol samting olsem switkes, ambrela, redio, tomiok na sospen tu i kam na salim long maket.
Plis, mi askim yupela long yusim het bilong yupela na mekim samting. No ken mekim samting olsem wanpela longlong man i wokim. Maket em i ples bilong salim kaikai. Na i no ples bilong salim ol klos, su na han beg.
Charles Oumbia TABUBIL



Ol risev plisman long Wewak nogat rispek Kimbe em i taun bilong ol Tolai

Dia Edita,
Mi wanpela manki Wewak. Mi save lukim sampela kain pasin ol risev plisman long Wewak i save wokim na mi ting olsem ol i no gat rispek long ol arapela lidaman long ol komyniti.
Namba wan komplem bilong mi i go olsem. Taim i gat trabel i kamap long ol ples kanaka, dispela ol risev plisman yet i save i gat laik long go na holimpasin ol trabelman. Sapos i gat bikpela trabel, orait i no gat samting long en. Sapos i gat liklik trabel, orait i gat ol arapela lidaman olsem kaunsela, kaunsil komiti, viles majistret na ol arapela pis opisa i stap. Dispela lain i ken stretim dispela liklik hevi. Sapos dispela lain i no inap long stretim dispela liklik hevi, orait ol risev plisman i ken go na helpim ol long stretim dispela hevi.

Namba tu komplem bilong mi i go olsem. Wanpela taim, mi wanpela sampela lain long ples bilong mi i bin lukim wanpela risev plisman i bin paiarim nating wanpela samting ol i kolim paia flea. Plis dipatmen i givim em long pilai pilai nabaut o long yusim long mekim wok long taim i gat bikpela nid long yusim?
Namba tri komplem bilong mi i olsem. Mi

save lukim planti risev plisman i save putim yunifom na raun long taun. Sampela taim ol i save putim yunifom na raun taim ol i stap long ples. Wanpela samting i mas stap olsem: Ol i gat rispeklong plis fos tu o nogat?
Long pinisim ol toktok bilong mi, mi laik tok olsem: Ol risev plisman i mas save gut olsem ol i stap aninit long wanpela disiplin fos bilong kantri.

Olsem na ol i mas soim rispek long olgeta manmeri long komyniti. Em nau ol manmeri long komyniti tu bai soim rispek long ol. Taim dispela samting i kamap, gutpela wokbung bai kamap namel long plis fos na ol manmeri long publik.

Sumatin Bilong Nau Loya Bilong Tumora WEWAK

No ken tok beksait long ol meri gat bel

Dia Edita,
Mi gat liklik wari mi laik autim long Wantok Niuspepa. Mi wanpela meri husat i no amamas long ol narapela yangpela meri i sutim tok i go taim wanpela yangpela meri i gat bel.
Mi wanpela yangpela meri Buka bilong ples Hangan long Not Solomons provins. Long taim mi gat bel, ol yangpela meri bilong ples i bin save toktok long mi. Ol i mekim

wankain pasin tu long ol narapela meri husat i gat bel.
Mi no laikim stret dispela pasin. Wanem, yupela bai i no inap long kisim bel? I gat taim yumi wan wan yangpela meri bai i kisim bel. Maski yumi no ting dispela samting bai i kamap long yumi.
Yupela ol dispela lain meri bilong Hangan i save lotu long olgeta Sande. Na yet tok beksait long ol meri husat i

gat bel. Ating yupela i no lotu tru. Yupela i mas save penim skin na bilasim haus lotu tasol. Plis, mi askim yupela dispela ol meri long lusim pasin bilong olgeta long ol arapela yangpela meri i gat bel. Em i rabis pasin tru. Bikos yumi olgeta meri bai i gat bel long sampela taim long laip bilong yumi.

Jacklyne Tsirang Buka

Dia Edita,
Mi laik bekim pas bilong Titus Kaguma bilong Simbu we i bin kamap long Wantok Niuspela long Novemba 11.
Titus i bin komplem long ol meri Tolai husat i save kisim buai, mango na ol arapela samting i go long Kimbe na salim long maket.
Brata, mi wanpela pikinini Wes Nu Briten na asples man stret bilong Kimbe. Na mi no amamas liklik long pas bilong yu.
Wanpela samting mi laik tokim yu long en em yu mas save olsem Kimbe em i stap long Nu Briten Ailan. Na ol lain Tolai ol i asples bilong Nu Briten. Olsem na ol i gat rait long kam long Kimbe na salim wanem samting ol i gat. Na no gat man o meri i gat rait long rausim ol.
Brata, yu bin tok olsem ol meri Tolai i save bagarapim ol meri asples long Kimbe. Tasol yu no bin tok

wanem kain rot tru ol meri Tolai i save bagarapim ol meri asples.
Yu bin tok tu olsem mipela ol pipel long Kimbe i les pinis long lukim pes bilong ol meri Tolai long Kimbe maket.
Brata, dispela em i tingting bilong yu wanpela tasol. No ken karamapim mipela ol asples.
Mipela ol pipel bilong Wes Nu Briten i save olsem ol Tolai i bin wok hat tru long developim provins bilong mipela long bipo i kam inap nau. Planti bilong ol i wok olsem tisa, nes, plisman, bosman bilong sampela dipatmen long hia, kapenta, klina, inspekta na planti ol arapela wok moa.
Mipela ol asples i amamas long ol gutpela wok ol wanlain bilong mipela i wokim.
Mi no lukim wanpela gutpela as tru long komplem bilong yu. Yu wanpela man husat i

no helpim long wok bilong developim Wes Nu Briten.
Brata, mi save gut long yu. Yu wanpela man husat i save spak na brukim ol botol long ol strit bilong Kimbe na pretim ol narapela manmeri. Na tau yu wanpela long ol husat i save pinisim ol buai, mango na ol arapela samting ol meri Tolai i salim long Kimbe maket.
I no gutpela long yu i raitim pas na autim ol jeles tingting i no gutpela long mipela ol asples man.
Mi yet save laikim ol buai, daka, mango na planti arapela samting we ol meri Tolai i save salim long Kimbe maket.
Las long en, yu mas save olsem Kimbe em i taun bilong ol Tolai, Kavieng, Bogenvil na Manus. Na wankain tu olsem long ol narapela taun long Niugini Ailan rijon.

Mondo Nitram KIMBE

Kerevat haus kalabus nogat ngel bareks

Edita,
jat wanpela bikpela hevi long wanpela ating mi pilim olsem o gutpela tumas. em na mi laik autim g *Wantok Niuspepa* ol arapela wanwok long mi i ken skelim. Vari bilong mi olsem kerevat haus kalabus long Is Nu Briten provins i no gat haus bilong ol singel woda plisman.

Long bipo taim Australia i lukautim Papua Niugini, ol i wokim tupela haus (bareks) bilong ol singel woda plisman. Tasol i kam inap long nau, dispela tupela haus i bagarap olgeta. Ol waia, luva, paibro na tu ol arapela samting i bruk nabaut. Mekim dispela tupela haus i no luk olsem haus bilong man. Tupela i luk olsem haus bilong ol pik na bulmakau.

Long dispela tupela haus, tripela man i slip long wanpela rum. I no gat bet, matres, sia na tebol long ol rum. Edministresen i no bin stretim dispela tupela haus longpela taim tru nau-samting olsem 6-pela yia olgeta nau. Bikos long dispela, sampela singel woda plisman i slip wantaim long ol marit kwata.

Tupela wik i go pinis mi bin ritim long *Wantok Niuspepa* olsem mani i sot long CIS dipatmen. Ol sinia opisa i yusim mani krangi. Minista bilong CIS i mas lukluk long dispela samting na stretim. Bikos mipela sampela i wok long mekim wok wantaim hevi.

Mipela ol lain long provins i wok long askim hetkwata long stretim haus bilong mipela. Tasol ol lain long hetkwata i save tokim mipela olsem i no gat mani. Ol i giamanim mipela na ol bikman long hetkwata i wok long paulim mani i stap. Minista bilong CIS i mas rausim ol asisten komisina. Na putim ol provinsal haus kalabus komanda long kisim ples bilong ol. Bikos ol i gat save long wanem kain hevi i stap long haus kalabus.

Kamanda Palamano CIS, KEREVAT



Kain kain man i joinim BRA

Dia Edita,

Mi rait i kam long *Wantok Niuspepa* long bekim pas bilong Tonny David bilong Mendi i bin rait i kam long dispela niuspepa long sampela taim i go pinis. Mi no wanbel liklik long pas bilong David.

Brata, yu bin tok olsem ol liklik lain tasol i strong olsem na ol i pait yet. Bai mi tokim yu sampela samting nau na yu no ken paul moa.

Orait, ol lain Bogenvil Revoluseneri Ami (BRA) em ol asples man. Na ol i pait long graun bilong ol.

Long taim hevi long ailan i stat, planti tausen yangpela man na meri i bin joinim BRA. Mi tok meri bikos mipela i bin bungim ol meri BRA long hap bilong Kieta stret.

Nau mipela ol ami i wok long winim pait isi isi, planti yangpela man i givim ol yet long han bilong lo na wok wantaim mipela.

Husat ol lain i pulim yet pait olsem ol BRA em ol raskol lain. Long taim kraisis i no stat yet, ol dispela man husat i go pas long ol

Astrolabe Bay i gat nesanel memba o nogat?

Dia Edita

Mi bilong wanpela ples insait long hap bilong Astrolabe Bay eria long Madang provins ol i kolim Jamjam. Mi laik autim liklik wari o komplem bilong mi na ol lida bilong Astrolabe Bay eria i ken ritim na skelim.

Stat long yia 1987 i kam inap long nau, no gat wanpela developmen i kamap long eria bilong mi long Astrolabe Bay.

Olgeta rot i go bagarap. No gat bris long ol wara. Na tu bisnis i pundaun na mipela i stap yet long pasin bilong ol tumbuna bilong mipela long taim bipo.

Bikos long dispela hevi mipela i gat, mi laik makim maus bilong olgeta pipel long Astrolabe Bay eria na askim nesanel memba bilong mipela long helpim mipela. Mi laik askim nesanel memba bilong mipela long opim mipela ai bilong em na lukluk na em i ken luksave long nevi mipela i gat long nau yet.

Mipela ol pipel bilong Astrolabe Bay i laikim

lain BRA em ol lain raskol, stilman na ol bikhet man.

Orait, ol lain BRA komanda i bin grisim gut tru ol yangpela manki bilong ples olsem bai Bogenvil i kisim independens bilong en na ol manki i joinim dispela ol lain kriminol. Ol i no lain BRA tru tru.

Sapos ol i kilim ol wanlain manmeri na pikinini bilong ples na tu bagarapim ol samting bilong ol, em i no wanpela lain ami i pait. Em ol raskol lain ya.

Sapos yu ting ol lain BRA em i ami tru tru, watpo ol i holim ol famili na wanskin bilong ol olsem ol hostes o ol kalabusman.

Bipo long mi lusim yu brata, bai mi givim yu wanpela samting i kamap tru tru.

Bipo long gut taim, wanpela manki wantok bilong yu long Tari em i hetpas raskol long Arawa. Tasol nau, em i kamap olsem wanpela BRA komanda. Ol i save kolim em Jenerel Kopa. Long taim bilong kraisis, em i maritim tripela meri Kieta.

Tasol sori tumas

nesanel memba bilong mipela long opim maus bilong em na toktok. Na traim bringim sampela gutpela senis o developmen i kam insait long eria bilong em. I luk olsem em i no tingting long toktok na givim helpim i go long ol pipel bilong em.

Mipela i askim nesanel memba bilong mipela long yusim mani bilong ilektral developmen fan gavman i givim long kamapim sampela wok developmen, Memba i no ken kisim dispela mani na haitim i stap. Em i mas mekim wok long helpim mipela ol pipel.

Long nau yet, mipela ol pipel bilong ilektret bilong em, i no lukim wanpela wok i kamap long dispela mani. Nogat tru ya. Ating memba bilong mipela i mas kisim dispela mani na mekim wok bilong em yet. Olsem na i no gat wanpela samting i kamap long dispela mani long ilektret bilong em long Astrolabe Bay.

M. Yanden MADANG

olsem man ya i dai pinis namel long pait wantaim long ami long hap bilong Aropa somil. Em long mun Septemba bilong dispela yia.

Brata, mi ken go moa yet tasol no gat spes long raitim long pela pas. Sapos yu laik save o harim moa painim namba bilong Difens long telipon dairektri na ringim mi long Mari Bareks. Bai mi amamas tasol long toktok long yu.

**Sero Lalai
Mari Bareks
MOSBI**

Maski bagarapim gutnem bilong ESCOW

Dia Edita,

Mi laik bekim pas bilong brata/susa ya ESCOW Sapota i bin kamap long *Wantok Niuspepa* long Novemba 11.

ESCOW Sapota i bin rait na komplem long sampela wokmeri bilong Is Sepik Kaunsil bilong ol Meri (ESCOW) i save wokim. Em i bin tok olsem em i harim olsem sampela wokmeri bilong ESCOW i save paul nabaut wantaim ol man na i no save mekim wok tru bilong ol.

ESCOW Sapota, mi laik tokim yu stret olsem em laik bilong ol. I no gat wanpela wokmeri long olgeta oganaisesen (kain olsem ESCOW) i no save wokim kain pasin

olsem. Olsem na maski long komplem. Na tu kain pasin bilong harim stori tasol na komplem i no gutpela tumas. Yu mas lukim stret samting long ai bilong yu na komplem.

Gutpela brata/susa, nogut yu harim sampela giaman stori na yu komplem nating. Bikos dispela kain pasin bilong giaman stori i ken bagarapim gutnem na wok bilong ol.

Sapos yu ting olsem dispela em i wanpela trupela samting o stori, watpo ba yu no i laik go na lukim bos bilong ol. Na toktok wantaim em na tokim em olsem yu wanpela sapota bilong ESCOW. Na yu no amamas long dispela pasin sampela wokmeri bilong ESCOW i wokim.

Brata/susa ESCOW

Sapota, yu bin tok tu olsem sapos ol i mekim kain pasin olsem, ol manmeri long Is Sepik bai i no inap bilip long wok bilong ESCOW. I no olgeta manmeri long Is Sepik. Em yu tasol. Yu bagarapim gutpela nem bilong ol arapela gutpela wokmeri bilong ESCOW. Na tu nem bilong ESCOW yet.

I luk olsem yu no wanpela sapota bilong ESCOW. Yu mas giaman tasol na tok olsem yu wanpela sapota bilong ESCOW. Sapos yu wanpela trupela sapota, ating yu bai i no inap rait na bagarapim nem bilong ESCOW.

**Bill Saul
Bomana, MOSBI**

LAIKIM PENPREN

Nem: Dicks Appendix Dickson
Krismas: 19

Adres: Runginae School of Nursing, P O Box 41, Kiunga, Western Province.

Save Laikim: Pilai ol bal gems, harim ol samting long Baibel na harim musik.

Nem: Paul Coshie Terry
Krismas: 23

Adres: P O Box 2239. Rabaul, ENBP

Save Laikim: Pilai basketbal, soka na volibal, lukim TV, danis, raitim pas, senisim presen na tok pilai.

Nem: Salva Jay Hemps
Krismas: 21

Adres: Japs Ku Nava, P O Box 425, Wewak, ESP

Save Laikim: Go lotu, harim lotu singsing, pilai tas ragi na volibal.

Nem: George A
Krismas: 20

Adres: Reforestation Department, P O Box 487, Kimbe, WNBP

Save Laikim: Lukim vidio, go lotu, raitim pas, pilai soka na tas ragbi.

Nem: Douglas Yafa Krisause
Krismas: 17

Adres: C/- Catholic Mission Boiken. P O box 107, Wewak, ESP

Save Laikim: Lukim TV, pilai ragbi na soka.

Nem: Peter Fukely
Krismas: 18

Adres: P O Box 200, Tabubil, Western Province.

Save Laikim: Harim gospel na arapela musik, ritim Baibel na go lotu.

Nem: Jordan Daniel
Krismas: 18

Adres: P O Box 449, Popondetta, Oro Province

Save Laikim: Pilai soka, raitim pas, ritim *Wantok Niuspepa*, senisim presen, harim musik na mekim pren.

Nem: Saeng T Mabros
Krismas: 21

Adres: P O Box 3771, Boroko, NCD

Save Laikim: Pilai soka na volibal, raun, lukim piksa na raitim pas.

Nem: Pele Sauan
Krismas: 20

Adres: Kapiura Plantation, Bilomi 2, P O Box 451, Kimbe, WNBP

Save Laikim: Ritim buk, raitim pas, harim redio na raun lukim ples.



Krismas Spejel

Rot bilong amamasim Krismas De

LEO WAFIWA
i raitim

mani lain

Ol mani man na meri bai amamasim krismas bilong ol narakain. Dispela em ol bisnis lain, bikman bilong gavman, politisian na sampela moa.

Ol bai baim planti kaikai wantaim bia na holim bikpela pati tru. Ol i ken holim pati antap long wampela bikpela sip, wampela ailan olsem Loloata ausait long Mosbi siti, na bukim hotel.

Ol dispela kain bung i bilong amamas. Em i gutpela. Ol bung ya i makim tu pinis bilong yia 1993. Tasol ol kain bung olsem i no tingim mining bilong krismas, kamap bilong Jisas Kraiss long bel bilong Mama Maria.

I nogat rong long amamas. Tasol baksait long ol dispela amamas, em i moa gutpela

KRISMAS em i taim Mama Maria i karim bebi Jisas, sevia bilong mipela ol manmeri na pikinini bilong dispela graun. Planti manmeri bai tingim dispela na amamasim dispela

tu long tingim Jisas Kraiss, husat i bin karim bikpela pen bilong mipela.

trangu manmeri

Ol trangu manmeri husat i nogat planti mani bai amamasim krismas tu long we bilong ol yet. Tingim ol lain olsem long setelmen. Wampela papa na mama husat i gat 5-pela pikinini na i save long wampela setelmen arere long bikpela taun olsem Mosbi o Lae.

Papa na mama i no wok mani olsem long opis. Ol i save strong tasol long salim lus botol.

Long wampela yia olgeta ol i save kaikai rais na 777 tinpis tasol. Long krismas nait stret, papamama i redim wampela sais 15

kakaruk. Mani bilong baim kakaruk em ol i bin stat bungim long mun Septemba yet.

Long krismas nait, 5-pela pikinini wantaim papamama i bung na kaikai. Ol i pinisim gut tru sup na olgeta mit bilong kakaruk.

Taim ol i bung long kaikai, gutpela papa na mama bai tokim ol pikinini long mining bilong krismas.

Sapos: nogat, ol tu i olsem ol mani lain, amamas tasol long pinis bilong yia, na lus tingim long trupela mining bilong krismas.

bung wantaim

Long sampela hap bilong graun, ol kain trangu lain olsem i save bung wantaim.

Wanem liklik mani ol i gat, ol i bungim wantaim nma holim gutpela bung bilong krismas.

Na dispela em i moa gupela. Olsem sampela manmeri i save tok:

"Sapos yu greti long wampela pis, em bai i no inap swit. Tasol sapos i gat 5-pela arapela man we yupela i tilim dispela wampela pis, kaikai wantaim na sindaun stori, dispela pis bai swit moa yet.

Na tu dispela man husat i no bin greti, bai amamasim gut tru kaikai bilong em."

Tasol bikpela samting em olgeta i amamasim krismas long wan wan we bilong ol yet.

Wanem kain we mipela i amamasim

krismas, mipela i noken go moa olsem long sait bilong spak na bagarapim mipela

yet olsem pam long ka. Bikos ol kain amamas i bilong nau tasol. Nogut dispela ama-

mas i bagarapim laip bilong mipela, na mipela i no inap lukim narapela krismas.



Tingim tu ol lain long Bogenvil

ALOYSIUS SAMI i raitim

KLOSTU KRISMAS bai i pundaun antap long yumi gen. Ol pipel bilong planti hap bilong kantri bai i amamasim Krismas de wantaim ol kain kain ektiviti, pati, pilai, kaikai, lotu na presen i go long ol pikinini, poroman na husat moa yumi tingim long taim bilong Krismas.

Tasol wanem tru long ol pipel bilong yumi long Bogenvil? Faivpela yia i ova pinis na hevi long ailan i stap yet. Planti long yumi i laikim hevi long Bogenvil i pinis mas pinis hariap. Na ol pipel i ken sindaun gut long wan wan ples bilong ol. Planti tausen pipel i stap yet insait long ol kea senta bilong Saut, Sentrel na ol arapela hap moa long Bogenvil.

Long Buka na ol eria insait long Not Bogenvil, ol ples i kamap orait. Tasol sindaun i no orait tumas yet long Buin, Siwai na Nagovis erias insait long saut Bogenvil na ol eria insait long sentrel Bogenvil. Ol pipel i stap yet wantaim pret long ol lain bilong Bogenvil Revoluseneri Ami (BRA). Bikos ol BRA i bagarapim laip na sindaun bilong ol pipel, bagarapim tu ol samting olsem haus, gaden na ol arapela samting moa, pretim na kilim dai nating ol manmeri na pikinini.

Ol ripot bilong Bogenvil long tripela wik i kam inap nau i soim olsem ol lain BRA i kilim dai moa long 10 pela pipel pinis long hap bilong Siwai na Nagovis insait long saut wes Bogenvil bihain long i kam long gaden kaikai. Wampela liklik manki na tupela meri tu i stap insait long ol daiman husat i kisim birua long han bilong ol BRA long tupela wik i go pinis.

Moa ripot i bin tok lidasip bilong BRA i go slek nau na ol i paul long husat tru bai i go pas iong ol. Ol BRA i kalabusim tu Joseph Kabui, wampela long ol bikbos bilong BRA na siaman tu bilong dispela interim atoriti bilong ol BRA long Bogenvil. Ol lain BRA i mekim olsem long Mista Kabui bikos famili bilong en bin ranawe i go long Motupela kea senta insait long Nagovis.

I gat ol ripot we i tok tu olsem long nau, ol wok

bilong stretim ples na sindaun bilong ol pipel long ailan i no go gut tumas. Planti long ol program i no stat, go het o ino pinis. Bikos mani i sot. Planti tok pait na sutim tok namel long ol nesenel na provinsi politisen, ol bikman bilong long ol Interim Atoriti na ol gavman wokman husat i help long wok bilong restoresen long ailan i slekim ol wok go het bilong ol program. Na ol pipel long ples i no amamas. Bikos planti hap long ailan i no kisim gutpela sevis yet.

Orait, long taim bilong Krismas, em i gutpela sapos yumi ol lain i stap long ol eria we i nogat trabel long en i tingim ol pipel bilong Bogenvil husat i stap yet long hevi. Wanem taim tru dispela hevi long ailan bai i pinis, yumi no klia long en. Tasol gavman, ol sekyuriti fos memba, siefs, resisten paita na ol bikman insait long wan wan eria long ailan i wok hat tru long lukim olsem ol pipel long ailan i kisim gutpela sindaun.


Peris pris bilong Asitavi Katolik Misen long Waku-nai insait long sentrel Bogenvil, Pater Benedik His i askim ol Katolik peris na komyuniti long Mosbi i mekim preia bilong tingim ol pipel bilong Bogenvil na ol i ken painim bel isi long taim bilong Krismas.

Klostu yia 1993 i pinis, na i luk olsem longpela taim yet i stap bipo gutpela sindaun bai i kamap long olgeta hap bilong Bogenvil. Tasol long selebretim Krismas de, ol pater long ailan bai i mekim lotu misa long ol wan wan peris bilong ol. Ol narapela samting bilong amamasim krismas i no inap kamap. Bikos ples i no orait yet, Pater His i tok olsem.

Pater His bai i selebretim 25 yia olsem wampela Katolik pater long dispela Sande Disemba 19. Bikpela lotu misa bai i kamap long Asitavi peris bilong makim dispela de.

Em i tok long ol pater na ol arapela wok manmeri bilong sios long ailan i gat bikpela wok bilong bringim gutnius na givim strongpela tingim long ol pipel bilong Bogenvil i wok hat long rot bilong painim gutpela sindaun.

Maski hevi long ailan i stap yet na yumi no inap long amamasim Krismas olsem long ol gutpela taim bipo wantaim long pati, presen,



Aigris nau...Ating tingim bilong dispela liklik bol hailans ya i pas olgeta long samting em i sanap klostu long en. Em nau, wampela wilwil tasol. Sapos papa i save kisim bikpela pe long potnait, em i orait. Tasol sapos nogat, em samting bilong ol maniman.

Krismas De em i min wanem tru

WANPELA wik tasol i stap na Krismas De bai kamap. Em long Sarere Desemba 25.

Wanem tingting bilong yumi long dispela de Krismas. Na wanem ol kain samting tru bai yumi mekim long amamasim dispela bikpela de?

Wan wan manmeri long dispela kantri na long olgeta hap bilong wol i gat tingting bilong ol long mining bilong Krismas na ol kain samting bai ol i mekim long dispela de.

Tasol bikpela samting we i save kamap long tingting bilong yumi olgeta manmeri na pikinini long Krismas De em kamap bilong Bikman Jisas long dispela graun.

Ripot Fay Duega i bin raun long Mosbi siti na tokok wantaim sampela pipel long siti. Na em i kisim ol tingting bilong ol long wanem tru ol i ting em krismas na ol samting ol bai i mekim long amamasim dispela de.



• Sister Estella...tingim Krais pastaim.

Sister Estella Angeles, FSP em i wanpela Katolik Sister long Oda bilong Sen Pols long Mosbi. Long lukluk bilong em, Krismas em i de we yumi save tingim kamap bilong Jisas long dispela graun. Ol Kristen manmeri long olgeta hap i save putim dispela tingting pastaim long tingim Krismas. Na ol arapela samting bilong amamasim dispela de i kamap bihain.

Sister Estella i tok tu krismas em i taim bilong ol famili, wanlain na ol poroman i bung wantaim na amamas wantaim lotu, kaikai na ol presen i go long ol famili memba na ol poroman.

Em i tok long dispela de, em i gutpela long ol manmeri i tok tenkyu long God papa long givim yumi pikinini bilong en. Olgeta man i piksa bilong Jisas na Jisas i stap insait long wan wan manmeri na pikinini. Long taim Krismas de i kamap klostu, em i gutpela tu long yumi wan wan long tingim Kristen bilip na laip bilong yumi long narapela yia i kam.

Em i tok tu olsem leva bilong man em i haus slip bilong pikinini Jisas. Haus kaika bilong ol sipsip we mama Maria i bin karim Jisas em i no gutpela hap. Nogat. Ol kaikai smel i pulap long dispela hap. Tasol God i makim yet dispela hap long pikinini bilong em i bon long en. Em i samting bilong yumi wan wan manmeri i redim leva bilong yumi long Jisas i kam long en, Sister Estella i tok.

Em i tok long redim em yet long Krismas, em pre na tingting long ol samting em i kamap long laip bilong en long bipo i kam inap nau. Planti pipel long nau i lus tingting long trupela mining bilong Krismas na tingting long kamapim mani tasol long taim bilong Kris-

mas. Pasin we yumi wan wan i redim yumi yet long Krismas bai em bringim trupela amamas long Krismas, Sister Estella i tok.

Wanpela yangpela man bilong ples Kareko insait long Rigo eria bilong Sentrel provins na i skul long Shalom Baptis Sios i gat wankain tingting olsem Sista Estella.

Vere Babona wantaim 22 krismas i lukim Krismas olsem betde bilong Jisas. Na em i bikpela de we God Papa i salim pikinini bilong eni kam daun long graun long sevim yumi. Em i tok long lukim Baibel ves bilong John 3: 16 we i tok long God Papa i laikim tumas ol manmeri bilong graun na em i givim pikinini bilong em na husat manmeri i biliv long en bai i stap oltaim.


Sapos nogat Krismas, bai nogat man i sevim yumi long sin na yumi bai stap yet long tudak, Vere i tok.

Em bai selebretim Krismas wantaim famili bilong en. Wanpela salens long yumi wan wan manmeri em long lukluk long Jisas na kisim emm long laip bilong yumi. Bikos Jisas tasol em i rot bilong gutpela sindaun na belisi, Vere i tok olsem.

Tapora Lokoloko wantaim 50 krismas em i kam long Galf provins. Em bai tingim Krismas, bikde bilong Jisas long stap belisi pasin wantaim Bikman antap.

Tapora Lokoloko wantaim 50 krismas bilong Galf provins bai i go long sios sevis long Ela Yunaited Sios long Mosbi taun. Bikos Krismas de em i betde bilong Jisas em i gutpela long yumi i stap isi na tingim dispela bikpela de.

Tapora i tok em bai ino inap long go long ol pati samting we ol wantok, hauslain o ol poroman i putim kamap. Tasol em bai stap wantaim long famili na givim/kisim presen i go long wanpela arapela.



• Olewale...em i wankain de tasol.

Wanpela man husat i no gat biliv long Krismas sisen em long Daryl Olewale, 32 yias na em i bilong Daru long Westen provins.

Daryl i lukim Krismas de olsem tasol ol narapela de long yia, na i no wanpela spesel de. Ol kain kain hevi i save kamap long dispela de tu olsem tasol long ol narapela de.

Em i tok long bipo bipo tru i nogat wanpela spesel deit bilong makim Krismas. Tasol ol man bilong gaitim buk i makim dispela de long bihainim pasin bilong ol aposel long taim ol i bung wantaim long givim presen i go long ol Pater. Na ol Pater bilong lotu Katolik i strongim dispela tingting long olgeta man long wol taim ol i makim Disemba 25 long kalenda bilong ol olsem wanpela de bilong

selebretim kamap bilong Jisas long graun.

I no olgeta taim Olewale i bin gat dispela tingting long nogat biliv long krismas de. Em i kisim dispela tingting taim em i tanim bel na bihain long en i joinim Apostalik Sios long Waigani.

Tasol em i tok ol sios long kantri i bin mekim bikpela wok tru long bringim Gutnius, skul, helt na ol arapela sevis i kam long PNG. Na i gutpela long gavman i sapotim ol sios long wok bilong ol. Long tingim ol sios long ol gutpela wok ol i mekim insait long kantri, i gutpela long yumi i givim samting bek i go long sios. Na Krismas em i gutpela taim long mekim dispela samting.

Long Monica Seeto wanpela bisnis meri bilong Rabaul, em i lukim Krismas olsem wanpela taim we olgeta famili memba i bung wantaim.

Misis Seeto em i bilong Saina tasol em wantaim famili bilong en i ronim wanpela stoa long Rabaul. Em i bin stap long Mosbi bilong mekim Krismas soping long famili bilong en taim Wantok ripotai bungim em. Em i tok long dispela Krismas famili bilong en bai i gat bikpela wok long mekim bikos planti pipel i tingting long baim ol presen samting long stoa bilong givim long ol lain famili na poroman bilong ol.



• Joshua...bung wantaim na amamas.

Isaac Joshua i lukim Krismas olsem de bilong olgeta famili memba i bung na amamas wantaim. Joshua husat i kam long Manus provins i no ting olsem Disemba 25 em i deit tru ol i karim Jisas. Tasol em bai go pinisim laik bilong em long ol pati we ol wantok, wanwok na ol poroman i putim kamap long dispela taim.

Bilong mekim bikman i amamas long tingim de bilong en, Marian Tova wantaim 20 krismas bilong Galf provins bai i autim gutnius bilong Jisas na tanim bel bilong sampela man long kamap olsem ol Kristen manmeri. Em na famili bilong en bai i selebretim Krismas

wantaim long ol lain bilong singim ol krismas (carols) singsing.

Marien i tok long Baibel ves bilong John 3:16 God i mekim yumi wan wan man long sampela kain wok long graun. Planti pipel i wok long painim ol kain birua na dai long ol i no lukautim gut ol yet. Sapos yumi kisim Jisas long i go long laip bilong yumi, sindaun bilong yumi long graun bai i go gut tasol.

Eli Mileng i tok Krismas em i taim bilong amamas. Tasol long sampela lain, em i taim bilong sore. Long wanem sampela famili memba i dai long sik, eksiden na ol narapela kain kain hevi. Long taim bilong Krismas, planti manmeri i save go long ples long stap wantaim ol famili na hauslain bilong ol. Eli bai i amamasim dispela Krismas wantaim long famili bilong en long Mosbi.



• Marian...bai autim Gutnius.



Bank of South Pacific Limited
INCORPORATED IN PAPUA NEW GUINEA

**SIAMAN, BOD BILONG
OL DAIREKTA, WANTAIM OL
WOKMAN NA MERI BILONG**

BANK OF SOUTH PACIFIC

I laik tok Long olgeta lain
husat i save
putim mani,
kisim mani na
wokim bisnis
wantaim mipela,



**MERI KRISMAS
na GUTPELA
NU YIA**

Stail bilong ol Goilala long Sentrel provins

DANIEL MONA i raitim

KRISMAS wantaim ol Fuguye pipel insait long Sentrel provins.

Long ol Fuguye pipel bilong Sentrel provins, ol i lukim Krismas taim olsem wanem?

Yumi go insait long bikples bilong Sentrel provins na long Goilala distrik, bungim ol Fuguye pipel. Fuguye em i tokples bilong-wanpela lain pipel husat i stap

long Hiritano Haiwe. Na ol i papa-graun tru bilong hap haiwe i stap long en.

Orait, hap bilong ol pipel bilong Fuguye i stat tru long Kuriva long Hiri distrik na i go olsem long Doa, Gabadi na Inikabaida long Kairuku i go olsem long Fane, Woitape, Ononge na Kodige eria long Goilala distrik. Kunimaipa na Tau Wade em ol narapela tokples bilong ol Goilala pipel.

Planti taim ol man husat i go kam long Hiritano Haiwe i ting

olsem ol Fuguye pipel em ol lain Kunimaipa pipel bilong Goilala. Tasol ol i rong.

Long taim bilong Krismas, ol Fuguye pipel i save gat ol krismas pati bilong ol yet we long tokples ol i kolim long "Gabe." Gabe i min olsem bikpela kaikai long tokples bilong ol Fuguye pipel.

Long dispela yia, pasin bilong amamasim krismas namel long dispela pipel i no inap wankain olsem long ol narapela Krismas. Ol kain samting olsem ol senis we

ol maining na timba kampani i bringim long hap wantaim tu hevi bilong biksan i stapim amamas na gutpela taim we ol pipel i save gat long Krismas.

Pastaim tru, hevi bilong biksan we i kukim planti hap bilong kantri na Sentrel provins i kamapim taim nogut long sindaun na laip bilong ol Fuguye pipel. Na ol pipel i no bin gat taim bilong planim ol gaden kaikai bilong yusim long ol Gabe bilong ol.

Orait, bikpela gol maining prosek bai i kirap long Talakuna eria bilong Goilala. Na ol asples pipel bilong hap em ol lain Fane. Ol tu i toktok long senis we dispela maning kampani bai i kamapim long laip na sindaun bilong ol.

Long hap bilong Woitape i gat maining prosek, na wankain samting tu long Bakoinde we wanpela maining kampanin i painim daimon i stap. Long hap bilong ol Kodige pipel, wanpela kampani i painim kopa i stap. Na namel long Inika na Talakuna, kopa maining prosek i laik go het nau. Planti bikpela senis bai i kamap long sindaun bilong ol pipel long taim main i kirapim tru wok bilong en long hap.

Bikpela timba kampani bilong Malesia em long Ribunam Hijau i go hetim wok bilong katim ol diwai bilong ol Inika pipel. Na klostu tasol long hap bilong ol

Doa pipel, bikpela raba fektri i stap we i save sevim ol narapela raba plantesen insait long Sentrel provins.

Gen long Veimauri eria, Rim-bunan Hijau i laik go hetim wok bilong katim timba. Pastaim kampani bilong Hugo Beghusa i bin papa long timba bisnis long hap tasol long nau ol i pinisim wok bilong ol na lusim dispela hap. Na long hap bilong Kuriva, bagarap we timba kampani i kamapim i mekim na ol pipel i hat long holim ol Gabe pati.

Bagarap bilong biksan long Sentrel provins i mekim na ol gaden kaikai i no karim. Ol pipel i no bin nap tu long lukautim ol pik. Olsem na i nogat kaikai bilong ples i stap long yusim bilong Gabe. Tasol ol pipel bai go het na holim ol liklik Gabe wantaim long kaikai bilong stoa olsem long rais, suga, plawa na ol arapela moa kaikai olsem.

Orait, Gabe em i taim tu long ol hauslain, sumatin na famili memba husat i bin stap longwe long ples bilong bung wantaim na amamas. Long taim tu bilong Gabe, ol yangpela manmeri i save bungim ol poroman we ol i ken nap tu long maritim.

Long taim mi kamap long ples, mi lukim ol senis i stap pinis. Moa yet long senis bilong hevi we biksan i kamapim. Tasol ol pipel i no wari tumas.



• Ol dispela lain sumatin bilong Bavaroko komyunit skul long Nesenei Kapitel Distrik i wokim wanpela pilai na soim Krismas. Ol pikinini i gat mining tru bilong dispela hap tok.



COFFEE INDUSTRY CORPORATION LTD

KRISMAS TOK SAVE

1993 i bin wanpela stretpela yia tasol long ol wok bilong kopi bisnis. Prais bilong ol kopi tu i no bin gutpela tumas, olsem na mipela i yusim hap helpim bilong gavman long sapotim na liptimaim ol prais. Tasol dispela i no pasim ol kopi groa na ol arapela wanlain bilong ol long pait hat long strongim dispela bisnis. Bikos mipela i makim wok bilong lukautim kwaliti bilong kopi olsem namba wan samting, olgeta lain tu i bin wokbung wantaim bilong mekim dispela wok bisnis i kamap strong na go het.

Long mekim dispela, mipela i apim kain kwaliti bilong kopi na holim tu bilip em ol baya long ovasis i gat long PNG na kain kopi bilong en. Dispela i wokim na mak bilong kopi tu long 1991 (758,000) em PNG i salim i go long ovasis i go antap olgeta long wan milien beg long dispela yia.

Mi laik salim bikpela tok amamas bilong mi i go long olgeta lain husat i bin wokbung na givim han long wok bilong kopi long gutpela hatwok bilong ol. Nau mipela inap sanap na lukluk gen long wanem samting bilong mekim long 1994. Na long mekim olsem, mipela i mas glasim gen ol samting na kaikai bilong 1993.

Long makim maus bilong ol dairekta, menesmen na ol wokman bilong Kopresen, mi laik salim bikpela Krismas Griting i go long olgeta groa, ol blokholda, ol plantesen, ol lain bilong baim kopi, ol lain bilong salim kopi i go long ovasis na olgeta husat lain i bin wokbung wantaim mipela long dispela yia.

PETER KEWA,
Siaman
Bod bilong ol Dairekta.

Ating ol tarangu tu laik lap liklik

BIKPELA amamas tru i go long olgeta Kristen man na meri long nem bilong Papa God, Pikinini na Holi Spirit. God i gutpela long

yumi na givim yumi laip inap nau. Olsem na long amamasim Krismas, yumi mas givim glori, biknem na ona long King bilong ol king

na Lord bilong ol lord em Jisas Krai. Mama i bin karim em long dispela taim 2 tausen krismas i go pinis. Yumi ol pipel bilong

Kristen kantri. Olsem na amamas bilong yumi i mas holi na gutpela long ai bilong Jisas. Yumi mas tokaut long ol rong bilong

yumi long bel na tingting bilong yumi long God bilong dispela kantri. Em i mas stap tru insait long bel, haus, komyuniti, na kantri bilong yumi. Yumi i no ken mekim dispela de olsem samt- ing nating na bagarapim wantaim ol kain kain pasin nogut bilong graun. Yumi mas save na amamas tru olsem em i taim Man bilong tekewe ol sin bilong yumi i kamap.

Em bai hat tru long luksave long Jisas Krai sapos yumi no save long pasin bilong amamas, laikim ol narapela na sindaun wantaim bel isi. Kris- mas bai no gat mining long ol lain husat i no save long Jisas na kisim Em i kam insait long laik bilong ol.

Yumi redi nau long kisim toktok bilong Krismas na givim yumi yet i go long amamas bilong God long nem bilong Jisas Krai. Krismas em i bilong yumi na i olsem yumi

kamap fri man na meri long sin. Amamasim Krismas na danis long nem bilong God.

Amamas bilong yumi i ken kamap tru sapos olgeta Pikinini bilong God i amamas. Tasol dispela i nogat. Ol brata na susa long Not Solomons i laikim yet ol prea na helpim bilong yumi. Ol trangu lain long Morobe, Madang na Milen Be husat i kisim bagarap long birua bilong graun i laikim tu prea na helpim bilong yumi. Na i gat ol narapela tu husat i gat hevi na i no amamas nau.

Ating ol brata na susa i stap long ol haus kalabus i wari long mipela na laik lukim mipela. Yumi gat taim bilong go lukim ol o nogat? Ating ol narapela lain insait long komyuniti bilong yumi i nogat mani bilong amamasim dispela de. Inap yumi helpim ol liklik o nogat? Ol trangu pikinini tu i save wari


taim ol i lukim ol narapela i kisim ol kain kain naispela samt- ing. Inap yumi mekim ol i lap liklik wantaim sampela samt- ing o nogat? O ating sampela brata na susa husat i stap longwe i laikim yumi mas stap bel isi na laikim ol?

Olsem na Krismas i mas bungim olgeta pipel long haus, komyuniti na kantri. Na Jisas Krai i mas stap namel long olgeta samt- ing yumi wokim.

Jisas i mas stap insait long ol prea bilong yumi long Krismas olsem God yet bai givim yumi save, strong na pasin bilong lukautim ol narapela long olgeta taim.

Krismas blesing bilong God papa, pikinini na holi spirit i ken stap wantaim yupela nau na oltaim. Amen.

Demas Tongogo Jenerel Seketeri, Yunaited Sios.



• Damien Hakall long lephan na Baxter Travertz i aigris nau long ol samting bilong baim long Krismas. Ating i mobeta yutupela autim poket na sekim hamas i stap.



BOD BILONG OL DAIREKTA,
MENESMEN NA OL WOKMAN
NA MERI BILONG INVESMEN
KOPRESEN FAN BILONG
PAPUA NIUGINI, I LAIK TOK
LONG OLGETA GUTPELA
SEAHOLDA BILONG MIPELA,

MIERI KRISMAS NA
HEPI NU YIA





• Taim bilong malolo na ol tripela susa husat I save wok long klinik bilong Dokta Danomira I go painim presen bilong ol pikini. Long fran em Lilly Kidu, Bea Ao na Maino Lawrence.



• Tupela wokmeri bilong Stop 'N' Shop stua long Waigani I taitim bun stret long salim ol hap laplap I stap. Em nau taim bilong Krismas na mama ya I laik baim hap laplap bilong givim olsem presen I go long ol poro.



• Long marasin stua bilong City Pharmacy long Boroko, I gat ol kain kain bilas samting bilong Krismas tu I stap. Na olgeta i hip tasol I stap long wanpela kona.



SANDAUN AIR

DAILY TO AND FROM MT. HAGEN

WITH
SANDAUN AIR

NEW CHIEFTAIN SERVICE (COMMENCING 20/12/93)
VANIMO - WEWAK - MT. HAGEN

TIMETABLE

MONDAY TO SATURDAY (EXCLUDE TUESDAY)

DEPART	ARRIVAL	FLIGHT NOS
VANIMO 8.30	WEWAK 9.30	Q3 110
WEWAK 10.00	MT.HAGEN 11.00	
MT. HAGEN 11.30	WEWAK 12.30	Q3 111
WEWAK 13.00	VANIMO 14.00	

LINKING WITH OUR DAILY COASTAL SERVICE FROM LAE-MADANG-WEWAK-VANIMO

	DEPART	ARRIVE
MONDAY	NADZAB 8.00	MADANG 8.45
	MADANG 9.10	WEWAK 10.25
	WEWAK 10.45	VANIMO 11.45
THURSDAY	VANIMO 12.30	WEWAK 13.30
	WEWAK 13.50	MADANG 14.55
	MADANG 15.15	NADZAB 16.00
FRIDAY	NADZAB 8.00	MADANG 8.45
	MADANG 9.10	WEWAK 10.25
	WEWAK 10.45	VANIMO 11.45
SUNDAY	VANIMO 13.30	WEWAK 14.30
	WEWAK 15.00	MADANG 16.05
	MADANG 16.25	NADZAB 17.00


VANIMO 87 1279/87 1268 FAX: 87 1089	WEWAK 86 3408	AITAPE 87 2105	MADANG 82 2601	LAE 42 5003/42 1000	MT. HAGEN 52 2933/52 2774
--	-------------------------	--------------------------	--------------------------	-------------------------------	-------------------------------------

HEAD OFFICE: P.O. BOX 206, VANIMO, SANDAUN PROVINCE.



OUR LAE AGENTS ARE
LAE INTERNATIONAL TRAVEL
PH: 42 1000
FAX: 42 6720


OUR MT. HAGEN AGENTS ARE
TIMSTAR TRAVEL
PH: 52 2933 or 52 2994
FAX: 52 2949



• Bikman ya I amamas wantaim na lukluk long dispela su bilong baim na amamasim Krismas na Nu Yia.



• Tupela wokman bilong Stop 'N' Shop stua long Mosbi i redim nau ol samting bilong Krismas. Long lephan em Libai na sekyuriti Paul Pingiki.



Bikpela prais...Ka ya i no stap nating insait long Papindo stua long Gerehu. Em I bilong ol kastoma long winim long Krismas. Resis bilong dispela I stat pinis taim yu baim samting long Papindo.



• Dispela bikpela diwai bilong Krismas i karamapim stret hap graun bilong Gaden Siti long Boroko. Tasol em i stap tu olsem wanpela diwai bilong malolo long dralpela san ya.

TAIM BILONG BAIM LONG TOBA!



Long Mun Desemba tasol, olgeta taim yu baim wanpela

**HONDA
POWER
PRODUCT**

Yu bai kisim wanpela gutpela nupela spot hanwas

FRI

Ol bai givim ol taim ol hanwas i stap yet, ol i salim tasol long ol stua. Ol bai givim tasol wanpela hanwas taim yu baim wanpela Motor.

**HARIAP
TAIM OL
HANWAS
I STAP**

**HONDA
POWER PRODUCTS**



PORT MORESBY 21 7874
LAE 42 2611
RABAUL 92 1866

Tok hure nau long 50 yia bilong Bisop Hand long wok misineri

VERONICA HATUTASI i raitim

LONG Sande, em i bikipela de bilong wanpela man husat i bin holim wok misineri insait long Engliken Sios inap long 50 yia nau.

Dispela man i gat bikipela nem long olgeta wok bilong em. Em i gat bikipela sapot long wok bilong ol sios, autim Tok bilong God, autim tingting long wanem samting i kamap tude na ol planti arapela bikipela wok olsem.

Dispela man Bisop David Hand. Na Desemba 19 bai makim stret bikipela de insait long laip bilong em: em i stap mekim wok pris insait long Engliken Sios inap long 50 yia nau.

Bisop Hand i bilong kantri Ingran. Long Desemba 19, 1943, em i bin kisim blesing long holim wok pater long bikipela haus lotu bilong Wefkil long Ingran.

Bihain long em i stap wok 4-pela yia long kantri bilong em, Bisop Hand i lusim Ingran na kam long Papua Niugini. Wokabaut bilong em i kam long PNG i bin kamap long Novemba 28, 1946, bihain tasol long Wol Woa 2 i pinis long hap bilong Niugini na Pasifik ailan.

Long bipo, Bisop tu i

save harim kain kain stori long laip insait long Pasifik na dispela liklik ailan bilong Niugini. Tasol taim em i ritim wanpela liklik buk, "Saut Si Epik" long wok misineri bilong Bisop Philip Strong wantaim ol wanwok bilong em, dispela i sutim nau bel bilong Bisop Hand long kam wok long Papua Niugini.

Maski mama bilong em i laikim olgeta pikinini man bilong em long kisim wok olsem pater, Bisop Hand i no bin tingting strong tumas long dispela. Bikos papa wantaim tupela kandre na tupela bikipela brata bilong em tu i holim wok pater pinis.

Singaut bilong God

Tasol bihainim planti taim Bisop i tromoi long prea na tingting, ol samting i kamap klia long em olsem God i laikim em long mekim dispela wok. Olsem em i go het long skul pater. Dispela samting tu i givim bikipela amamas tru long mama bilong em husat i strongim em yet i stap inap em i lukim las pikinini man bilong em i kisim blesing bilong wok pater. Bihain long dispela na em i dai.

Bihain long klostu 50 yia pinis long PNG,

Bisop Hand i lukim planti bikipela senis na wok kamap nau i stap insait long wok bilong ol lotu insait long kantri.

Wanpela gutpela senis em long pasin ol lotu i bihainim nau long sanap na tokaut strong long ol samting em i karamapim sindaun na laip bilong ol pipel long kantri. Ol sampela bikipela toktok em long jastis na pasin bel isi na amamas, masin bilong pilai laki, pasin bilong ol meri long kisim marasin o opresen na kilim pikinini insait long bel, wok bilong painim gol, kopa na wel long graun, wok bilong katim timba na ol arapela samting insait long bus, wantaim ol arapela bikipela toktok.

Bisop i tok long ol yia bipo, na long taim Australia gavman i bosim PNG, ol lotu i no save sanap ol yet na autim toktok. Nogat tru. Ol i save wokbung tasol wantaim gavman long lukautim sindaun bilong ol pipel long kantri.

Long wok bilong gavman na ol helpim em i givim, Bisop i tok planti skul na haus sik bilong gavman i kirap insait long kantri. Na dispela i helpim ol lotu long wok bilong ranim ol skul na haus sik long PNG.

Long bipo pastaim na



• Bisop Hand (sanap long namel) i toktok wantaim tupela misineri long Australia. Dispela em long taim Bisop Hand i go long Australia long toktok wantaim ol lain long Australia long painim sampela rot long kisim sampela mani long helpim Angliken sios bilong Papua Niugini.

bihain liklik long Wol Woa 2, ol lotu tasol i save ranim ol skul na haus sik insait long kantri bilong helpim ol pipel. Tasol dispela nau i senis, gavman tu i suvim het na givim bikipela han tru.

Em i tok bikipela wok bilong kirapim na mekim wok bilong sios i go het nau i stap long han bilong ol Kristen pipel bilong PNG. Bikos bipo em ol ovasis misineri tasol i bin mekim ol dispela wok. Nau planti man na meri Papua Niugini yet i holim ol wok olsem pater, bruder, sister, katekis, pasto, na sampela tu i kamap pinis olsem ol bisop. Dispela em i gutpela mak tru bilong kirapim na holim yet wok misin bilong God insait long Papua Niugini.

Long mekim tu wok bilong ol i kamap strong moa yet long bipo, ol sios insait long kantri i save kisim bikipela helpim i kam long ausait. Tasol dispela pasin nau i wok long senis. Ol Kristen bilong PNG yet i givim bikipela sapot na helpim wantaim ol kain samting olsem mani, nil, hama, bilas na ol arapela samting long strongim dispela wok.

Ol lotu wokbung

Bisop Hand i autim tu bikipela tok amamas bilong em long gutpela wokbung em i

stap namel long ol 4-pela bikipela lotu long kantri. Dispela em ol lain long lotu Katolik, Engliken Sios, Luteran Sios na Yunaited Sios.

"Dispela pasin bilong wokbung wantaim i gutpela bilong helpim ol pipel i painim gutpela sindaun na long wankain taim tu, long strongim Kristen bilip bilong ol." Wanpela bikipela samting em Bisop Hand yet i bin go pas na skulim ol pipel bilong dispela kantri em long pasin bilong givim sapot bilong mani long sios wantaim bel isi. Dispela i kamap long wanpela apil em ol i kolim "Garamut Apil" bilong 1973.

Bisop Hand wantaim Asbisop bilong lotu Katolik long Mosbi long dispela taim, Asbisop Vigil Copas, Bisop Ravu Henao bilong Yunaited Sios na wanpela Bisop bilong Luteran Sios i bin wokabaut bihainim longpela rot bilong Kokoda long bungim mani bilong helpim Engliken Sios long ol wok bilong en.

Em i tok dispela wokabaut tu i bin soim strongpela wokbung namel long ol dispela 4-pela lotu.

Bisop Hand yet i bin statim wok misineri bilong em olsem wanpela Engliken pater long Novemba 1946 long hap bilong Tufi na Sangara klostu tasol long maunten paia

bilong Lamington long Oro provins.

Em i bin autim Gutnius bilong Jisas, givim baptismo long ol manmeri na pikinini na skulim ol tu long rit na rait. Tasol moa long 3,000 bilong ol dispela lain pipel bilong Bisop i bin dai long taim Maunten Lamington i pairap na kilim ol long yia 1950.

Kamap olsem bisop

Foti tri (43) krismas i go pinis, long yia 1950, David Hand i bin kamap wanpela bisop bilong Engliken Sios bilong PNG long Dogura insait long Milen Be provins. Em i bin wok wantaim long Bisop Strong bilong lukim olsem ol pipel husat i kisim bagarap long maunten paia i painim gutpela sindaun.

Tupela bikipela wok i bin as tru long ol i mekim David Hand i kamap olsem wanpela bisop. Em long kirapim bek gen wok bilong Engliken Sios long Is Nu Briten. Pastaim long Wol Woa 2, ol Engliken Sios wokman bilong Solomon Ailan i bin kirapim ol wok long Is Nu Briten.

Bisop Hand i bin namba wan misineri tru long kirapim wok bilong ol Kristen sios na Gutnius long hap bilong Aioma long Madang na tu long Siane insait long Simbu provins. Tupela hap i stap namel long ol maunten bilong Bismak na Shra-

da, stat long Ramu i go insait olgeta long Jimi long Westen Hailans provins.

Misen wok long Aioma i bin kirap long yia 1953. Na long hap bilong Siane long 1955.

Bisop Hand i bin malolo long wok olsem Bisop bilong Engliken Sios long 1983 bihain long em i winim 65 krismas bihainim taim mama i karim em. Na em i bin go malolo long ples stret bilong em long Ingran inap long tupela yia. Bihain em i kam bek na i stap nau long PNG.

Em i stap nau long Gerehu insait long Nesenel Kapitel Distrik na i wok long mekim yet wok bilong sios.

Taim Bisop Hand i lusim wok bilong lukautim sios insait long PNG, wanpela man Papua Niugini yet i bin kisim ples bilong em. Dispela man em Bisop George Ampo bilong Popondetta. Bihain long Bisop Ampo, komiti i makim gen Asbisop Bevan Meredith bilong Australia long kisim ples bilong em.

Long luksave long ol bikipela wok Bisop Hand i bin mekim long sios na kantri, kwin i bin givim em bikipela namba long 1975. Na em i bin wanpela bilong ol namba wan man PNG long kisim namba bilong kwin long Independens De. Em i kisim gen nara-pela namba long 1983. Dispela taim em i kisim wanpela KBE namba.



•Dispela em ol Bisop bilong Angliken sios insait long Papua Niugini long yia 1968. Nem bilong ol em (stat long lephan na i go long raitan): Bisop Aston, Bisop Sanana, Bisop Meredith, Bisop Hand na Bisop Ambo.

Hatwok bilong mama karim kaikai

DAVID HAND
I raitim

Mi no bin gat bikpela laik long kamap pris. Tasol i luk olsem mi no inap long lusim dispela wok bikos papa bilong mi na tupela brata bilong em i pris. Na tupela bikpela brata bilong mi tu i bin gat laik long mekim dispela wok.

Mama bilong mi i gat bikpela laik tru olsem wanpela pikinini bilong em i mas kamap pris. Mi las pikinini. Mama i bin gat sik kensa tasol em i no larim dispela sik i kilim em inap long em i lukim mipela olgeta i kisim wok.

Taim mi kamap pris, em i las taim tu mama i bin kamap long wanpela bikpela pablik lotu. I no longtaim long dispela em i bin dai. Tasol em i amamas olsem hatwok bilong em i karim kaikai.

Papa bilong mi i bin rarim wanpela "maina seminari" bilong ol yangpela man husat i no bin winim bikpela skul tasol husat i wok long fam na main o faktori na i gat laik long kamap pris. Olsem na long taim mi stap liklik yet, mi tu i no save olsem mi wok long redi long mekim dispela wok.

Long Pentekos Sande long 1939, wanpela bikpela smtng i kamap lng laip bilong mi. Mi bin ministran long misa long yunivesiti bilong mi na bipo long lotu i stat mi bin pre olsem: "Ating yu mas tok klia wanem samting tru yu laik mi mas mekim long lap biong mi." (Bipo long dispela mi bin tingting lng kamap wanpela haiskul tisa.) Bihain long lotu, pater i beten na mi tok, "Amen pater. Mi laik kamap pris sapos yu sapatim mi." Em i sapatim mi. Dispela pris, John Collins em i



Bisop David Hand i bungim Kwin long Ingran, na em i wanpela bikpela ona tru long dispela kain samting i kamap long wanpela man.

wanpela man i save sanap strong na pait long rait bilong ol pipel.

Long taim Wol Woa 2 i stat, mi givim nem long wok wantaim Royal Army Medical Corps. Long dispela taim mi ting olsem bikos mi laik kamap pris, dispela kain wok bai i no inap mekim mi holim gan na kilim narapela man. Tasol bipo long ol i singautim mi go long ami, bosman bilong Angliken sios na Praim Minista bilong Ingran (Winston Churchill) i toksave olsme ol lain i laik kamap pris bai i no inap long go pait. Orait, mipela i wk long stadi i stap.

Mi bin kamap pris long Desemba 19, 1943 long Wakefield Katidrel long Ingran bihain long mi bin wok wan yia olsem dikon. Mi bin wok inap foapela yia long Wes Yoksia. Mi laik go wok seplen long nvi, tasol bisop i no laik givim tok orait long mi inap long taim woa i pinis. Long dispela tai mi bin

riti wapea buk ol i kolim "South Sea Epic." Dispela buk i stoi long taim bilong woa na wanem samting i kamap lon ol sios hsuat i wok long hap bilong Saut Pasifik. Mi ritim stori bilong Bisop Philip Strong bilong "Niugini Misin" na ol arapela wok man bilong sios. Mi ritim stori bilong pater Vivian Redlich em ol soldia bilong Japan i bin kilim em.

Dispela stori i kirapim tingting bilong mi. Mi yangpela man na mi stap laip na i no gat famili. Watpo na i mi no go wok long dispela hap? Godpapa bilong mi i wanapela misineri pris long hap bilong sentral Afrika inap 40 yia. Mi bin kamap long bus bilong sentral Kwinslan we papa bilong mi i bin wok na bikpela brata bilong mi i wanpela misineri bruda i meki wok tisa long India.

Tasol bisop bilong mi i tokim mi long wet na skul inap foapela mun long wok bilong medikal bipo long mi go long Niugini. I gat sampela Angleken sista na pris tu i stap long dispela bot i lusim Australia. I bin gat samting 800 pipel bilong Yurop tu i stap long sip. Olgeta de mipela i save lotu na skulim ol piknini, planti bilong ol i no save long tok Inglis.

Mi stap wan mun long Sidni, Australia na mi kisim balus i kam long Papua Niugini. Em i namba wan taim long mi flai long balus long wanem ol wokman long wof i bin gat bikpela straik long Australia.

Balus i pundaun lng Jacksons ples balus long 28 Novemba, 1946 na mi wokm namba wan lotu long

PNG long festode bilong Sen Andrew - em i wanpeal spesel misineri bilong ol Engliken long wol.

Namba wn foapela yia bilong misineri wok i bin go hariap tru. Mi bin wok long Oro provins long Wanigela, Sefoa long hap bilong Tufi na Bangara klostu long Mt Lamington. Long taim mi stap long Bangara mi lainim tokples bilong ol pipel na em i sans bilong mi tu long save gut long pasin bilong ol pipel bilong Papua Niugini. Mi amamas long raun long ol ples na autim gutnius na stori wantaim ol pipel long pasin tumbuna bilong ol. Mi skulim tu planti ol pikinini long dispela taim.

Long 1950, mi kamap bisop long Dogura. Long dipsela tam mi kiim bikpela hevi bikos Mt Lamington i paia na kisim 3,000 pipel bilong mi. Bisop Strong i lukim olsem na em i salim i go wok inap tupela yia olgeta long helpim na stretim gen ol samting. Long dispela taim mi bungim planti pipel husat i stap pren bilong mi longpela tai tru. Bilip bilong olgeta pipel tu i helpim ol long strong na wok bung wantaim.

Orait sios i salim mi i go long mekim tupela bikperla wok. Ol i laik mi mas kirapim gen wok blong sioslong ha bilong Wes Nu Briten em ol lain misineri bilong Solomon ailan i bin mekim bipo. Na sios i laik mi mas skruim wok bilong sios i go long hap bilong Niugini Hailans. Mi go sindaun long hap bilong Mdang na mekim dis-

pela wok.

Mipela i traim long wok long ol ples we i no gat narapela sios i no gat bipo. I bin gat liklik toktok i kamap long hap we ol lain Lutheran i bin stap pinis. Mi laik lusim dispela hap tasol bikman bilong ol Lutheran Dokta John Kuder i tok, "Yu no mas lusim dispela ples bikos yu sindaun pinis wanataim ol pipel." Mi amamas long harim dispela kain toktok. Dispela man i luksave tru long mining bilong pastoral wok na wokbung wantaim ol pipel. Mitupela i kamap gutpela pren.

Long taim namba tu brata bilong mi i wok long tingting long wok em i tok long papa bilong mipela, "Papa mi laik mekim wok bilong ol man. Mi laik kamap pris." Em i gutpela pren bilong mi na em tu i wanpela gutpela pris. EM i dai long taim em i gat 39 krismas tasol. Pikinini bilong em tu i laik kamap pris tasol em i dai long birua long ka long taim em i gat 19 krismas.

Yes i bin gat planti hevi na traim i kaap long laip bilong mi. Planti ol dispela hevi mi bungim long taim mi kamap nupela longmekim wok bilong sios long ol ples maunten. Tasol dispela em i laip bilong pris. i gat taim bilong amamas na taim bilong hevi. Pris i givim laip bilong em long mekim wok bilong God namel long ol pipel.

Wanpela gutpela pren bilong mi Virgil Copas i bihainim dispela hap tok long John 17.3 Ol i save long yu. Ol pris i mas stap na dai olsem bai ol pipel i ken save long God.

TAIM BILONG BAIM LONG TOBA!



Long Mun Desemba tasol, olgeta taim yu baim wanpela

JOHNSON OUTBOARD MOTOR

Yu bai kisim wanpela gutpela nupela spot hanwas

FRI

Ol bai givim ol taim ol hanwas i stap yet, ol i salim tasol long ol stua. Ol bai givim tasol wanpela hanwas taim yu baim wanpela Motor.

HARIAP TAIM OL HANWAS I STAP

CMC **Johnson** OUTBOARDS

TOBA MOTORS

PORT MORESBY 21 7874
LAE 42 2611
RABAU 92 1866



Rot bilong wokabaut i go kamap pater insait long sios.

BISNIS LONG PAPUA NIUGINI

Buai kisim ples bilong kakao na kopra long Wewak

GODFRIED NIAKA i raitim

LONG samting olsem 5 o 6-pela yia i go pinis, wanpela bikipela rot wan wan famili long Is Sepik provins i bin kisim mani em long wok bilong kakao na kopra.

Wantaim dispela mani ol i kisim, ol i baim klos, kaikai bilong stua, skul fi bilong ol pikinini na ol arapela samting.

Wan wan famili long ol bus ples na ailan i bin kisim mani taim ol i salim wet bin kakao. Na wan wan famili long ol nambis ples i kisim mani longwok bilong kakao na kopra wantaim.

Long dispela taim, ol famili i bin wok hat tru long lukautim gaden

kakao na plantasin kokonas bilong ol. Ol lain long ol nambis ples i wokim ol nupela gaden kaikai na bihain ol i planim ol liklik diwai kakao. Na lukautim ol dispela liklik kakao i go inap ol i kamap bikipela na karim pikinini.

Wanpela kampani ol i kolim Sepik Cocoa Growers (SCG) i bin baim kakao bilong ol long gutpela prais. Olsem na ol i kisim bikipela mani. Taim ol i luksave lkong dispela ol i go het na wokim moa nupela gaden na planim kakao.

Wankain samting tu i bin kamap long kopra. Ol lain long ol nambis ples i bin wok hat tru long brukim kokonas na draim long san o smokim long ol haus paila.

Prais bilong kopra tu long dispela

taim i bin gutpela.

Tasol hevi i kamap na bagarapim dispela rot bilong kisim mani. Prais bilong kakao na kopra i pundaun. Narapela hevi long sait bilong kakao i em SCG i no ran gut, na dispela kampani i bagarap. Na emi no bin baim kakao bilong ol pipel long gutpela prais.

Maski sampela man i kisim kontrak na baim kakao long ol pipel, planti i no moa tingting long mekim wok bilong planim, lukautim, kisim na salim kakao. Bikos ol dispela kontrak lain i no bin baim kakao long gutpela prais. Ol pipel i luksave olsem hatwok bilong ol i go lus nating. Olsem na ol i lusim dispela wok.

Long nau yet, wan wan famili i lusim kakao na stat long yusim wok bilong salim buai olsem wanpela gutpela rot bilong bringim mani i go long famili. Ol i lukim buai olsem wanpela mani bisnis em i winim tru kakao na kopra. Olsem na wok bilong salim buai i kamap moa bikipela nau long Is Sepik provins.

Ol mama i no save salim buai long ol maket long Is Sepik tasol. Nogat. Bikos ol i luksave olsem buai em i wanpela samting ol i ken kisim bikipela mani hariap, ol i save kisim i go tu long ol arapela provins na salim.

Plantu mama wantim ol yangpela meri nau, i save kisim buai i go long ol arapela hap olsem long

Madang, Lae, Goroka, Hagen, Kainantu na tu long Mendi.

Wantok Niuspepa i askim sampela mama na yangpela meri long watpo na ol i kisim buai i go long ol arapela provins na salim. Na planti bilong ol i bekim olsem:

Mipela i lukim olsem dispela em i wanpela isi rot bilong kisim mani bilong lukautim famili. Na tu mipela i luksave olsem planti manmeri i save laikim buai bilong Is Sepik. Olsem na taim mipela i kisim buai i go long ol arapela provins na salim, mipela i save kisim bikipela mani.

Wanpela narapela rot i olsem ol manmeri bilong Hailans rijon i save go long Wewak.



Namba wan tru ya...Ol bol bilong Jisas Senta long Morata Insait long Nesenel Kapitel Distrik nau i gat liklik wok bilong ol yet tu long prinim na wokim ol kain kain samting bilong Krismas na ol kain bikipela taim olsem. Long poto em Reuben Bandi, Greg Toba na Warren Yasom i soim sampela kain stail em ol i wokim antap long kala kala plastik rais. Dispela em i namba wan taim tru wanpela kain stail olsem i kamap antap long plastik rais. Foto: Louis Warimi.

Namba wan tinpis faktori kisim tok orait long wok

BEN TAUMAI i raitim

WOK bilong namba wan tinpis kampani long Papua Niugini bai stat long narapela yia long Vidar, Madang provins.

Kampani husat bai mekim dispela wok em ZZZ PNG Canning kampani.

Mo long 500 manmeri i bin kamap na bung long Vidar long wanpela seremoni ol i kolim olsem "ground breaking" long las wik Sarere. Dispela bung i kamap bilong givim tok orait i go long ZZZ PNG Canning kampani bilong wok.

Sampela bikman husat i kamap na stap insait long dispela bung em Larry Zuniach, Lawrence Zuniach wantaim meri bilong em, nesenel Minista bilong Tred na Industri David Mai, rijonal memba bilong Madang Peter Barter, nesenel memba bilong Sumkar Peter Yama, ambededa bilong Amerika long Papua Niugini

Richard Tiare na edministreta bilong Madang, Wep Kanawi.

Papa bilong ZZZ PNG Canning kampani, Lawrence Zuniach i tok em i amamas tru long gavman bilong Papua Niugini, Madang provinsal gavman na ol papa graun bilong Vidar long oraitim kampani bilong em long kirapim wok.

Mista Zuniach i tok em i kisim samting olsem tripela mun long wokabout raun long wol. Na painim wanem kantri i gutpela long kampani bilong em i ken putim kamap faktori bilong wokim tinpis. Na em i painim olsem Papua Niugini em i wanpela gutpela kantri bilong kirapim dispela wok.

Minista bilong Tred na Industri i makim maus bilong nesenel gavman na givim bikipela tok amamas na tenkyu i go long ol papa graun. Bikos ol i oraitim kampani long kirapim wok long graun bilong ol.

Kampani bai stat wok long narapela yia.

KAKAO

PRAIS bilong drai kakao long wanwan tan long Rabaul long Mande inap long Fraide long las wik.

Mande	Tunde	Trinde	Fonde	Fraide
22/11	23/22	24/11	25/11	26/11

Pe ol baiya sasim long papa bilong fementri	K713	K711	K719	K719	K707
---	------	------	------	------	------

Sapot prais	K500	K585	K585	K585	K585
-------------	------	------	------	------	------

Prais ol papa bilong fementri i kisim	K1213	K1296	K1304	K1304	K1292
---------------------------------------	-------	-------	-------	-------	-------

Sapot prais bilong kakao long dispela mur, em K628.95. Dispela prais i no wankain olsem pe bilong kakao long ol narapela hap bilong kantri.

KOPI

Pe bilong drai arabika na robusta kopi long wanwan kilogram long Dec 9, 1993.

Dispela i karamapim prais bilong kopi long dua bilong faktori, na i no long sait bilong rot.

Arabika :		
Nasional	K110 to	165
Kainantu	K160 to	165
Goroka	K155 to	160
Kundawa	K145	
Minz na Banz	K140 to	130
Wapenamanda		
Mendi		
Hagen	K125 to	140
Lae	K110 to	150
Erap	K130	
Mumeng	K140	
Wau/Bulolo	K110	
Madang	K130	
Wasu	K120	

KOPRA

Pe bilong kopra i go antap nau long K50 long wan wan tan long dispela yia. Pe bilong ol bikipela depo olsem Mosbi, Alotau, Lae, Madang, Wewak, Kavieng, Toboi, Kimbe na Kieta i stap olsem:

Smoke	K250
F.M.S	K250
Hot Air	K255

Na pe bilong kopra long ol liklik depo i stap olsem:

SAMARAI	Smoke	K218
	F.M.S	K220
	Hot Air	K203

KANDRIAN na NAMATANAI	Smoke	K215
	F.M.S	K217
	Hot Air	K220

BUKA	Smoke	K214
	F.M.S	K216
	Hot Air	K219

FINSCHHAFEN	Smoke	K210
	F.M.S	K212
	Hot Air	K215

LORENGAU	Smoke	K205
	F.M.S	K207
	Hot Air	K210

KARKAR	Smoke	K215
	F.M.S	K217
	Hot Air	K220

CMB nau bai i no inap long kisim moa prais sapot long Gavman. Dispela i stat long Janueri 1, 1993.

Ol ripot i kam long Kopi Industri Kopresen. Mipela i no kisim ripot bilong Kundiawa, Wapenamanda, Mendi, Erap, Aseki, na Wasu.

Robusta :	
Is Sepik	K90 to 100

Ripot bilong ol arapela senta husat i save groim robusta kopi i no kamap.



Gutwan Minista...Minista bilong Tred na Industri David Mai i oplm ples em ZZZ plis kampani bai sanapim faktori bilong wokim tin pis. Dispela em long Madang provins.

Ol man stilim gol long Eddie Creek

Ari Guh Dandee i raitim

LONG las wik Mande, Disemba 6, sampela stilman i stilim sampela gol long wanpela liklik wara long Wau ol i kolim Eddie Krik. Dispela gol ol stilman i stilim i bilong wanpela gol kampani long Wau ol i kolim Eddie Creek Maining. Hevi bilong dispela gol i nap long 4-pela kilogram na i kos samting olsem K25,000.

Tasol Eddie Creek Maining kampani i no lusim dispela ol gol em ol stilman i stilim. Bikos wanpela sekyuriti kampani i helpim kampani na kisim bek dispela gol long han bilong ol stilman.

Bosman bilong plis long Wau, Jack Pope i tok bihain long dispela stil pasin i kamap, ol bikman bilong kampani i askim plis na wanpela sekyuriti kampani nem bilong em Mangan Sekyuriti Sevis (MSS) long helpim ol. Em nau plis wantaim MSS i go aut na painim dispela ol stilman.

Mak bilong wok edukesen insait long Luteran Sios

SANANG ZAZORING
i raitim

EVANJELIKOL Luteran Sios bilong Papua Niugini em i gat mak long wok bilong edukesen.

Wok bilong autim Gutnius i no inap kamap gut sapos i no gat edukesen bilong givim save long ol pipel.

Long dispela as, sios i gat planti komyuniti skul bilong givim save long olgeta pikinini.

Ontenu komyuniti skul em i wanpela bilong ol sios skul.

Insait long 19 yia, dispela skul i mekim bikpela wok bilong skulim ol pikinini.

Namba 19 greduesen bilong Ontenu komyuniti skul long Desemba 1, i makim

narapela bikpela de, taim ol 18 sumatin i pinisim gret 6 na kisim setifiket bilong ol.


Long makim wok edukesen bilong sios insait long Goroka na Kainantu Distrik, Zureoc Mabino i go long greduesen bilong ol gret 6.

Mista Zureoc i tok, dispela em i skul bilong Luteran Sios. Tasol em i wok bilong yupela papamama long lukautim ol pikinini bilong yupela na helpim ol long kisim save.

Mista Zureoc i tok, long nau i gat hevi long wok bilong edukesen insait long Kainantu distrik. Long wanem, Kainantu i bruk lusim Goroka Distrik pinis.

Em i tok long nau yet, Kainantu na Goroka distrik wok edukesen i stap aninit long wanpela Luteran Edukesen Seketeri (LES) inap Kainantu i makim narapela man long lukautim wok edukesen bilong sios.

Long sotpela taim, Kainantu distrik i gat edukesen komiti husat i wok wantaim na Luteran Edukesen Seketeri long karimaut wok edukesen insait long distrik, Mista Zureoc i tok.



• Sampela pes bilong ol pren na wantok husat i kamap long lukim ol skul pikinini i greduet na kisim hap pepa bilong ol long Ontenu komyuniti skul.

Mejistret tok long lukautim gut skul propeti

OL pipel bilong Ontenu insait long Kainantu distrik i bin kisim tok long lukautim gut ol samting bilong skul na kisim sevis long ol.

Wokbung bilong ol papamama na Ontenu

komyuniti skul i bin stap gutpela tru long dispela yia. Na i no olsem ol arapela komyuniti skul husat i save bungim hevi bilong bagarapim skul, bagarapim ol tisa na

stilim ol samting bilong ol.

Ontenu viles mejistret, Ampona Se'e i mekim dispela tok na tenkyu long ol pipel bilong Ontenu long gutpela wokbung wantaim skul na bod bilong menesmen.

Mista Se'e i mekim dispela toktok long taim ol gret 6 i kisim setifiket bilong ol long 1 Desemba, 1993. Em i askim ol skul pikinini long bihainim tok bilong papamama na go aninit long pawa bilong ples. Na ol papamama tu long wokbung wantaim.

Mejistret Se'e i tok, "Sapos yupela i lukautim dispela skul gut, bai yupela i kisim gutpela

sevis. Sapos ol i bagarapim skul na skul i pas, yupela bai kisim taim nogut."

Em givim tok piksa long wanpela pikinini husat i bin kisim hevi nating. Dispela pikinini i go skul long narapela skul. Na taim ol as ples sumatin i stilim wanpela samting, ol i sutim tok long dispela sumatin. Em i pret na hait 3-pela mun na bihain em i dai.

Long dispela, Mista Se'e i tok, kain pasin i no ken kamap long Ontenu skul. Ol i mas lukautim skul gut long helpim olgeta pikinini bilong Ontenu long kisim save klostu long ples.

Mejistret Se'e i tok,

sapos yu bagarapim skul, yu no inap go long arapela skul. Long wanem, yu no gat spes long hap. Em i tok, bihain bai yupela i marit na pikinini bilong yupela bai kam long dispela skul tu.

Em i tok amamas long wanpela hevi i no bin kamap long dispela skul. Olsem na dispela kain gutpela pasin i mas stap yet namel long ol tisa, papamama, bod bilong menesmen na ol skul pikinini.

Long dispela taim, siaman bilong Ontenu komyuniti skul, Faiko Wipenu tu i mekim wanpela tok long ol pipel i gat sevis bilong dispela skul.

Ontenu gret 6 greduesen

LONG histori bilong Ontenu komyuniti skul, namba 19 greduesen bilong dispela yia i kamap narakain. Ol 18 sumatin i bin kisim setifiket bilong ol long 1 Desemba, 1993.

Moa long 200 pipel i bin bung long Ontenu komyuniti skul na lukim greduesen bilong ol gret 6 sumatin. Kaikai bilong wokbung i bin kamap gut.

Ol sumatin wantaim tisa na ol bod memba i putim yunifom namba wan taim long dispela greduesen. Dispela i soim wok bung namel long het tisa wantaim ol tisa na ol bod memba na ol papamama. Ol i yusim bikpela mani long baim yunifom bilong ol.

Olgeta sumatin i bin kisim wanpela kain prais: ol boi i kisim busnaip na ol meri i bin kisim spet.

Dispela i soim ol sumatin olsem mani em i stap long ples, na i no long taun. Long hatwok bilong spet na busnaip tasol, man i ken kisim mani na kaikai.

Ol sumatin bilong gret 1 i go long gret 5 tu i kisim prais long hatwok bilong ol. Na ol sumatin tu i soim amamas long ol tisa bilong ol na givim ol sampela presen.

Het tisa bilong skul, Mike Keiguma i tok em i amamas long ol pikinini i greduet wantaim yunifom. Em i tok, dispela em i wanpela seni. Ontenu komyuniti skul i kamapim long en. Em i tok, i mas i gat senis long ol skul na ol pinkinini i ken lukim long 6 yia skul bilong ol.

Em i tok, bodi bilong man i gat planti hap bilong en, tasol ol i wok narakain, na i mekim wanpela wok. Olsem tasol yumi manmeri i mas wok wantaim long kirapim skul, maski yumi gat kain kain tingting na pasin.

Keiguma i tok, "Yupela papamama i save lukautim ol pikinini gut long kaikai na klos samting. Na mipela ol tisa i save tisim ol na givim save long ol. Olsem na yumi mas wok wantaim na givim ol save long kamap long senis ol i kamap long en."



• Dispela poto i soim ol lain 18 gret 6 sumatin husat i pinisim skul bilong ol long Ontenu komyuniti skul. Het tisa bilong ol, Mike Keiguma i sanap long lephan kona long fran.

TAIM BILONG BAIM LONG TOBA!



Long Mun Desemba tasol, olgeta taim yu baim wanpela

MARINER OUTBOARD MOTOR

Yu bai kisim wanpela gutpela nupela spot hanwas

FRI

Ol bai givim ol taim ol hanwas i stap yet, ol i salim tasol long ol stua. Ol bai givim tasol wanpela hanwas taim yu baim wanpela Motor.



MARINER OUTBOARDS

TOBA MOTORS

PORT MORESBY 21 7874
LAE 42 2611
RABAU 92 1866

GRA... T...


Christmas Specials!



B-S RICH X-MAS CAKE 500G
WERE **K3.83**



777 MACKEREL IN OIL 425G
WERE **K1.29**



COLD POWER 500GM
WERE **K1.90**



B-S GOLDEN X-MAS CAKE 900G
WERE **K5.93**




HEREFORD CORNED BEEF 200G
WERE **.89t**



NU-SOFT TOILET ROLL 10'S
WERE **K3.59**



BUSHELLS TEA 250GM
WERE **K1.05**



GLOBE DRIPPING 180G
WERE **.55t**



SUNLONG RICE 1KG
WERE **.69t**



NAG BISCUITS IN TIN
WERE **K6.59**



SUNCRUSH CORDIALS 2LTRS
WERE **K2.49**




FLAME FLOUR PLAIN 2.5KG
WERE **K1.40**

erima  

SUPERMARKET 

Christmas Specials!



LAMB
CHUMP BBQ CHOPS
T/P KILO. WERE K3.27
K2.89




ILIMO SIZE 12
WERE K4.39
K3.99



PACIFIC
ICE CREAM 2 LTR
ALL FLAVOURS.
WERE K3.19
K2.95



MEADOWLEA
MARGARINE
500GM. WERE K1.34
K1.18




AUSTRALIAN
ORANGES
KG. WERE K2.23
K1.89



FROZEN
WHOLEREEF FISH
KG. WERE K4.05
K2.75

erima 
SUPERMARKET



Masalai tanim kamap kramsel na kilim 6-pela susa

BIPO, bipo tru long ples Payawa long Morobe provins, i gat wanpela famili i stap. Dispela famili i gat 7-pela yangpela pikinini meri na ol i save stap wantaim long ples.

Wanpela nait dispela ol yangpela meri i sindaun stori long rum bilong ol i stap. Na olgeta i pasim tok olsem long moning ol bai go painim ol sel long nambis long wanpela ailan.

Taim ol i sindaun stori i stap, wanpela tewel i go sindaun aninit long haus na harim olgeta stori. Em i harim olgeta samting ol dispela susa i plenim long mekim long neks de. Long nait yet tewel i go long ailan na senisim em yet i go kamap wanpela kramsel bilong solwara.

Long bikmoning ol 7-pela susa i kirap na kisim kanu na pul i go long ailan. Ol i pul i go klostu long aila in na lukim wanpela kramsel aninit long solwara.

Em au bikpela susa i kalap i go daun long solwara. Em i go na pas olgeta. Ol arapela i wet i go na ting kramsel i hevi na narapela susa i kalap i go daun long helpim em. Ol ara-



pela 5-pela i wet i go na narapela ken i kalap i go daun long solwara. Ol i mekim i go olsem na olgeta 6-pela susa i pas olgeta long sait bilong kramsel. Liklik susa bilong ol i stap long kanu na lukluk i go daun na lukim olgeta 6-pela susa bilong em i sindaun raunim' kramesel. Em i lukluk i go na krai.

Kramsel i pasim maus na daunim olgeta 6-pela susa. Long sem taim em i wokim doti long solwara na liklik susa i stap antap long kanu i no lukim wanem samting i kamap. Dispela tewel tu i mekim solwara i rap na karim kanu wantaim liklik susa i go sua long nambis.

Liklik susa i lusim kanu na krai i go antap long haus. Taim papa na mama i lukim em



krai na askim em sapos ol bikpela susa bilong em i krosim em na paitim em.

Tasol em i tok nogat. Na stori long wanem samting i bin kamap taim ol i go long solwara. Na em i tokim papa bilong em olsem wanpela kramsel i

holim 6-pela susa bilong em.

Long neks de, papa wantaim ol arapela lain long ples i go long ailan. Ol i go na lukim dispela kramsel i stap. Ol i kirap kisim ol strongpela rop na traim rausim kramsel. Tasol dispela i no

kramsel tru. Olsem na ol i painim hat tru long rausim. Ol i traim i go na les na go bek long ples. Taim ol i kamap long ples, olgeta lain bilong ples i mekim save stret long krai.

Wangkeng Nimoren LAE.



□ Kanage i bilong Gawi kantri-Sepik. Na em i gat wanpela prenmeri. Dispela prenmeri bilong em i bilong wanpela ples long hap bilong Kerema ol i kolim Lese. Wanpela Fraide nait Kanage kisim prenmeri bilong em na tupela i go danis long Moonlight long Mosbi. Tupela i go na long ples biang danis tupela i baim bia na dring. Tupela dring i go na tupela spak nogut tru. Em nau tupela wok long tok saki long tupela yet na wok long mekimsave long danis.

Wanpela singsing bilong Basil Greg i kamap na prenmeri bilong Kanage i kirap na tokim Kanage. "Ah lewa fo mi saki. Dispela em i musik filong mitufela stret. Kirap na mitufela i go sek sekim." Em nau tupela i go na olgeta kain stail bilong Sepik na Kerema i pinis. Tupela danis pinis na i go sindaun. Na Kanage i wok long mekim kain kain pani stori. Mekim na prenmeri bilong em i kilim skin stret long lap. Em i kilim skin long lap i go na kirap givim stret bikpela kabubu. Kanage i harin na kirap nogut na askim: "Hey babe, what the heck was that?" Prenmeri bilong em kirap na bekim: "Stap isi saki for mi. Samting ya harim finis, em i win filong fekkfek ya."

Papa Kanage Dog Street, GOROKA.

Ol poroman laik daunim Kristen laip bilong mi

Dia Laiplain,

Mi painim hat long laip bilong mi. Bikos ol wanwok na ol boi mi slip wantaim ol long hostel i save wokim pani long Kristen pasin bilong mi. Ol i save krosim mi taim mi les long dring bia wantaim ol.

Mi tingting long lusim wok. Maski mi save kisim gutpela pe. Bikos mi pilim wari long mi wanpela i stap. Bai mi mekim wanem long sanap strong long dispela kain hevi?

Dia Pren,

Yu tok ol pren bilong yu i save tok pilai long yu. Na yu tok yu save les long dring bia wantaim ol. Mi laik save wanem kain Kristen pasin bilong yu i save wokim ol i na ol tok pilai long yu.

Kristen man i save wokim samting olsem wanem? Long Matyu 25:31-46 Jisas i stori long jasman.

Long dispela em i stori long pasin ol lain i bihainim em i wokim. Ol disaipel i givim kaikai long ol lain i hangre, ol i kisim ol lain em ol i no save long ol i go long haus bilong ol, givim klos long ol lain i no gat klos, ol i lukautim ol sikman na ol i go lukim ol kalabus man. Long narapela de Jisas i tok, "Sapos yu laikim narapela man, bihain olgeta man bai save olsem yu disaipel bilong mi" (John 13: 35).

Yu mas soim kristen pasin bilong yu long ol gutpela samting yu wokim. Ol wanwok na hostel pren bilong yu luk save olsem yu save wokim gut long ol na yu laikim ol? Yu save wari long ol na traim long helpim ol? O yu save tokim ol na traim long soim ol olsem samting ol i wokim i no gutpela?

Dispela i tru bikos ol Kristen man i save les long wokim samting i no gutpela. Episens 5:18 i tok: "No ken spak long wain, dispela bai bagarapim yu." I gat planti Kristen i ting olsem pasin bilong dring bia i no rong. Tasol long kantri we planti man i dring bia, i gutpela sapos yu tok no long dring.

Planti yangpela man i save pundaun bikos long hevi ol i bungim wantaim ol poroman bilong ol.

Salim ol hevi na wari bilong yu i kam long LAIPLAIN, P.O.Box 6047, Boroko. Yu ken ringim mipela tu long telipon namba 260011. Mipela i no inap autim trupela nem bilong long hia



Ating ol pren bilong yu i laikim yu long dring wantaim ol. Bikos ol i save olsem samting ol i wokim em i rong. Na taim yu tok no, dispela i save wokim ol i wari long laip bilong ol. Olsem na ol i save kros.

Sapos ol i gat dispela kain bilip, yu no ken go na joinim ol. Bikos dispela bai bagarapim laip bilong yu. Yu mas tok no sapos ol i traim long grisim yu.

No ken traim long ranawe long dispela hevi o pinis long wok. Bikos dispela bai no inap helpim yu long pinisim hevi. Pasin bilong ol lain i luk daun long Kristen pasin bilong yu bai no inap stap. Maski yu go long arapela hap o wanem samting yu wokim.


Em i isi long yu long painim narapela ples long stap. Olsem wantaim ol arapela Kristen o ol wantaok bilong yu. O yu ken askim wanpela Kristen pren long slip wantaim yu long rum bilong yu.

Maski ol i no save long pasin bilong yu na ol i bagarapim yu long kain kain tok nogut. Yu mas amamas olsem yu bihainim gutpela tingting bilong yu na wokim samting em ol Kristen bai wokim. Yu mas save olsem long bipo ol man i bin bagarapim Lord Jisas Kraus.

Long groim gutpela pasin long bungim hevi na traim long stretim yu yet. Jisas i no bin promis olsem laip bai isi long ol Kristen (John 15:18-21). Tasol em i bin promis long helpim na lukautim yumi. Yu ken lukim John 14: 27.

Olsem yu kisim gutpela sindaun taim yu beten yu bai kisim gutpela sindaun tu taim yu go raun wantaim ol Kristen man. Na tu go long yut grup na amamas wantaim ol Kristen. Dispela ol lain bai luksave long wari na hevi bilong yu na ol bai traim na helpim yu na mekim pren wantaim yu.

MI LAIPLAIN.




Hevi bilong pikinini...Long dispela yla, wanpela semina bilong lukluk long hevi bilong ol pikinini i bin kamap long Mosbi. Kos ya i stap inap long tupela wik. Na bihain ol lain husat i kamap i setifiket. Olsem na long poto, Simon Yamunar i givim setifiket pepa i go long Taita Arua, wanpela Sande skul tisa. Foto: Louis Warimi.

WANTOK

NIUSPEPA BILONG OL PAPUA NIUGINI STRET


PABLIK NOTIS

Sapos yu laik advertais, telepon 25 2500 na askim long

Ph: Miri Aiori Ext. 203
John Iagata Ext. 217
Toto Maguli Ext. 232
Iffrey Maliou Ext. 216**Nupela 1994 Kalenda****Wantok!**Mipela wokim pinis
nupela 1994 Kalenda
wantaim ol Baibel rit.Em i luk nais tru!
Painim long bukshop
long hap bilong yu na
kaikai
gut long
1994!**70t**
tasolChristian Books Melanesia
P.O. Box 488, Wewak. ESP
Papua New Guinea

-Are you a businessman?

PNG

BUSINESS 40t.


WORD

Ol Wanwok bilong em
long Bod, Menesmen
wantaim ol wokman
na meri bilong
Word Publishing i
laik salim
bikpela tok
amamas i
go long

Asbisop Sir David Hand

long makim dispela Golden Jubili bilong em
long wok olsem wanpela Pater.

**NESENEL KAUNSI BILONG OL MERI****PABLIK NOTIS
BAI PAS LONG HOLIDE**

Dispela tok save i go long olgeta provinsal kaunsil bilong ol meri, ol
NGO na ol arapela lain olsem opis bilong Nesenel Kaunsil ov Wimens
Seketeriet bai pas long Krismas na Nu Yia holide stat long Mande 20,
Desemba na bai op gen long Janueri 3, 1994. Mipela i tok sori tru
sapos mipela i kamapim sampela hevi.

Mipela i tok gutpela Meri Krismas na Hepi Nu Yia long yupela
olgeta.

Ms. Ume Wainetti
General Secretary.

PUBLIC SERVANTS SOCCER ASSOCIATION DRAW
Week 6 - 18/12/93
Bisini Grounds

Time	Fixtu	Men	Women	/Referee
8.00 am	CMB vs PNGBC	Men		R. Tsuga
9.10 am	CMB vs PNGBC	Women		G. Kaluwin
10.00 am	Education vs University	Men		J. Mangor
11.10 am	Education vs University	Women		M. Salaiu
12.00 noon	Lands vs Teachers	Men		Q. Pambuai
1.10 pm	Lands vs Teachers	Women		R. Tsuga
2.00 pm	BPNG vs P/Minister	Women		J. Minan
2.50 pm	BPNG vs P/Minister	Men		G. Kaluwin
4.00 pm	Deced vs NPF	Women		T. Wangi
4.50 pm	Deced vs NPF	Men		R. Tsuga

Time	Fixtures	Men	Women	Referee
8.00 am	Labcis vs Works	Men		M. Takai
9.10 am	Labcis vs Works	Women		M. Salaiu
10.00 am	A/General vs PTC	Men		T. Wangi
11.10 am	A/General vs PTC	Women		B. Kawa
12.00 noon	P/Mcgregor vs Transport	Men		F. Kasau
1.10 pm	P/Mcgregor vs Transport	Women		T. Wangi
2.00 pm	Finance vs NBC	Women		J. Mangor
2.50 pm	Finance vs NBC	Men		C. Saulep
4.00 pm	DCA vs POSF	Women		M. Salaiu
4.50 pm	DCA vs POSF	Men		M. Takai

Sunday 19th December

Time	Fixtures	Men	Women	Referee
8.00 am	Education vs NPF	Men		R. Tsuga
9.10 am	Education vs NPF	Women		J. Minan
10.00 am	PNGBC vs Teachers	Men		F. Kasau
11.10 am	PNGBC vs Teachers	Women		M. Salaiu
12.00 noon	BPNG vs Deced	Men		C. Saulep
1.10 pm	BPNG vs Deced	Women		G. Kaluwin
2.00 pm	Lands vs University	Women		T. Wangi
2.50 pm	Lands vs University	Men		M. Takai
4.00 pm	CMB vs P/Minister	Women		B. Kawa
4.50 pm	CMB vs P/Minister	Men		M. Takai

Time	Fixtures	Men	Women	Referee
8.00 pm	POSF vs Transport	Men		T. Wangi
9.10 am	POSF vs Transport	Women		M. Salaiu
10.00 am	Labcis vs NBC	Men		J. Mangor
11.10 am	Labcis vs NBC	Women		R. Tsuga
12.00 noon	A/General vs Finance	Men		Q. Pambuai
1.10 pm	A/General vs Finance	Women		B. Kawa
2.00 pm	DCA vs PTC	Women		J. Mangor
2.50 pm	DCA vs PTC	Men		G. Kaluwin
4.00 pm	P/Mcgregor vs Works	Women		M. Salaiu
4.50 pm	P/Mcgregor vs Works	Men		R. Tsuga

PEPSI NCD OFF SEASON LEAGUE TOURNAMENT 1993 DRAWS

- OPENING GAME:** 19/12/93
VENUE: Kaugere League Oval
TIME: 12:00pm
- Official kick off by Honourable Mr David Unagi at 11:50pm**
- ROUND ONE (1)**
Teams (Oval 1)
 1. Opo vs Manumanu 12:00 - 1:00pm
 2. South S/ment vs Morata 1:00 - 2:00pm
 3. Lealea vs Hisiu 2:00 - 3:00pm
 4. Sogeri vs Poreporena 3:00 - 4:00pm
Teams (Oval 2)
 1. Koiari vs Unagi 12:00 - 1:00pm
 2. Opogo vs Hohola 1:00 - 2:00pm
 3. Tauruba vs Roosters 2:00 - 3:00pm
 4. Tatana vs Porebada 3:00 - 4:00pm
NOTE: All teams must be aware that only 3 minutes break at interval only.

SCHOOL HOLIDAY SPORTS COACHING PROGRAMME
INFORMATION PAPER 17-21 JANUARY 1994 PROGRAMME

- Monday 17th January - Athletics**
Time: 8:30am - 3:30pm
Venue: Queen Elizabeth Park
Coordinator: John D'Siguria - PNGSC
- Tuesday 18th January - Rugby Union (Modified)**
Time: 8:30am - 3:30pm
Venue: Queen Elizabeth Park
Coordinator: Robin Tarere - PNGRFU
- Wednesday 19th January - Volleyball**
Time: 8:30am - 3:30pm
Venue: Queen Elizabeth Park
Coordinator: John D'Siguria - PNGSC
- Thursday 20th January - Soccer**
Time: 8:30am - 3:30pm
Venue: Queen Elizabeth Park
Coordinator: Allan Joseph
- Friday 21st January - Softball**
Time: 8:30am - 3:30pm
Venue: Queen Elizabeth Park
Coordinator: Nelson Tandeki

SOGERI VALLEY RUGBY LEAGUE DRAW Round 2, Game 3

RESERVE GRADE Sun 19/12/93

- 9:30 H/Canning vs T/Bros
- 10:20 B/Raiders vs I/Kerras
- 11:00 S/Tigers vs R/Spiders
- 11:50 K/Raiders vs KK United

A GRADE

- 12:00 H/Canning vs T/Bros
- 13:00 B/Raider vs I/Kerras
- 14:00 S/Tigers vs R/Spiders
- 15:00 K/Raiders vs KK United

PORT MORESBY WOMEN'S SOFTBALL ASSOCIATION INC.
1993/94 SEASON DRAW Round 2
Week 10 - 18/12/93

Time	Diamond One	Grade	Referee
9.00	Wantok vs Malangan	A	AMoe
10.30	Yokomo vs United	A	ASimitap
12.00	Gazelle vs Elcom	A	CTerra
13.30	Royals vs Stars	A	LDuba
15.00	Mazda vs Fujitsu	A	LPAvu
16.30	Gazelle vs Wantoks	A	LDuba
09.00	Tigers vs PNGBC	C	CTerra
10.30	Norths vs Admiralty	C	LSorang
12.00	G/Country vs P/Tech	C	AMoe
13.30	Norths vs Karanas	AR	PNaron
10.30	Chebu vs G/Country	AR	JKnox
12.00	Mazda vs Fujitsu	AR	PMesak
13.30	Tarangau vs UPNG	AR	JSogai
15.00	Elcom vs United	C	JAVuchulas
16.30	Malangan vs Stars	AR	PNaron

BYE: GRADE: UPNG 'C'

PORT MORESBY MEN'S SOFTBALL ASSOCIATION DRAWS

Games 2 - Round 2 - Week 11

Time	Teams	Umpires
10.00-11.15	Elcom vs B/Eagles	L. Duba
11.30-12.45	Manolos vs Gazelle	A. Moe
1.00- 2.15	NGI vs Fujitsu	C. Terra
2.30- 3.45	Chebu vs Malangan	T. Simitap
4.00- 5.15	I/Hawks vs City Tigers	P. Mesak
10.00-11.15	MSC vs Malangan	C. Terra
11.30-12.45	Elcom vs B/Eagles	R. Misiel
1.00- 2.15	I/Hawks vs Karanas	L. Duba
2.50 - 3.45	NGI vs Fuji	C. Terra
3.00- 4.15	Varsity vs Gazelle	R. Misiel
10.00-11.15	Karanas vs Fuji	N. Tata
11.30-12.45	C/Tigers vs PNGBC	M. Pasok
1.00- 2.15	Manolos vs Hanza Bay	T. Simitap
2.50- 3.45	Admiralty vs MSC	A. Moe
4.00- 5.15	Chebu vs Malangan	N. Tata

NOTE: This is the last game before the season goes into recess for the Christmas and New Year. The season will start again on January 9, 1994.

LAE WOMEN'S SOFTBALL ASSOCIATION 1993-94 SEASON - ROUND ONE DRAW

Saturday, December 4, 1993

Time	Fixtures	Umpires
9.30-10.30	Malangan vs Elcees (JL)	Margaret Gaugau
10.30-12.00	Malangan vs Elcees (L)	Ara Hungrabos
12.00- 1.30	Medics vs Westpac (L)	Helen Costigan
1.30- 3.00	Taubar vs Gazelle (L)	Steven
3.00- 4.30	Bismark vs Kunai (L)	Paul Pasen
9.30-10.30	Bismark vs Kunai (JL)	Nelson Katusela
10.30-12.00	PNGBC vs Coro (1)	Wantoks
12.00- 1.30	Manalos vs Karanas (1)	Coronation
1.30- 3.00	Defence vs Kingston (1)	Noah Warkia
3.00-4.30	Aviat vs Wantoks (1)	J. Zurencuc
9.30-10.30	Medics vs Westpac (2)	Gazelle
10.30-12.00	ANG vs Kingston (2)	Defence
12.00- 1.30	Defence vs Tarangau (2)	KKKingston
1.30- 3.00	Karanas vs Manalos (2)	Tarangau
3.00- 4.30	Coro vs Tarangau (2)	Karanas
9.30-10.30	Taubar vs Gazelle (JL)	Kunai
10.00-12.00	Taubar vs Gazelle (LR)	Medics
12.00- 1.30	Bismark vs Kunai (LR)	Taubar
1.30- 3.00	Malangan vs Elcees (LR)	Bismark
3.00- 4.30	Medics vs Westpac (LR)	Elcees
9.30-10.30	Coro vs Royals (2)	Urusula Wanana
10.30-12.00	Uni vs Manalos (2)	Uni
12.00- 1.30	Uni vs Lae Tech (2)	Coronation
1.30- 3.00	Kabi vs BSP (2)	Tarangau
3.00- 4.30	Defence vs BSP (2)	Kabi

Sunday, December 5, 1993

Time	Fixtures	Umpires
9.30-10.30	Coro vs BSP (2)	Carol Yawing
10.00-12.00	Uni vs Kingston (2)	Coronation
12.00- 1.30	Defence vs Manalos (2)	KKK
1.30- 3.00	Karanas vs Kabi (2)	Ann Ilikis
3.00- 4.30	Lae Tech vs Manalos (2)	Monica/Defence
9.30-10.30	Lae Tech vs Karanas (2)	Helen Costigan
10.00-12.00	Kunai vs Westpac (LR)	Gazelle
12.00- 1.30	Elcees vs Gazelle (LR)	Urusula Wanana
1.30- 3.00	Kunai vs Westpac (L)	Ara Hungrabos
3.00- 4.30	Elcees vs Gazelle (L)	Helen Costigan
9.30- 10.30	Defence vs Karanas (2)	Ara Hangrabos
10.30-12.00	Manalos vs Tarangau (2)	Lauiana Sadgrove
12.00-1.30	Royals vs Kabi	Tarangau
1.30-3.00	Manalos vs Kingston (1)	Kabi
3.00-4.00	Wantoks vs Karanas (1)	luaina Sadgrove

WOMEN'S DIVISION NCD: PUBLIC SERVANTS SOCCER ASSOCIATION POINTS LADDER.

POOL ONE

TEAMS	P	W	D	L	F	A	P
1. PTC	5	3	2	-	4	0	11
2. DCA	5	3	1	1	5	3	10
3. NBC	5	3	-	2	7	3	9
4. Finance	5	2	3	-	4	3	9
5. Transport	5	3	-	2	4	3	9
6. POSF	5	1	3	1	3	3	6
7. A/General	5	1	2	2	4	6	5
8. Labcis	5	1	2	2	4	6	5
9. Works	5	-	3	2	2	5	3
10. Mcgregor	5	-	1	4	1	7	1

POOL TWO

TEAMS	P	W	D	L	F	A	P
1. Education	4	3	1	-	3	0	10
2. University	5	3	1	1	5	3	10
3. Lands	4	3	-	1	7	3	9
4. BPNG	5	2	2	1	8	3	8
5. P/Minister	5	2	1	2	4	4	7
6. PNGBC	5	1	3	1	1	1	6
7. NPF	5	1	2	2	6	5	5
8. Teachers	5	1	2	2	4	8	5
9. Deced	5	1	1	3	4	7	4
10. CMB	5	-	1	4	0	8	1

MEN'S DIVISION NCD PUBLIC SERVANTS SOCCER ASSOCIATION POINTS LADDER

POOL ONE

TEAMS	P	W	D	L	F	A	P
1. Labcis	5	2	3	-	12	6	9
2. Works	5	2	2	1	7	3	8
3. Transport	5	2	2	1	6	6	8
4. PTC	5	2	1	2	7	6	7
5. Mcgregor	5	2	1	2	7	8	7
6. DCA	5	1	3	1	4	8	6
7. Finance	5	1	2	2	5	3	5
8. A/General	5	1	2	2	6	7	5
9. NBC	5	1	2	2	4	6	5
10. POSF	5	1	2	2	5	9	5

POOL ONE

TEAMS	P	W	D	L	F	A	P
1. BPNG	5	4	1	-	10	3	13
2. Lands	5	3	1	1	11	5	10
3. PNGBC	5	2	3	-	3	1	9
4. University	5	2	2	1	5	3	8
5. CMB	5	2	1	2	10	7	7
6. Education	5	2	-	3	9	7	6
7. Deced	5	1	3	1	3	4	6
8. Teachers	5	1	2	2	9	10	5
9. P/Minister	5	-	2	3	4	13	2
10. NPF	5	-	1	4	3	14	1



Eels holim ain tim bilong Godens

LIONEL YOGOMIN i raitim

TOP tim bilong Godons Flats 7s tas kompetisen, Steelers long las wiken i bin bungim bikpela salens tru i kam long Off Cut Eels. Eels i kamapim gutpela pilai tru na stapim Steelers long winim pilai. Eels i pasim rot na tupela dro 4-4 long fultaim.

Pilai i kamap gut tru tasol bihain long pilai i wok long strong long tupela sait. Ol pilaia i stat long tromoi bal i go daun bikos liklik ren i bin kamap long apinun na wokim bal i wel.

Bihain long samting olsem 15 minit bilong pilai long namba wan hap Steelers i bin putim namba wan skoa. Dispela skoa i bin kamap taim Bernard Uru i pasim bal i go long Ben Hari. Hari i kisim bal long hapwe mak na das i go skoa.

Pastaim long hap taim Eels i bekim wantaim senta Gai Lapi husat i ran i go na skoa. Dispela nau i bin kisim skoa bilong tupela tim i go long 1-1 long hap taim.

Tupela tim i bin wokim planti paul pilai na tromoi bal long graun. Ol pilaia i no holim gut bal bikos ren i wokim bal i wet na wel.

Tasol dispela i no bin wokim Eels i wari, Gai

Lapi i go na putim namba tu skoa bilong em ken long kisim skoa bilong tim bilong em i go long 2. Ol Sapota bilong Steelers i bin amamas taim Ben Hari husat i pilai gut tru i go na putim namba tu trai bilong em long kisim skoa i go long 2-2.

I no long taim Farapo Kapo i go na putim trai bilong Eels long kisim skoa i go antap long 3-2. Kapo i skoa taim ol pilaia bilong Steelers i paul i stap na i no stapim em hariap.

Bihain long skoa bilong Kapo, Steelers i bekim hariap tru taim Akiles Karapu i go na skoa. Em i bin kisim wanpela gutpela bal long Ao Tom na go skoa long kona.

Taim i wok long pinis na Gai Lapi i wokim liklik kik na liklik brata bilong em Gilly Lapi i go na skoa. Dispela i bin kisim skoa i go antap 4-3 wantaim Eels i go pas long skoa.

Tasol Steelers olsem top tim i no laik go daun long kain tim olsem Eels na go skoa. Dispela skoa i bin kam long Eli Tokana husat i painim rot bilong em na go skoa long kisim skoa i go long 4-4.



Lukim gen long 1994...Ol lain susa ya i no ol meri nating. Long volibal resis bilong Wewak long dispela sisen, Jay Sisters A gret tim i bin kamapim strongpela pilai tru. Na long neks yia, ol i pasim toktok pinis long kamapim wankain bagarap.

Kavieng kirapim nau ragbi yunien resis bilong ol yet

WINIS MAP i raitim

RAGBI Yunien em i wanpela nupela pilai em ol i kamapim long Kavieng long dispela yia. Na i luk olsem em i pulim pinis sapot bilong planti ol lain pipel bilong Kavieng na Nu Ailan provins.

Man husat i go pas long kamapim nem bilong ragbi yunien long Kavieng, Toligai Soka i tok em i wok long kisim gutpe' sapot tru long ol pipel. Long dispela yia, Kavieng i bin gat 4-pela tim. Ol dispela tim em Works, Royals, Fiscol na Cockrobin.

Nau yet Kavieng i makim pinis wanpela trening skwat bilong go pilai long Rabaul. Rabaul bai holim Royals 7s ragbi yunien tonamen. Dispela resis bai stat long Janueri 27 i go inap long Janueri 28, 1994.

Long trening skwat ol

i gat 34 pilaia i wok long mekim save long trening i stap.

Toligai i tok ol bai makim tasol 15 pilaia bilong go long Rabaul. Dispela i min olsem ol lain husat i stap long trening skwat i mas wok hat moa bilong stap insait long tim.

Dispela em i tonamen bilong ol Royals ragbi yunien tim husat i save pilai long ol arapela senta. Planti pilaia bilong Kavieng husat i stap long trening nau em ol Royals pilaia. Tasol ol i kisim tu ol pilaia bilong ol arapela tim bikos ragbi yunien em i nupela kain pilai i kamap long Kavieng na ol i laik traim promotim. Olsem na ol i givim sans tu long sampela ol pilaia bilong ol arapela tim tu long stap long trening skwat. Kavieng i tingting tu

long salim wanpela tim i go long Mosbi long stap insait long nesenel Ragbi 7s tonamen. Dispela tonamen bai kamap sampela taim long neks yia.

Wanpela bikpela samting i bin kirapim tru tingting bilong ol boi Kavieng em taim ol i bin pilai wantaim Mosbi Defence long mun Septemba. Defence klap i bin go long Kavieng na pilai wantaim ol boi Kavieng long promotim tasol ragbi yunien long hap.

Long dispela pilai Kavieng i bin nekim Mosbi Defence 14-7. Dispela nau i bin kirapim tru tingting bilong ol lain long Kavieng. Tasol Toligai i givim bikpela tok amamas i go long Defence klap long salim tim i go. Em i tok Defence i bin givim bikpela sapot tru long promotim

ragbi long Kavieng.

Toligai i tok em i wok long go aut tu long sampela ples na traim pulim tingting bilong ol man long pilai ragbi yunien. Nau yet em i go pinis long Taskul na Namatanai distrik na toktok wantaim ol man long hap long statim yunien. Em i givim pinis tupela bal i go long ol na i tingting long go raun gen na kisim tingting bilong ol man.

Em i tok ol man i gat laik long pilai yunien tasol wanpela hevi em i wok long stapim ol em ol samting bilong pilai na ol save man husat inap helpim ol. Em i tok nau yet ol i no gat ol gutpela kosa na referi bikos planti man i no bin pilai yunien long bipo. Em i tok i gat liklik lain tasol i save long pilai, em ol dispela lain husat i bin stap wok long Mosbi bipo.

EPC gren fainal pinis gut tasol

JACK AMI i raitim

ASUA Margret Kigorena i wokim klostu long golmak bilong Kula i bin stapim sans bilong ol meri Kula long dro 0-0 wantaim ol meri Naniu long taim dispela tupela tim i bung long gren fainal bilong Isten Papua Kanivel (EPC) long las wiken.

Kigorena i bin tasim bal insait long penalti eria olsem na referi Noel Vaia i givim penalti kik i go long Naniu. Straika bilong Naniu, Doris Alukes i bin kisim dispela penalti kik na pairaim umben bilong Kula. Dispela nau i bin helpim Naniu long winim pilai 1-0.

Long taim bilong kik tupela tim wantaim i no bin kamapim gutpela pilai olsem ol i save wokim. Dispela long wanem liklik ren i bin pundaun na dispela i bin wokim ples i wet liklik. Na ol pilaia i painim hat long ron wantaim bal.

Kula i gat sampela pilaia bilong ol husat i save kik long Mosbi

soka resis. Ol kain pilaia olsem Rachael Towamesi, Joycelyn Bukoya, Bella Popal na Marian Mark. Ol i bin kik strong long traिम skoa tasol Naniu i no larim ol.

Long planti taim bal i bin stap long namel wantaim ol midfil na ol

straika. Ol winga i no bin kisim planti bal na dispela i bin stapim tu sans bilong tupela tim long skoa.

Ol pilaia bilong Naniu olsem Penny Rarabun, Mowae Kirimot, Thelma Lindsay na Doris Alukes i bin wok hat tru. Ol i bin kisim gut-

pela helpim tru i kam long ol arapela wanpilaia bilong ol.

Namba tu hap bilong kik i bin kamap gut, tupela tim i kamapim sampela gutpela bal wok. Tasol ol straika i no bin kik gut na bal i save abrusim umben.

Long kik bilong ol man, ol boi Gerehu United 1 i bin winim Yabwau 1-0. Dispela gol bilong ol i bin kamap sampela minit bipo long pilai i pinis.

Joe MwAwesi i bin sutim bal i go long kona bilong umben na

bal i go pas insait long umben.

Kik i bin strong tru long tupela sait bikos tupela wantaim i strongim tru banis na i no larim birua long skoa. Goli bilong Gerehu i bin was gut tru long umben na i no larim gol long go

insait.

Bihain long kik bilong gren fainal ol i bin givim aut ol prais. Player of the tournament i bin go long Michael Sigimata, best and fairest (men) i bin go long Enosi Obadba na Doris Alukes i kisim bilong ol meri.



• Sempion tim bilong ol man long EPC soka resis, Gerehu United 1 i amamas na lap i stap bihain long ol i bagarapim sindaun bilong Yabwau long gren fainal las wiken. Foto: Jack Ami.



• Golkipa bilong Gerehu United 1, Titus Serges husat i bin kamapim gutpela pilai na helpim tim bilong em long autim Yabwau, 1-0.

Vanimo bai amamas wantaim soka

WINIS MAP i raitim

VANIMO Kantri Soka Asosiesen (VCSA) i tingting nau long holim ol sosel gem long taim bilong krismas long traिम pulim tingting bilong ol pilaia na sapota.

VCSA em i nupela soka asosiesen ol lain long Vanimo wes kos i tingting long statim long nek yia. Ol pipel bilong Vanimo wes kos i kamap wantaim tingting bilong statim asosiesen bilong ol yet bikos ol i bilip kik bilong Vanimo taun kompetisen i no save pinis gut. Na tu ol i save lusim bikipela mani long go pilai long taun.

Man husat i go pas long statim dispela nupela soka asosiesen, Binus Naugre i tok ol i makim

pinis ol eksekutiv long lukautim kik long nek yia. Tasol i kam inap nau eksekutiv i no holim yet kibung, em i tok long tupela taim em i traिम holim kibung tasol ol eksekutiv i no kamap.

Wanpela hevi ol i bungim nau em trenspot, Naugre i tok ol eksekutiv i stap long ol ples na ol i save painim hat long kamap long kibung. Olsem na ol i no holim Kibung.

Tasol em i bilip olgeta samting i wok long kamap gut tasol. Na long pulim sapot bilong ol pipel, Naugre wantaim komiti bilong em i tingting long holim ol pilai stat long krismas wiken i go inap long Nu Yia. Ol ples husat bai stap insait long dispela kik em Lido, Yako, Waramo, Mushu na Wutung.

Nau yet Naugre wantaim komiti bilong em i wok long stretim dro. Em i tok, ol bai larim wanpela ples long go kik long arapela ples. Dispela i min olsem ol lain long Wutung bai go pilai wantaim ol Yako long ples Yako. O ol lain long Lido bai go pilai long Waramo. Bihain ol lain long Waramo bai go kik long Lido.

As bilong ol dispela kain kik em long traिम pulim sapot bilong ol lain long ples. Na sapos olgeta ol lain i sapotim dispela tingting long statim VCSA. Ol bai go het na stretim olgeta samting pastaim long 1994 soka sisen i stat.

Nau yet ol bai holim kompetisen bilong soka na volibal long taim bilong krismas i go inap long nu yia.

Sapos olgeta samting i go gut ol lain long wes kos bai traिम long statim tu spot asosiesen bilong yet.

Sapos olgeta wok i go gut na ol lain pipel bilong Vanimo wes kos i gat soka asosiesen na spot asosiesen bilong ol yet. Ol lain long wes kos i save go pas long ranim soka long taun. Ating olgeta pilai long Vanimo taun bai pundaun sapos ol i bruk lusim Vanimo taun asosiesen

Bikipela em stendet bilong soka bai pundaun bikos ol lain bilong Vanimo wes kos i gat ol gutpela soka pilaia. Na stail bilong ol long kik em i gutpela.

Dispela ol lain long ples tu i save pulim planti sapota long ples. Sapos ol i go dispela i min olgeta

sapota bilong ol tu bai no inap lukim ol pilai long taun. Na Vanimo inap bungim bikipela hevi tru.

LFA no laik long kusai moa

i kam long pes 32

Long 1994 sisen LFA i askim olgeta klap long baim K50 long wan wan tim ol i putim insait long resis. Pilaia rejistresen fi em K16 long wan wan pilai long ol pilaia husat i kik long lig divisen, lig risev, namba wan divisen, anda 19 ni ol meri. Ol pilaia husat i kik long namba tu divisen tasol bai baim K8 pilaia rejistresen.

Yupela ol pilai na tim husat i gat tingting long kik i mas hariap long baim ol dispela fi. Bikos dispela bai helpim LFA long stretim ol samting na statim

gut kik. Na tu LFA i ken givim mani bilong pilaia rejistresen hariap i go long PNGFA.

Long dispela yia LFA i no baim pilaia rejistresen hariap na PNGFA i bin kros na stapim ol long stap insait long kik bilong ol meri. Olsem na ol eksekutiv i no laikim dispela kain pasin i kamap ken long nek yia.

Narapela samting em LFA bai holim presentesen danis bilong em long Melenesien Hotel. Dispela danis bai kamap long Janueri 15, 1994, kos bilong go long danis em K25 long wan wan man. Yu ken baim dispela tiket long LFA opis.

BENSON & HEDGES SOCCER



BENSON & HEDGES SOKA

Wantok

MALOLO PINIS

Pablik sevan soka paia gen

WINIS MAP i raitim

BIHAIN long wanpela wik malolo, kik bilong Pablik Sevan Soka Asosiesen (PSSA) bai stat ken long dispela wiken. Long las wiken ol eksekutiv i bin stapim kik bikos ol i givim sans long EPC soka long pilaim gren fainal.

Tasol long dispela wiken, Bisini soka graun bai paia gen taim ol tim i mekim save long daunim ol birua long win. Wanpela gutpela pilai long dispela wiken em kik namel long ol boi Labour/ CIS (Labcis) na NBC.

Labcis na NBC i stap long pul wan. Long dispela pul, Labcis i wok long go pas long poin lata wantaim 9 poin. Na NBC i stap long namba 9 ples wantaim 5 poin.

Long stapim Labcis long win NBC i mas pilai olsem tim na stapim ol straika bilong Labcis long go klostu na skoa. Labcis i gat ol

gutpela straika husat inap skoa isi sapos ol birua i no was gut.

Taim ol boi Labcis i bin kik wantaim Trenspot long tupela wik i go pinis ol i putim tupela isi go tru. Bal wok bilong midfil na fowat lain bilong ol i gutpela tru.

Olsem na sapos NBC i no was gut ating ol inap lus tingting long kik na go bek long 5 mail wantaim wari.

Tasol Labcis i no ken luk daun long NBC bikos nau sisen i wok long pinis na ol tim bai wok hat tru long kisim sampela poin. Na NBC inap mekim ol boi Labcis i slip wantaim wari sapos ol i no lukaut gut long ol straika bilong NBC.

Long pul tu BPNG bai skelim bun wantaim Deced dispela tu bai wanpela gutpela kik. Bikos BPNG em i wok long go pas long poin lata wantaim 13 poin taim Deced i stap long namba 7 wantaim 5 poin.

Na long stapim kain tim olsem BPNG ol

kas bilong Deced i mas wok hat moa. Bikpela tru long ol beklain pilaia ol i mas traime na stapim ol straika bilong BPNG long go klostu. Midfil tu i mas was long birua

na stapim ol hariap bipo long ol i kalapim banis na skoa.

BPNG bai wok hat tru long daunim Deced bikos ol i no laik lusim namba wan ples i go long arapela tim. Ol

bai no inap tru long pilai kaskas long Deced taim dispela tupela tim i bung.

Kik long dispela wiken tu bai laspela na ol bai stapim kik long malolo long Krismas.



Kwin ya...Kepten bilong Kay Cee tim i winim Wewak volibal resis bilong ol meri i so op liklik long A gret resis.

1993 MINI SOUTH PACIFIC GAMES MEDAL TALLY AS OF 14/12/93

COUNTRY	GOLD	SILVER	BRONZE	TOTAL
New Caledonia	11	6	8	25
Fiji	10	11	11	32
F/Polynesia	6	4	4	14
PNG	5	10	9	24
Tonga	2	2	2	6
Vanuatu	2	2	1	5
Cook Islands	1	0	0	1
A/Samoa	0	1	0	1
Norfolk Islands	0	1	0	1
Western Samoa	0	0	2	2
Guam	0	0	0	0
Nauru	0	0	0	0
Niue	0	0	0	0
N/Marianas	0	0	0	0
Solomons Islands	0	0	0	0
TOTAL	37	37	37	111

LFA no laik long kusai moa

LAE Futbol Asosiesen (LFA) husat i bin bungim hevi long dispela yia wantaim Papua Niugini Futbol Asosiesen (PNGFA) i no laik westim taim na nau i askim ol pilaia na klap long baim pilaia rejistresen na klap afiliesen hariap.

LFA long dispela yia i no bin baim olgeta pilaia rejistresen fi hariap na PNGFA i bin stapim ol long stap insait long ol bikpela kik. Tasol bos man bilong ol John Peka i bin stretim toktok wantaim PNGFA presiden na tok ol bai baim olgeta fi bihain long ol i pilaim gren fainal.

Tasol ol i no pilaim gren fainal hariap na PNGFA i bin stapim Lae long salim tim bilong ol meri i go long Madang long stap insait nesenel wimens klap sempionsip.

Na long stapim dispela kain hevi long kamap ken LFA i no laik westim taim na askim ol klap na pilaia long baim ol pilaia na klap afiliesen fi hariap.

Taim bilong baim pilaia rejistresen na klap afiliesen fi em long Januari 17, 1994. Olgeta i mas stat baim ol fi long dispela taim na i go. Yupela i ken go long ANZ beng long Lae na baim fi bilong yupela i go long akaun bilong LFA. Akun namba bilong LFA em 103887-00.

i go moa long pes 31

Sans bilong PNG long SP Gems popaia pinis

SANS bilong Papua Niugini long kisim gol medel long soka long taim bilong namba 4 Saut Pasifik Mini Gems i lus pinis. PNG i bin gat sampela tingting long go insait long fainal na traime go long gren fainal sapos olgeta samting i go gut.

Tasol sans bilong ol i bin lus bikos ol i bin lus long Vanuatu 1-0. Long taim kik i stat PNG i bin kamapim gutpela kik tru. Ol i bin dro 1-1 wantaim Nu Kaledonia na winim Tonga 5-0.

Dispela nau i bin kisim skoa bilong PNG i go antap long 5 poin. Long dispela taim tu Vanuatu tu i bin gat 5 poin bikos ol i bin winim wanpela gem na dro long wanpela. Vanuatu i bin winim Tonga 3-0 na dro wantaim Nu Kaledonia 1-1.

Nu Kaledonia tasol i bin strong na dro wan-

taim Vanuatu na PNG. PNG na Vanuatu i bin kamapim strongpela kik stret long pul A. Na dispela i bin kamap klia bikos tupela wantaim i bin gat 5 poin bihain long tupela i pilaim tupela gem.

Bihain long dispela tupela gem tupela tim wantaim i bin gat bikpela bilip long winim las gem na go long gren fainal wantaim wanem tim i win long pul B.

PNG i bin kamap strongpela pilai tru long traime rausim Vanuatu. Tupela i strong na i no skoa long inap fultaim. Bihain long ekstra taim na Vanuatu i sutim wanpela gol na dispela i bin helpim ol long winim kik. Vanuatu nau bai kik wantaim tim husat i winim kik long pul B.

Tasol yumi long PNG i mas amamas long



• PNG kosa, Joe Turia...tim i bin kamapim gutpela pilai tru maski ol i bin lus long ol fainal bilong mini SP Gems.


hat wok ol soka pilaia bilong yumi i mekim long traime long kamapim nem bilong kantri long soka. Ol i kamapim gutpela kik tru na dispela yumi mas amamas long ol.

Bikpela tok amamas i mas go long kosa Joe Turia na ol arapela

soka opisal husat i bin helpim tim long kamapim gutpela kik.

Na klostu tru ol i mekim i go long gren fainal. Bikpela tok amamas tu i mas go long ol pilaia husat i bin kamapim gutpela kik.

BENSON & HEDGES SOCCER



SAUTING TRU EM,
BAGA LES LONG SILIP,
NOGUT EM DRIMAN
GEN... EM SINDAUN IGO
TULAIT I BRUK...



MONING NAU EM GO WOK... AI BILONG
EM I SILIP YET...

YAWN!
UH-HU.



EM I GO KAMAP LONG OPIS NA
TOKIM SEKETERI LONG KISIM OL
MESES BILONG EM...

EH, SUZI... KISIM OL... ER...
MESES... NOKEN PLTIM OL
TELEFON KOL I KAM IN-
SAIT... (YAWN)... MI BAI
BISI TRU, OKE?

OK
MINISTA
MAIK!



NAU MINISTA MAIK IGO INSAIT NA
SILIP TASOL...

YAAWNNGG!
HU-ZZZZZZ



OLGETA TELEFON KOL I KAM
NA SEKETERI I KUSAI LONG
OL...

SORI TRU, SE! MINISTA I BISI
TRU NA BAI INO INAP TOKTOK.
WANTAM YU, CUTBAI!

OK!
CLIK!



MINISTA SILIP IGO APINUN
OLGETA...

HEY?! EM TAIM
BILONG NOK-OFF
NAU NA MINISTA
SILIP YET! MASKI,
LUSIM EM, MI GO!

222
222
222



REBO

OL P.N.G.B.C. I WIN NA OL SAPOTAS I AMAMAS TRU!!!

GUT WAN, P.N.G.B.C!! TOP! TOP!!

BIK BOS BILONG OL AMAMAS TRU NA GO TOK TOK WANTAIM OL !!!

MI AMAMAS TRU LONG PEFOMENS BILONG YUPELA. GO SENIS NA KAM LONG HAUS BILONG MI!! MAH SAUT!

YUPELA, HARIAM! BIK BOS I AMAMAS LONG YUMI... EM BAI SAUT NACA!!

OLGETA I AMAMAS WANTAIM NA OL I GO LONG HAUS LONG WASWAS NA SENIS NA GO BEK LONG HAUS BILONG BIK BOS BILONG OL!!!

P.N.G.B.C. GO! GO! GO! EM I TRU!!!

BIK BOS I GO PAS LONG HAUS NA TOKIM MERI BILONG EM LONG STRETIM OL SAMTING...

HAMAS OL BOIS BAI KAM LONG HAUS?.. YUMI NO GAT PLANTI PLET YAH!

NO WARIS LEWA.. I GAT SAMPELA PEPA PLET I STAP INSAIT LONG KABOD.. NOKEN WARI TUMAS LONG SPUN, BAI OL I KAIKAI LONG HAN!

NAU REBO WANTAIM OL BOIS BILONG EM I REDI PINIS NA OL I GO LONG HAUS BILONG BIK BOS...

KAM! KAM INI! DISPELA EM NAIT BILONG YUPELA! REBO KAM HELPIM MI NA FRAM MIT!

OK, BOS! NA OL BIA WE?

HEY, EM PES TAIM TRU LONG KAM LONG HAUS BILONG M.D YAH!

MI TU YAH!!

HA! HA! HA! YU WARI LONG BIA? BIA I STAP! PULAP, YAH! KAM HELPIM YUPELA YET!

YUMI PINISIA WANPELA ESKI NA KIK-DEE LONG NARAPELA BIHAIN!



HEY, WANTOK!

YU LAIK RITIM NIUSPEPA LONG TOK- PLES BILONG YUMI? ... ORAIT, BAIM





WANTOK

NIUSPEPA BILONG OL PAPUA NIUGINI STRET



Ernst & Young audited circulation 16,177

INO DIA TUMAS. 40¢ TASOL!

EM NIUSPEPA BILONG YUMI OL PAPUA NIUGINI STRET!



Musik long Danis, Kirapim skin blong yu!



Pacific Gold i Pairap!

Supa Swit Moa seivim Ailan long ol Rasia



SUPA SWIT MOA
The Taste of Paradise



I GAT MOA? .. EM PAWA, YAH!

MUSIK NA TELEWISEN

PAPUA NIUGINI

Resa bilong Sepik, Mandawali kam bek wantaim nupela kaset

GODFRIED NIAKA i raitim

PLANTI manmeri bilong Is Sepik na ol arapela provins i save laikim tru ol singsing bilong wanpela musikman bilong Gawi kantri yet. Nem bilong dispela man em Christian Mandawali.

Ol manmeri long Is Sepik husat i save dai long ol singsing bilong Mandawali i save givim em kain kain nem. Sampela i save kolim em *Resa Manki*, sampela i save kolim em *Pawa Manki* na ol arapela i save kolim em *Papa Man*.

Tasol long las 4-pela yia i go pinis, ol i no bin harim nek bilong em liklik. Bikos em i no bin katim wanpela kaset wantaim wanpela studio bihain long em i katim namba tu kaset bilong em long 1989 wantaim Pasifik Gol studio long Rabaul.

Klostu long pinis bilong 1990, wanpela tokwin i kirap long Wewak na i go raun long ol arapela provins olsem Mandawali i longlong. Dispela tokwin i kamap bihain long em i go na pilai long 1990 Maborasa Festival long Madang.

Mekim na ol manmeri husat i save pundaun kirap na sindaun silip wantaim wari long singsing bilong Mandawali i bin wari nogut tu.


Narapela samting tu i olsem planti manmeri i wok long askim ol kwesten olsem: Mandawali i longlong yet o nogat? Mandawali i stap we nau? Mandawali i lusim musik pinis o nogat? Mandawali bai katim gen wanpela kaset bilong em o olsem wanem?

Bihainim dispela kain ol tingting na askim, mi laik tok save olsem no ken wari....stap isi tasol. Bikos dispela *Resa Manki* i ken wokim yupela sindaun slip wantaim sori....i no wari. Bikos em i katim nupela kaset bilong em pinis aninit long taitel "NAK N". Na nupela kaset bilong em i stap nau long ol stua. Sekim ol stua na yu ken baim wanpela na amamasim yupela yet long harim nek bilong Mandawali.

Mandawali i gat nem long stail bilong em yet long singsing olsem bilong ol Smokie na Cliff Richard. Dispela em kain nek we i save pas o olsem man i gat strongpela kus na singsing. Na tu Mandawali i save bekap gut long ol singsing bilong em yet.

Wantok Niuspepa i askim tripela Sepik-wanpela man na tupela meri long wanem kain tingting ol i gat long nupela kaset bilong Mandawali. Hia em wanem samting ol i tokim *Wantok Niuspepa* :

YANNY MASALAI SALLEI: Man ya i no mekim



• Kristofa Mandawali na nupela kaset bilong em. Nek nogut ya i kam bek pinis.

wanpela liklik nois long las 4-pela yia i go pinis. Na nau em i kamap ples klia. Bihainim tupela kaset bilong em bilong bipo, ating nupela kaset bilong em bai kukim Is Sepik provins wantaim ol provins. Bikos man ya em i wanpela trupela musikman. Em i no save wari o tingting long katim kaset klostu klostu.

PHILLIPA HOIBI: Mi nogat planti toktok ya. I luk olsem em bai kukim ya. Bikos Mandawali em i wanpela gutpela musikman bilong mipela long Is Sepik provins. Mi gat bikpela tingting olsem planti manmeri bai laikim nupela kaset bilong em.

LEONNY MANGAN: Mi gat bilip long em ya. Kain pasin bilong stap longpela taim na kam gen i min olsem em bai kukim stret ples ya. Bikos man ya i save kam wantaim pawa ya.

I KAM LONG Ela Motors OL WIL BILONG NESEN



AMERICAN TOP FORTY AS AT 1812/93

CUR.	TITLE	ACT NAME
1.	All That She Wants	Ace Of Base
2.	Again	Janet Jackson
3.	Please Forgive Me	Bryan Adams
4.	I'd Do Anything For Love (But I Won't Do That)	Meat Loaf
5.	Hero	Mariah Carey
6.	What Is Love	Haddaway
7.	No Rain	Blind Melon
8.	Both Sides Of The Story	Phil Collins
9.	Dreamlover	Mariah Carey
10.	I Can See Clearly Now	Jimmy Cliff
11.	Said I Loved You ...But I Lied	Michael Bolton
12.	Something In Common	Bobby Brown and Whitney Houston
13.	Wild World	Mr Big
14.	Linger	The Cranberries
15.	Because The Night	10,000 Maniacs
16.	Breathe Again	Toni Braxton
17.	Another Sad Love Song	Toni Braxton
18.	Hey Mr D.J.	Zhane
19.	Two Steps Behind	Def Leppard
20.	All For Love	Sting/Rod Stewart Bryan Adams
21.	The River Of Dreams	Billy Joel
22.	All About Soul	Billy Joel
23.	Can We Talk	Tevin Campbell
24.	Mr Vain	Culture Beat
25.	Sweat (A LA LA LA Song)	Inner Circle
26.	Just Kickin' It	Xscape
27.	Better Than You	Lisa Keith
28.	Cryin'	Aerosmith
29.	IF	Janet Jackson
30.	Runaway Train	Soul Asylum
31.	Everybody Hurts	R.E.M.
32.	Anniversary	Tony! Toni! Tone!
33.	Right Here (Human Nature)	SWV
34.	Higher Ground	UB40
35.	Dreams	Gabrielle
36.	Hey Jealousy	Gin Blossoms
37.	Found Out About You	Gin Blossoms
38.	OOH Child	Dino
39.	Baby I'm Yours	Shal
40.	Daughter	Pearl Jam

EMTV TELEWISEN

THURSDAY 16TH DECEMBER, 1993

5.27	STATION OPEN
5.30	ITN NEWS (G)
6.00	TODAY SHOW (G)
6.00	HERE'S HUMPHREY (G)
8.30	SESAME STREET (G)
9.30	STATION CLOSE
1.17	STATION RE-OPEN
1.20	ONE DAY CRICKET (G)
4.00	KIDS KONA
	FAT CAT (G)
4.30	YOGI'S GANG (G)
5.00	MAGILLA GORILLA
5.27	EMTV TOK SAVE
5.29	EMTV NEWS BREAK
5.30	HOME AND AWAY (G)
6.00	NATIONAL EMTV NEWS
6.30	A CURRENT AFFAIR (G)
7.00	ONE DAY CRICKET (G)
7.30	LOTTO DRAW (G)
7.32	CRICKET CONTINUES(G)
8.00	FIZZ (G)
9.00	CRICKET C. NTINUES(G)
9.24	EM-TV TOK SAVE (G)
9.27	SUPERSOUND NEW RELEASE
9.30	NEIGHBOURS (G)
9.57	SUPERSOUND NEW RELEASE

10.00	LOVE AND WAR (PGR)
10.30	A COUNTRY PRACTICE(G)
12.30	CRICKET HIGHLIGHTS(Rpt)
12.00	NATIONAL EMTV NEWS REPLAY (G)
	MEDITATION


FRIDAY 17TH DECEMBER, 1993

5.30	ITN NEWS (G)
6.00	TODAY SHOW (G)
8.00	HERE'S HUMPHREY (G)
8.30	SESAME STREET (G)
9.30	STATION CLOSE
2.40	SUPERSOUND NEW RELEASE
2.47	EMTV TOK SAVE
3.00	KIDS KONA
	FAT CAT (G)
4.00	KIDS KONA FAT CAT (G)
4.30	YOGI'S GANG (G)
5.00	MAGILLA GORILLA (G)
5.27	EMTV TOK SAVE
5.29	EMTV NEWS BREAK
5.30	HOME AND AWAY (G)
6.00	NATIONAL EMTV NEWS
6.30	A CURRENT AFFAIR (G)
7.00	NEIGHBOURS (G)
7.27	SUPERSOUND NEW RELEASE

7.30	A DIFFERENT WORLD (G)
8.00	RESCUE 911
8.30	FOCUS (G)
8.57	EMTV TOK SAVE
9.00	AUSTRALIA'S FUNNIEST HOME VIDEO SHOW
9.30	NATIONAL EMTV NEWS REPLAY
10.00	JOHNY WALKER CHAMPIONSHIP
11.57	MEDITATION

SATURDAY 18TH DECEMBER, 1993

8.47	STATION OPEN
8.50	ONE DAY CRICKET
12.30	GILLETTE (G)
1.00	CRICKET (G)
5.00	BONANZA: (G)
	"Ambush at Rio Lobo"
5.55	SUPERSOUND NEW RELEASE
6.00	NATIONAL EMTV NEWS (G)
6.30	DISNEY MOVIE (G)
8.00	NCDC NEWS (G)
8.20	TOK SAVE
8.25	SUPERSOUND NEW RELEASE



8.30	JAKE & THE FATMAN(G)
9.30	NATIONAL EM-TV NEWS REPLAY
10.00	JOHNY WALKER CHAMPIONSHIP
11.30	HAWAII 5-0 (PGR)
	"The Ninth Steps"
12.30	NATIONAL EMTV NEWS REPLAY
11.57	MEDIATION

SUNDAY 19TH DECEMBER, 1993

11.27	STATION OPEN
11.30	ALLAN BORDER
	TESTIMONIAL CRICKET
12.27	CHIN H MEEN
	SUPERSOUND NEW RELEASE
5.00	BONANZA (G)

PNG TOP TWENTY

AS AT 11/12/93

NO.	SONG	ARTIST
1 (1)	Kir Ta Prove Tana	Kokoratts
2 (2)	Askere	H. Maca
3 (4)	Swit Smile	Vuvu Vibration
4 (5)	Chako Chako	Chaco Chaco
5 (3)	Data Tut	Festlight
6 (10)	City Meri	Kanini Bros
7 (6)	A Mistake	Leonard Kania
8 (8)	Pinky Pony	Darkends
9 (7)	10 X Pekitona	Pongoros 93
10 (12)	Emi No Isi	Basil Greg
11 (9)	Lukluk Tamavatur	Barike
12 (11)	Soldier Boy	Darkends
13 (13)	Sauga Mei	Sauga Band
14 (14)	Bihain Taim B/V	Crisis Survivors
15 (15)	No Compromise	M. Manimbi
16 (0)	Rosie Lalokau	JT & Siule
17 (18)	Arua Pipi	Arovu Harisu
18 (0)	Nono Peren	Jackboi/Wamsi
19 (19)	Josephine	Leonard Kania
20 (17)	Berna	Hitsy Golu

• Ratings based on requests on Radio Kalang and not cassette sales.

ELA MOTORS - OL WIL BILONG NESEN

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.